



元史類編卷之三

仁和邵遠平戒山學南沙席世臣鄆客氏校

夫王一

至元十六年己卯春正月甲寅移贛州省治還隆興辛酉宋合州安撫王立降詔殺立既而赦之召入覲仍其故官自是東川州縣皆下壬戌分川蜀為四道以成都等路為川西道廣元等路為川北道重慶等路為川南道順慶等路為川東道並立宣慰司甲戌張宏範李恒兵至厓山張世傑走宋主昴及其官屬俱蹈海死宋亡前後得戶一千六百八十四萬八百有六二月戊寅朔升溧州為路遣使訪通皇極數鄱陽祝泌子孫獲其書以獻癸未增置前後二衛都指揮司共為五衛建司天臺于大都製銅儀象圭表銅表高四尺又于上都洛陽等五處分置儀表各設監候官癸卯敕大都

河間山東鹽運司並兼酒醋商稅甲辰發嘉定新軍屯田脫里北
 之地命嘉定新附州郡及田楊二家諸貴官子俱充質子入侍乙
 巳立西蜀四川道提刑按察司志作十年增詔河南西京北京各路課程
 聽宣慰司兼領圖太祖太宗睿宗御容于翰林院命院官春秋致
 祭三月戊申朔詔大兵渡江以來農民不無騷動今已安集務宜
 敦本力田各正官以時勸課如無成效者糾察見典遣郭守敬由
 上都大都歷河南府抵南海測驗晷景丙寅敕中書省凡掾史文
 移稽緩一二日者杖三日者死甲戌授八番龍文求為臥龍番龍
 延三為大龍番龍方零為小龍番俱安撫使得洞寨一千六百二
 十六命太常寺定州郡祭祀儀式及壇壝祭器圖寫成書名至元
 州縣社稷通禮夏四月癸巳命給事中兼起居注掌隨朝諸奏事
 復立江西權茶運司及諸路轉運鹽司宣課提舉司通考云以兩淮鹽引五萬道召商中

癸卯填星犯鍵閉乙巳選南軍二萬人增宿衛五月丙辰置漣海
 等州總管府募民屯田丙寅敕僧司文移毋輒入遞丁卯升雲南
 寶山崑渠二縣為州癸酉行省言賦北京西京車牛皆至可運軍
 糧帝曰民之艱苦汝等不問但知役民使今年盡取則來歲田禾
 何由得種其止之六月丁丑朔發新附軍戍碣門魚通黎雅甲申
 宋張世傑溺死海陵部將百五十八人詣瓊雷二州降癸巳雲南
 都元帥愛魯將兵分定亦奚不薛抵金齒蒲驃曲蠟緬國界招降
 忙木巨木禿等三百寨師還獻馴象十二亦奚不薛者羅施鬼國別部也亦曰亦乞不薛令京朝
 諸官雇役開浚通州河癸卯以阿合馬子忽辛為潭州行省左丞
 從子別都魯丁為河南宣慰使秋七月戊申置東宮侍衛軍定江
 南上中路置達魯花赤二員下路一員應昌府如例設官己未改
 桑哥麻思地之算木多城為鎮西府丙寅填星犯鍵閉癸酉遣中

丞崔或訪求江南藝術之人八月庚辰太陰犯房距星戊子海賊

賀文達降括所掠婦女還之民庚寅敕沅州總管乞答合征取桐

木籠狔狔伯洞諸蠻海賊金通精死獲其從子温有司論如法帝

曰通精已死温何預焉特赦其罪詔每歲聖誕元辰禮儀費用名

為已俸無非科斂民財應一切停止典章云每遇聖誕元辰前期一月文武官躬詣寺觀啟建祝延聖壽萬安道場本日

質明朝臣詣闕稱賀外官則率僚屬儒生耆老僧道人等結綵香案呈舞百獻夾道祇迎就寺觀叙班舞踏三呼畢公宴而散其費皆督之里下以為常丁酉以江南

所獲碧玉爵及玷凡四十九事納于太廟庚子歲星犯軒轅大星

甲辰定漢軍出征逃者死且沒其家女真水達達軍不出征者隸

民籍輸賦九月庚戌以忽辛兼領杭州諸色人匠歲造繪段十萬

匹置大護國仁王寺總管府建聖壽萬安寺于京城己巳統軍唐

兀帶麻陽達魯花赤武伯不花劫掠辰沅新附民千餘口詔即軍

中斬之冬十月乙酉帝御香閣命大樂署令完顏椿等肄文武樂

丙申太陰犯太微西垣上將十一月丙午詔皇太子燕王參決朝

政凡事先啟後聞戊申敕諸路所捕盜初犯賊多者死再犯賊少

者從輕論罪有盜以舊鈔易官庫新鈔百四十錠者有司謂罪不

應死帝以其父執役巨家即論如法癸丑太陰犯熒惑己巳併教

坊入拱衛司十二月甲申祀太陽丁酉八里灰貢海青回鶻等所

過供食羊非自殺者不食百姓苦之帝曰彼吾奴也飲食敢不隨

我朝乎禁勿與降歸州路為州升沔陽安陸各為府濟寧安西慶

遠建寧漳惠梧柳象邕賓橫容潯諸府州並為路

十七年庚辰春正月丙辰定遷轉官員法凡無過者授見闕物故

及過犯者選人補之滿代者令還家以俟又定諸路差稅新增者

即上報隱漏者加罪不必履畝清丈動搖百姓戊辰放荆南江廣

所俘男婦三萬二千餘人為民置福建行省于福州尋移泉州改

德慶路爲總管府二月乙亥命和禮霍孫將兵與高和尚同赴北

邊時有言高和尚善術能役鬼爲兵故有是役已丑瀘州安撫梅應春前爲宋制置張珏所殺

其子國賓詣闕訟寃帝命以珏昇國賓俾復父讐珏聞之自經死

三月乙卯立都功德使司掌帝師所統僧徒并吐番軍民事賜國

師掌教所印辛未立畏吾境內交鈔提舉司柳林營田提舉司給

月脫古思八部屯田牛具陝西轉運使郭琮等殺安西王相趙炳

詔逮琮等誅之夏四月壬申朔升宣德龍門鎮爲宣德縣隆興楊

門站爲懷安縣丁亥立杭州金玉總管府庚子歲星犯軒轅大星

山東諸郡霜真定路蟲皆損桑五月甲辰作行宮于察罕腦兒之

北丙午升沙州爲路并括戶丁以富戶餘田分戍軍耕種六月辛

未朔新歷成詔曰自古有國牧民之君必以欽天授時爲立治之

本黃帝堯舜以至三代莫不皆然爲斯官者皆世守其業隨時考

驗以與天合故歷法無數更之弊及秦滅先聖之術每置閔于歲

終古法蓋殫廢矣由兩漢而下立積年日法爲推步之準因仍沿

襲以迄于今天運流行不息而欲以一定之法拘之未有久而

不差之理差而必改其勢有不得不然者前命太史院作靈臺制

儀象日測月驗以考其度數之真積年日法皆所不取庶幾昭合

天運而永終無弊比日新歷告成賜名授時歷頒行天下布告遐

邇咸使聞知見典章壬申安西王薨罷王相府壬辰頒鈔法于江淮

廢宋舊錢并括銅器戊戌阿合馬矯殺江淮平章阿里伯右丞燕

帖木兒崔斌等秋七月戊申太陰掩房距星己酉太陰犯南斗徙

泉州行省治隆興戊午阿合馬薦郝禎耿仁並爲中書左丞用姚

演言開膠東河屯田漣海乙丑罷江南財賦總管府併大都鹽運

司入河間割建康民二萬戶種秣歲輸釀米三萬石己巳遣中使

歷江南名山訪求高士且命持香帛詣信州龍虎山臨江閣皂山
 建康三茅山設醮八月庚午朔改蒙古侍衛總管為蒙古侍衛親
 軍都指揮使丙子太陰犯心東星丁丑峻都請招三佛齊等國不
 允是月許衡致仕姚樞卒九月甲子太陰掩右執法并犯歲星丁
 卯羅施鬼國主阿察阿里降召入覲冬十月丁丑遣湖南兵萬人
 伐亦奚不薛降其民亦奚不薛稱疾遣從子入朝帝曰彼不稟命
 輒以職授從子無人臣禮宜令亦奚不薛出始罷兵壬午立陝西
 四川行中書省己丑以都實為招討使往西域窮河源按河源古無所
見自漢使張騫
道西域度玉門見二水交流發葱嶺趨子關匯鹽澤伏流千里至積石而再出唐薛元鼎使吐番
訪河源得之闕磨黎山世之論河源者皆推本二家其說近誕元潘昂霄以都實使還得其詳據
河源志謂源在吐番朵目思西鄙有泉百餘泓沮洳散渙弗可通視方可七八十里燦若列星名
火敦腦兒譯言星宿海也羣流奔接近五七里匯為一巨澤名阿刺腦兒自西而東連屬成川號
赤賓河又合亦里赤忽闌也里木三河其流浸大始名黃河又岐為九股行二十日至大雪山
名騰乞里塔即崑崙也由此而南至潤即及潤提二地始相屬又經哈刺別里赤兒之地合細黃
河及乞兒馬赤二水北行復折而西流過崑崙北又轉而東北行約二十餘日至積石始入中國
世言黃河九折蓋彼地有二折云都實受命自河州起行四閱月始抵其地既還圖其城傳形勢

丙申定在官者任事一月始給俸初置象輦以備巡幸

一月己亥朔置泉府司掌御用及太后太子諸王出納事戊申敕

疏通鈔法凡賞賚多給幣課稅多收鈔是月廉希憲卒十二月戊

寅加奉使木剌彝國速刺蠻為招討使壬辰福建陳桂龍及其兄

子陳弔眼據漳州反元帥完者都擊之走八畚洞甲午重建太廟

成奉遷神主于祔室迎太祖睿宗二金主入新廟行大亨禮置北

庭都護府掌畏吾兒之居漢地者阿木卒于軍改雷廉封化高五

州為路徙峽州路于江北舊治復置鄆縣隸鞏昌是歲置榷茶都

轉運司于江州總江淮荆湖福廣之稅通考云除長引專用短引每茶一引收
鈔二兩四分五分是年命戶部大定

兩例全科戶丁稅每丁粟三石驪丁及減半科戶丁稅每丁粟一石七斗五升第
二年七斗五升第三年一石一斗五升第四年一石五斗第五年一石七斗五升第
六年八斗第
七年九斗第八年一石第九年一石二斗第十年一石三斗第十一年一石四斗
第十二年一石五斗第十三年一石六斗第十四年一石七斗第十五年一石八斗
第十六年一石九斗第十七年一石第十八年一石一斗第十九年一石二斗第
二十年一石三斗第廿一年一石四斗第廿二年一石五斗第廿三年一石六斗第
廿四年一石七斗第廿五年一石八斗第廿六年一石九斗第廿七年一石第廿八
年一石一斗第廿九年一石二斗第三十年一石三斗第三十一年一石四斗第
三十一年一石五斗第三十二年一石六斗第三十三年一石七斗第三十四年一
石八斗第三十五年一石九斗第三十六年一石第三十七年一石一斗第三十八
年一石二斗第三十九年一石三斗第四十年一石四斗第四十一年一石五斗第
四十二年一石六斗第四十三年一石七斗第四十四年一石八斗第四十五年一
石九斗第四十六年一石第四十七年一石一斗第四十八年一石二斗第四十九
年一石三斗第五十年一石四斗第五十一年一石五斗第五十二年一石六斗第
五十三年一石七斗第五十四年一石八斗第五十五年一石九斗第五十六年一
石第五十七年一石一斗第五十八年一石二斗第五十九年一石三斗第六十年
一石四斗第六十一年一石五斗第六十二年一石六斗第六十三年一石七斗第
六十四年一石八斗第六十五年一石九斗第六十六年一石第六十七年一石一
斗第六十八年一石二斗第六十九年一石三斗第七十年一石四斗第七十一年
一石五斗第七十二年一石六斗第七十三年一石七斗第七十四年一石八斗第
七十五年一石九斗第七十六年一石第七十七年一石一斗第七十八年一石二
斗第七十九年一石三斗第八十年一石四斗第八十一年一石五斗第八十二年
一石六斗第八十三年一石七斗第八十四年一石八斗第八十五年一石九斗第
八十六年一石第八十七年一石一斗第八十八年一石二斗第八十九年一石三
斗第九十年一石四斗第九十一年一石五斗第九十二年一石六斗第九十三
年一石七斗第九十四年一石八斗第九十五年一石九斗第九十六年一石第
九十七年一石一斗第九十八年一石二斗第九十九年一石三斗第一百年一石
四斗

十八年辛巳春正月丁未敕江南州郡官蒙古回鶻人兼用丙辰

十八年辛巳春正月丁未敕江南州郡官蒙古回鶻人兼用丙辰

改符寶局為典瑞監收天下諸司印二月乙亥發刑徒減死者為
軍征海外立上都留守司并敘州為路隸安西省移潭州省治鄂
州湖南宣慰司治潭州丙戌發肅州軍民穿渠溉田乙未皇后安
吉刺氏崩皇太子真金自獵所奔至三月己亥立登聞鼓院有冤
者許撾鼓以聞是月許衡卒夏五月癸卯禁西北邊回鶻人越境
為商丙辰歲星犯右執法庚申分烏蒙路隸雲南順慶路隸川東
詔括契丹戶嚴鬻人禁安西軍站凡和雇和買與民均役秋七月
甲午朔置和中所于甘州以儲兵糧癸卯太陰犯房距星庚戌松
州知州僕散秀哥前後射虎萬計賜號萬虎將軍八月甲子朔招
討使方文彥擇守令崇祀典敢奸吏弭盜賊整軍旅獎忠義六事
下廷臣議行丙寅熒惑犯諸侯西第三星壬辰海南諸國貢犀象
閏月癸巳朔熒惑犯司怪南第二星庚戌太陰犯昴丁巳命播州

每歲親貢方物壬戌兩淮轉運使阿剌瓦丁坐盜官鈔伏誅詔給

怯薛歹糧拘其所占田為屯田九月癸酉定市舶商貨已經泉州

抽分者他處止令輸稅通考云立市舶司于泉州慶元上海澈浦每歲招集船商于外
番博易珠翠香料藥物回帆依例抽解後聽自貨賣官為十分

取二粗者十五分取一時客船自泉福販土產物者所徵亦與番貨
等上海市舶提控王楠以為言於是定以雙抽為販貨單抽為土貨甲申太陰犯軒轅大

星冬十月乙未以皇后祔享太廟乙巳命安西王府協濟戶及南

山隘口軍于延安鳳翔六盤等處屯田丁未置河西織毛段匠提

舉司己酉命張易等叅校道藏諸書惟留道德經餘悉焚毀庚戌

詔諭于不昔國來附壬子置各省蒙古提舉學校官擢管軍千戶

程文海為集賢直學士兼秘書少監和禮霍孫守司徒改諸路屯

田李蘭奚總管府為農政院十一月癸亥朔詔諭探馬赤令歸附

探馬赤譯言
眾部族也甲子賊首陳弔眼伏誅桂龍降流之邊地甲戌太陰犯五

車次南星丁丑犯鬼丁亥太陰掩心東星十二月甲午命筮吉刺

帶為右丞相阿合馬為左丞相丙午太陰犯軒轅大星癸丑免益
都淄萊寧海開河夫今年租賦仍給其備直免福州路十八年以
前逋賦是歲揚州火通泰三州饑發粟三萬石賑之思表命龍州

十九年壬午春正月壬戌朔諸王撒里蠻誘執叛王昔里吉遣使
馳報丁卯增兩浙鹽價每引鈔四貫通考云用姚元之請命江南稅糧依宋舊制折輸綿絹雜物二月辛

卯朔饒州總管姚文龍言江南財賦歲可辦鈔五十萬錠詔以文

龍為江西道宣慰使兼措置茶法通考云用耿仁言江南全輸米三之一餘並入鈔折之以七百萬錠為率歲得羨鈔十四萬其

輸米者止用宋斗斛蓋以米一石當今七斗故也甲午給甘州逃軍五千人自願挈家還戍者鈔

一萬六百二十錠每口布一疋驢一頭乙巳立廣東提刑按察司

及鐵冶總管府改羅羅斯宣慰司隸雲南浙東宣慰司治温州分

軍戍江南自歸州及江陰至三海口凡二十八所癸丑大良坪元

帥蒲元圭遣子入朝三月壬午益都千戶王著擊殺阿合馬于闕

門捕著及其黨高和尚併樞密副使張易皆醢于市夏四月丁酉

龔吉刺帶罷命和禮霍孫為右丞相戊戌立回易庫倒換金銀昏

鈔帝以諸王公主分地所設達魯花赤例不遷調百姓苦之敕任

滿依常調選代壬寅敕于灤河造官車以給歲用毋派取民甲辰

帝悟阿合馬之姦逮其子忽辛赴揚州鞫問始鉤考諸處平準庫

汰倉庫官察所占民田還其主戊申敕凡文書俟奏可始用御寶

刊行蒙古畏吾字所譯通鑑庚戌設懷孟路河渠使副官王子制

民間貸錢息以三分為率定內外官三年考滿叙升未滿者不得

超越命雲南諸路各建學祀宣聖五月己未朔戮阿合馬尸窮治

其黨黜省部濫設官七百十四人罷南東西京宣慰司盡拘諸位

下所給印已巳遣浙西宣慰同知劉宣等理算各省鹽茶及財賦

府出納之數籍阿合馬妻子親屬奴婢財產并逮其黨耿仁別都

魯丁至大都誅之癸未以麥木丁為中書右丞張雄飛參知政事
乙酉命逃軍驟其面仍使從軍六月己丑朔日食癸丑罷司徒府
及農政院丁巳亦奚不薛千戶朱添富順元總管阿里降秋七月
戊午朔日食詔于揚州岳州各立行樞密院辛酉剖阿合馬黨郝
頑棺戮其尸壬戌禁諸位下差軍護送私營錢貨蒙古軍守江南
者令更番還家壬申立馬湖路總管府戊寅議建阿失答不速皇
城用木十二萬道遠難致照察罕勝兒地築土為牆乙酉閣婆國
貢金佛塔九月丁巳朔定歲貢額上路總管府三年兩貢儒吏各
一人下路總管府二年一貢儒吏遞進儒必通吏事吏必知經史
中書省掾史有關於院臺令史內選取院臺令史於六部令史內
選取六部令史以歲貢儒吏補充員典章 通考 上各路司吏有闕取所屬衙門
人吏委本路長官同儒學官考試以習行務算
術詩書論 孟內通一經者為中選然後補充按察司書吏有闕府州司吏內勾補諸歲貢吏當該
官司于見役人內公選以儒吏兼通者為上才識明敏吏事勤慎者次之月日雖多才能無取者

不許 戊午誅阿合馬第三子阿散四子忻都剝其皮以狗并誅其

從子宰奴丁庚申罷漣海州屯田以游顯行省揚州領浙江漕運

辛酉海外南番俱監國主遣使奉表進寶貨及黑猿一那旺國主

忙昂以其國無識字者遣使四人不奉表蘇木都速國主土漢八

的亦遣使二人蘇木達國相臣那里八合刺攤赤以事在俱監聞

詔代其主打古兒奉表進指環印花綺段及錦衾二十合寓俱藍

也里可溫主不咱兒撒里馬亦奉表進七寶項牌藥物又管領木

速蠻馬合麻亦遣使奉表同日起闕諸番唯俱藍最遠去泉州十萬里
招討使楊庭璧三往招之乃入貢壬戌

敕官吏受賄及侵盜倉庫輕者杖決重者死言官緘默與受贓人

一體論罪乙丑括雲南所產金置打金洞達魯花赤其稅賦用金

為則壬午釐正選法置黑簿籍阿合馬黨人之名冬十月丁亥朔

復以耶律鑄為左丞相札散平章政事丙申立詹事院置左右詹

事各一員設京畿江淮兩都漕運司歲僉江淮運糧至中灤京畿
接運至大都通考云初立京畿都漕運使總理漕事至是分立都漕運司于河西務及止頓
上下至直沽河西務李一寺通州癸卯分禁中出納為三庫御用寶玉遠方
珍異隸內藏金銀質孫衣段隸右藏常課衣段綺羅縑布隸左藏
以宦者掌其鑰乙巳遣使招降法里郎阿魯乾伯等國庚戌以四
川民少止留成都廣元順慶重慶夔府五路餘悉裁去詔兩廣福
建雲南地遠五品以下官從行省銓注奏用乙卯誅阿合馬長子
忽辛次子抹速忽于揚州十二月戊午置利用庫于上都甲子召
宋衍聖公孔洙為國子祭酒兼提舉浙東學校壬申設沿河巡軍
有勢家為商賈阻遏民船者沒其家甲戌釋天下重囚除大逆外
令充征海軍丙子四川大盤洞主向臭友等來朝十二月庚寅以
張文謙為樞密副使乙未給漕司公趙繼衣糧發遣上都殺宋丞

相文天祥于燕京

續資治通鑑長編 宋紀一百一十五 高宗皇帝 二十一年 庚寅 十一月 庚寅 張文謙為樞密副使

申文信公傳云天祥初至燕館供帳如上賓天祥義不寢處越五日送兵馬司械繫空宅中十餘
日得疾去械猶繫頸自是囚兵馬司者四年就戮于燕南城柴市趙兩傳云天祥至柴市問曰
孰南向或右指之者即南向再拜死世祖歎曰好男子不肯為吾用殺之誠可惜是後連日陰晦
宮中白晝或秉燭適張真人入朝世祖問之對曰此殆殺文丞相所致乃贈公特進金紫光祿大
大開府儀同三司檢校太保中書平章政事廬陵郡公諡忠武令王積翁書神主酒掃柴市設壇
祀之丞相李羅初行奠禮狂飈旋地起卷主人雲中李羅等改書前宋少保右丞相信國公天始
開壽帝京景物畧云江南十義士與公葬都城小南門外大德二年繼子階至都順城門內見石橋織綾婦公舊婢也為階引至葬處碑刻信公二字遂以歸廬陵癸卯詔
御史臺得自選其屬仍參用蒙古人員罷湖廣金銀鐵冶提舉司
隸各路總管府徵處士劉因為右贊善尋辭歸是歲始命上海總
管羅璧暨千戶朱清張瑄造海船六十艘由海道運糧四萬六千
石至大都

二十年癸未春正月己未立宏吉刺氏為皇后是為喃必皇后乙丑定匿名

書告事重者死輕者流遠方諭管民官凡遇災傷過時不報及按
察使不即行視者加罪丁卯伐船材于烈塢都山乾山起運民夫

八千人已巳太陰犯軒轅御女庚午徙平灤造船廠於陽河就近
 運木庚辰太陰入南斗壬午改鞏昌按察司為河西隴北道廣東
 按察司為海北廣東道廣西按察司為廣西海北道福建按察司
 為福建海海道二月戊子定川廣戍軍三年一更仍廩其家屬立
 武成王廟于樞密院西以孫武子以下十人從祀庚寅太陰掩昴
 庚子省四川東西北三道宣慰司及潼川萬戶府新軍總管府威
 灌茂等州安撫司是夜太白犯昴辛丑定軍官選格萬戶千戶鎮
 撫自奏准日始三年為滿通行遷轉百戶以下不拘此例官吏贓
 罪自五十貫以上皆決杖除名不敘百貫以上者死乙巳太陰犯
 心甲寅降太醫院為尚書監立江南四省官醫提舉司三月丁巳
 罷河西行御史臺立鞏昌等處行工部罷福建市舶總管府併泉
 州行省入福建行省併福建歸附後未徵苗稅通考云忙古帶言船商皆以金銀易香木于是下台

禁之惟

已未放五臺山及古城造寺夫四萬人是夜歲星犯鍵閉庚

申太陰犯井壬戌犯鬼乙丑罷淮安淘金官惟計戶取金立雲南

提刑按察司給西川福建兩廣之任官驛已巳歲星犯房癸酉掩

房廣州民林桂方反偽號羅平國改元延康官軍擒斬之壬午省

福建道宣慰司復立行省于漳州夏四月丙戌立別失八里和州

等處宣慰司已亥太陰犯房壬寅犯南斗庚戌四川右丞也速帶

兒招撫筠連定州諸蠻獨山都掌蠻不降進討之擒其長得蘭紐

遂班師辛亥麥木丁等檢覈萬億庫以罪繫者多請付蒙古人治

帝曰蒙古人為利所汨亦異往日矣其擇可任者使之五月戊午

縱平灤造船軍歸耕撥大都軍代之丙寅太陰掩心東星丙子諭

雲南重囚先令便宜處決者自今恐濫及無辜仍令待報戊寅從

御史中丞崔彧言罷採民間室女頒行宋文思院小口斛立海西

遼東提刑按察司按治女真水達達部已卯詔江南漕運于濟州
新開神山河及海道兩路兼運時上年海運方至直沽六月丙戌嚴私易金銀

禁已丑增內外官吏俸詔曰設官分職本以為民邇年諸物增價
俸祿不足養廉以致侵漁百端公私交困自今內外官吏俸給以

十分為差添支五分以示體恤臣下至意見典章辛亥四川行省討

平九溪十八洞蠻析其地為州縣隸順元路以向世雄為义巴洞

安撫大使秋七月癸丑朔免征骨鬼軍賦丙辰太白犯井癸亥太

陰犯南斗乙丑太白犯井丙寅開雲南驛路分亦奚不薛地為三

立宣慰司及總管府丁卯熒惑犯司怪丙子省江南十道宣慰司

官四十七員定上都商稅六十分取一立總教院及務農司八月

癸未以明理察平章軍國重事立懷來淘金所丙午太白犯軒轅

丁未歲星犯鉤鈴濟州新開河成立都漕運司九月壬子太白犯

軒轅少女戊午太陰犯斗象山賊光宗祖聚眾掠海上阿刺帶往

招之降其徒萬人海道以寧丙寅徙舊城市肆局院稅務入大都

止四十分徵一己巳太白犯右執法辛未以歲登開諸路酒禁壬

申太陰掩井癸酉熒惑犯鬼甲戌太陰犯鬼熒惑犯積尸氣太白

犯左執法冬十月甲午以札散為樞密副使詔五衛軍十人為率

以七人三人分為二番每月放七人者還家正月復役正月放

三人者還家四月復役更替休息丙申太陰犯昴庚子建寧降賊

黃華復叛聚眾十萬號頭陀軍犯崇安浦城諸邑壬寅耶律鑄罷

戊申立和林平準庫罷中興管課及北京鹽鐵提舉司十一月癸

丑命各省印造授時歷初各省歷日皆取給京師以道遠不時至令荆湖等四省所用者隆興印之雲南四川等省所用者京兆印之設大

都城門尉戊寅太白歲星相犯十二月壬辰以中書參議溫迪罕

禿魯花廉貧不附權勢賜鈔百錠辛丑徙新附官仕內地甲辰太

陰掩熒惑丙午罷雲南金箔規措所定質子令凡大官子弟遣赴
京師是歲以新開河運船多損壞仍事海運通考云先用王積翁議廣開新河然新河候潮以入船多損壞

民亦苦之子是罷新河事海運立萬戶府二以未清為中萬戶張瑄為千戶忙兀爾為萬戶府建魯花赤改北平都護府為大理寺給

布萬匹賑女真饑民

二十一年甲申春正月乙卯帝御大明殿羣臣上尊號曰憲天述

道仁文義武大光孝皇帝朝賀如正旦儀大赦天下詔曰惟我祖

宗創業垂統區宇之廣眾所悉知其御下也為善而有功者必賞

為惡而有罪者必罰此列聖相承之定制也比者公卿耆舊詣闕

拜章謂朕壽祉方隆奉進冊寶請上尊號屬茲大慶宜布寬條茲

用播告中外所有雜犯重典以下盡從釋免凡爾有眾自今以始

各務惟新無替朕命見典章甲子罷諸路理算官江浙平章忙忽帶

進真珠百斤丙寅立安豐芍陂兩屯戶于淮南發軍士二千人耕

之丁卯建都金齒西南彝十二部皆降先建都為緬所制今緬破故降立江淮荆湖江

西四川行樞密院治建都鄂州撫州成都丙子建寧賊首黃華自

殺丁丑諸路按察使陞薛帝曰卿等到官當宣明朕意勿求貨財

名成則利隨之徇利必失其名而身命且不可保尚其慎之二月

諭各路堤堰令總管府并州縣長官常行驗視遇有損壞即便修

築毋致滄沒民田聽各道按察使不時糾察貧民情願復業者給

付原產仍免一切逋課私債三年後方許取索俱見典章壬辰邕州民

黃大成為亂梧韶衡諸州起應之甲午罷新開河役移其軍及水

手各萬人事海運不未徙江南樂工八百家于京師戊申移江淮

行省治杭州浙西宣慰司治平江省黃州宣慰司入淮西道立法

輪竿于大內萬壽山高百尺遷宋宗室及其大臣之家屬于內地

三月丁巳皇子北平王南木合至自北邊丞相安童亦至丁卯太

廟殿成奉安神主至五十八年依太常寺議定太廟新圖建前廟後寢廟分七室至是始成夏四月從御史李昂

言有父兄居憲臺而子姪為按察使或父兄為按察使而子姪在

別道為官者並令迴避軍官母受民詞押運毋帶私貨管民官自

三月停訟十月始行和買諸物止從出產處所隨時給值不得強

其所無重累百姓俱見典章乙酉省泉府司八戶部立大都留守司及

總管府置西川延安鳳翔興元宣課司己亥涿州巨馬河決籍江

南鹽徒軍戊申命開元路造船百艘住狗國戊申五月己酉立二

千戶總欽察康里子弟願為國宣勞者己未蠲江南田賦十之二

其十八年以前逋欠盡免徵縱江南匠戶之無藝業者十九萬為

民庚午括天下私藏天文圖識太乙雷公式七曜歷推背圖顯明

歷苗太監盛有私習及收匿者加罪閏月己卯改西南番安撫司

為總管府給西川蒙古軍鈔使耕松江曠土四頃以下免輸稅丙

戌遷揚州行臺于杭州罷羣牧皮貨局所六月壬子遣使分道尋

訪測驗晷景日月交食歷法甲子遣軍六千人淘金雙城移和林

屯田軍于五條河秋七月丁丑朔立行福司革軍官所帶相銜八

月丁未雲南華帖白水江鹽井三處土老蠻叛殺諸王及行省使

者定軍官格例以河西回鶻畏吾兒等依各官品充萬戶府達魯

花赤同蒙古人女真契丹同漢人若女真契丹生西北不通漢語

者同蒙古人女真生長漢地者同漢人已酉遣無籍軍舊從征者

還家勿許持弓矢放福建畚軍並收其軍器散其部長於近處為

管民官甲戌以建都女子沙智立站有功令管萬戶事詔議貢舉

續資治通鑑長編云丞相和禮霍孫言天下習儒者少由刀筆吏得官者多帝曰將若之何對曰

惟貢舉取士為便凡蒙古之士及儒吏陰陽醫術皆令試舉則用心為學矣帝可其奏九月甲

申京師地震立福建鹽課市舶都轉運司通考云設市舶都轉運使于泉杭二州官自具船給本募人八番貿易所獲之息以十分為率官取其七人得其三凡權勢家皆不出已費併江淮福建為一

元史類編

卷三十一

三

元史類編

省癸巳太白犯南叫甲辰海南貢白虎獅子孔雀冬十月丙午發鈔常平倉與民和糴糴音云以今歲秋成爲始凡收糧最多之家自糴十分之三次年減價出糴以利貧民已酉敕管軍

萬戶爲行省宣慰使者毋兼管軍事仍爲萬戶者毋兼治民政辛酉敕宋有手號軍死則以兄弟及子繼之免文其手十一月庚子

太陰犯心辛丑和禮霍孫麥木丁張雄飛溫迪罕皆罷復命安童爲右丞相盧世榮爲右丞史樞爲左丞撒的迷失廉希恕叅知政

事敕中書省整治鈔法定金銀價禁私自回易癸卯海外南巫里別里刺理倫大力等四國各奉表來貢命司農司自襄陽至東海

募民開荒免其租六年并一切雜役十二月甲辰朔立常平鹽局癸亥從盧世榮言禁民間釀酒官自酤賣初民間酒聽自造每米一石官取鈔一貫至是出官鈔五萬錠以權酤法

每石取鈔十貫丙寅荆湖行省招降龍昌寧龍延萬等奉羊馬白氊來貢癸酉御史中丞崔彥言盧世榮不可居相職帝怒削彥官命翰林集

賢院召諸路醫學教授增修本草是歲西僧楊璉真伽發宋帝后諸陵及大臣冢墓凡一百一所宋太皇太后謝氏卒于燕征東招

討使聶古帶言海道艱阻罷征骨嵬兵二十二年乙酉春正月戊寅弛民間買賣金銀及江淮魚利禁罷

懷孟諸路竹監聽民貿易官止收稅庚辰毀宋郊天臺建佛寺戊子增遣軍士二千人屯田芍陂歲收米四萬餘石後屯戶至一萬四千餘人得米數十萬斛

真定民劉驢兒有三乳自以爲異謀不軌伏誅移五條河屯軍于兀失蠻札失蠻之地癸巳盧世榮奏罷江南行御史臺以所屬按

察司爲提刑轉運司俾兼錢穀隸內臺辛丑命禮部領會同館壬寅造大樽于殿以木爲質銀內金外鏤雲龍高一丈七寸二月詔

考課官吏從前責以五事因無激勸之方徒示虛文致鮮實効自今每歲終考課以五事備具著有成效者爲中考第一考加妻封

號二考令子弟承蔭三考封贈祖父母父母其品格不及封贈者
 量遷官階有政績殊異者不次優擢凡封贈一品爵國公母妻並
 國夫人二品爵郡公母妻並郡夫人三品爵郡侯四品爵郡伯母
 妻並郡君正五品為縣子從五品為縣男母妻並縣君下此者止
 用散官六品母妻曰恭人七品母妻曰宜人見典章乙巳增濟州漕

船三千艘役夫萬二千人

初江淮歲漕米百萬石于京師海運十萬石膠萊六十萬石濟州三十萬石以水淺舟大多不能達至是更以百石

之舟每舟用四

人故夫數增多改江淮江西元帥招討司為上中下三萬戶府宿州蘄

縣真定沂邳益都高郵泲海七翼為上萬戶棗陽十字路邳州鄧
 州杭州懷州孟州真州八翼為中萬戶常州鎮江潁州廬州亳州
 安慶江陰水軍益都新軍湖州淮安壽春揚州泰州弩手保甲處
 州上都新軍黃州安豐松江鎮江水軍建康二十二翼為下萬戶
 蒙古漢人新附諸軍相叅為三十七翼翼設達魯花赤萬戶副萬

戶各一員隸所在行院丙午割荆湖所隸八番羅甸歸西川析嵐
 管為二州辛亥廣東宣慰使月的迷失討平潮惠二州盜郭逢貴
 等四十五寨降民萬餘戶丙辰罷膠萊所鑿新河壬戌太陰犯心
 升御帶庫為章佩監戊辰復立行御史臺于江州居江浙湖南江
 西之中諸路按察司職掌仍舊從盧世榮請立規措所回買江南
 民田拘收天下銅器增置真定濟南太原甘肅江西江淮湖廣諸
 道宣慰司兼都轉運司嚴治課程復命翁吉刺帶為左丞相忽都
 魯平章政事罷融州總管府為州三月禁民間不得織造銷金段
 疋倡優市井諸婦不得妄用金飾釵釧等物違者沒官見典章丙子
 遣太史監候往占城測日晷癸未改甘州行省為宣慰司隸寧夏
 行省庚子詔依舊制每鹽一引四百斤價銀十兩折鈔為二十貫
 夏四月庚戌監察御史陳天祥劾盧世榮罪惡詔同赴上都面質

世榮悉欵服癸亥以麥木丁不附世榮命與安童同治省事五月
 甲戌以郭佑叅知政事戊寅詔甘州每地一頃輸稅三石壬午發
 軍千人修阿失鹽場倉以忻都為賜里王招討使戒毋興兵遠畧
 甲申立汴梁宣慰司依安西王故事汴梁以南命親王出鎮戊子
 改昇江烏定朶里滅該等府為路雲南省臣脫帖木兒陳蠲逋賦
 徵侵隱戊要隘明黜陟罷轉運給親王賦豪戶除重稅決盜賊增
 驛馬取質事定俸祿教農桑優學校卹死事捕逃亡十六事下中
 書省議行庚寅復徙行臺于杭州行院于建康六月庚午詔減商
 稅罷牙行繫耕錄云牙行本謂之互郎請主互市者唐人書互作牙故因訛耳省市船司入轉運司帝諭安童
 曰國家大事汝蒙古人未知朕左右無復漢人可否皆自朕決汝
 當盡心善治百姓無使重困致亂以貽朕羞秋七月壬申造温石
 浴室及更衣殿甲戌敕祕書監修地理志戊寅分甘州新附軍屯

田亦集乃路甲申析濶里吉思所平大小十谿洞為郡縣丁亥廣
 東宣慰使月的迷失入覲言山寨降者五百餘所帝聞戰而後降
 耶招之即降耶對曰是皆招降者也因言兵荒後未嘗存恤其民
 州縣官復無之任者以故盜賊各據一方互相攻殺人民漸耗宜
 令良吏急往撫之帝可其奏八月庚子給鈔萬二千四百錠為本
 取息贍甘肅屯軍辛丑命有司祭斗三日己未復立泉府司九月
 立竹課提舉司于衛州凡係官竹園以時採賣設府州司縣弓手
 祇候公使人等免其差稅令衆戶計額均輸見典章戊辰罷權酷聽
 民自造民間仍用銅器乙亥以江北諸課程聽杭鄂二省節制道
 途迂遠改直隸中書省丙戌速木都刺馬答二國遣使入貢西崖
 門渠長阿者等百餘戶來降冬十月己亥發鈔五千錠和糴于應
 昌復分河間山東鹽課轉運司為二丙辰遣兵戍合刺章即烏其

部長之子令入質京師千百戶子留質雲南王所復置四川嘉定路及敘州宣撫司烏蒙土官阿蒙叛討擒之并其妻子伏誅十一月己巳朔給宋鹽軍千餘人衣糧使屯田自贍乙未盧世榮伏誅丙申赦囚徒黥其面及宋時私販軍並從征海外十二月丁未皇太子真金薨諡曰明孝太子己未丹太廟楹宰酉分立集賢院掌提調學校徵求隱逸召集賢良凡國子監道教陰陽祭祀占卜等事皆隸之初與翰林國史院同署至是分置兩院甲子敕工匠官毋遷轉是歲命哈刺哈孫為大宗正復改大理寺為大都護府始行賑糶法于京城設三舖發倉粟減其直糶之歲以為常以大都供應繁苦悉免軍民地稅

二十三年丙戌春正月戊辰朔以皇太子故罷朝賀禁賫金銀銅錢通海互市壬午太陰犯軒轅太民癸未罷鞏昌二十四城拘權

所歸有司癸巳升隆興武寧縣為寧州福州長溪縣為福寧州降鎮巢府為巢州敘州為縣丙申設諸路推官審理刑獄上路二員中路一員二月己亥禁用私斛斗秤尺乙巳罷山北遼東道宣慰司立東京等處行中書省治咸平丙午太陰犯井丁未定按察司副使以下每歲二月巡行分治十月還司癸丑復置隰州大寧縣戊午併江南行樞密院四處入行省罷鬻江南學田癸亥太史院上郭守敬所撰授時歷經及李謙歷議命宣付翰林國史院丙寅召曲阜教授陳儼京兆蕭颯蜀人虞應龍修地理志儼颯不至三月己巳遣直學士程文海偕行臺官博采江南人才備臺察用太陰犯婁甲戌省雲和署入教坊司立欽察衛親軍都指揮司乙亥命麥木丁仍中書右丞與郭佑並領錢穀楊居寬典銓選丙子定行臺以八月巡行郡縣至次年四月中還務期遍歷癸巳歲星犯

壘壁陣夏四月庚子置燕南河東山東各道宣慰司濟南太原爲諸王分地令各委官一人同治救江南諸路財賦並隸中書省甲辰徙杭州行臺治建康統淮東西湖南北浙東西江東西八道按察司庚戌始制謚法己未以從官南方者秩滿多不歸遣使盡徙北還初有旨凡爲盜者殺毋釋省臣疑太過帝曰朕以漢人徇私用金泰和律斷事致盜賊滋衆故有是言人命至重今後非詳讞者勿輒殺五月己巳熒惑犯太微西垣上將徙江東按察司治宜州庚辰歲星犯壘壁陣乙酉熒惑犯太微右執法六月丙申朔太白犯御女乙巳復立大司農司仍以所定農桑輯要書頒諸路戊申括馬凡色目人有馬者三取其二民馬悉入官辛酉封楊邦憲妻田氏永安郡夫人領播州安撫事秋七月己巳立營田總管府廢江南官田之爲強豪所據者復尚醞監隸光祿寺置中尚監庚

午徙江淮行省于揚州立洪澤南北三屯于淮南路之白水塘黃家疇壬午總制院使桑哥具省臣姓名上奏丞相瓮吉剌帶平章阿必失合忽都魯一時皆罷癸巳定省院臺部官屬中書省除中書令外左右丞相二員平章政事二員左右丞各一員參知政事三員行中書省除罷置丞相外平章政事二員左右丞各一員參知政事僉行省事並二員樞密院除樞密使外同知院事一員樞密院副使僉樞密院事並二員院判一員御史臺御史大夫一員中丞侍御史治書侍御史並二員行臺同內臺六部尚書侍郎郎中員外郎各二員其餘並聽省臣酌汰詔諭中外曰惟我祖宗肇造區夏雖中書已嘗建立而官制未暇舉行迨朕圖大以宅中思欲繼志而述事集儒臣之公議法前代之鴻章爰立省部院臺以正朝廷綱紀自疆土極照臨之遠致省臺有內外之分日益月增

官冗人濫常敕有司澄汰意必舊制遵承比聞近侍之言謂益曩時之弊彼不勝重任有壅上聞苟尚蹈匪彝時惟予咎其清冗職用復前規於戲官不必備惟其人格守已成之憲爾尚克勤于乃事永肩圖報之心章見典八月己亥罷淮東宣慰司以黃蘄壽昌隸

湖廣行省安慶六安光州隸淮西宣慰司乙卯太白犯軒轅右角罷德平定昌二路置德昌軍民總管府九月乙丑朔海外諸番曰馬八兒曰須門那曰僧急里曰南無力曰馬蘭丹曰那旺曰丁呵兒曰來來曰忽闌亦解曰蘇木都刺凡十國各遣子弟來朝甲申

太陰犯天關冬十月甲午朔太白犯右執法徙淞西按察司治杭州戊戌太陰犯建星壬寅太白犯左執法辛亥太陰犯東井河決開封祥符十五處調民夫二十餘萬分築隄防甲寅太白犯進賢壬戌徙甘州戍軍屯田亦里黑之地馬法國進鞍勒羶甲十一月

乙丑以張瑄朱清並為海道運糧萬戶免徵覆舟糧戊辰太白犯亢巳卯太陰犯井辛巳歲星犯壘壁陣禁禽獸孕時毋畋獵十二月戊戌太白犯東咸丙午罷大有署丁未太陰犯井丁巳犯氏戊午詔諸路分置六道勸農司宣慰司在內地者設官四員江南者

六員是歲大司農上諸路學校凡二萬一百六十六所植桑棗雜樹二千三百九萬四千六百餘株蘇湖饑賑米二十萬石二十四年丁亥春正月乙丑俱藍國遣使來朝甲戌太陰犯東井乙酉犯房丁亥復改江浙省為江淮行省辛卯立上林署二月庚

子太陰犯天關辛丑犯東井以麥朮丁平章政事范文虎為中書右丞商議樞密院事戊午敕諸王闈里鐵木兒節制諸軍乃顏遣使徵東道兵諭闈里鐵木兒母輒發閏月癸亥太陰犯辰星定春

秋二仲上丙日祀平陽堯帝祠乙丑復分立尚書省以總制院使

桑哥及鐵木兒並平章政事阿魯渾薩理為右丞葉李為左丞馬紹忻都並叅知政事惟行省事與中書共議餘聽尚書省從便奏請辛未定國子監祭酒一員司業二員擇素有德望者居之建國子學設博士一員助教四員生員百二十人蒙古漢人各半仍建

集賢院綱目云初太宗設總教國子之官迨至元初以許衡為祭酒而侍臣子弟就學者僅十餘人衡去教益廢且學舍未建師生寓居民屋至是始設監官建國學以刑律有尚為

祭酒增廣弟子員通考云令江南諸路縣學內各立小學選老成之士教之其他先儒過化之地並立書院凡師儒之命于朝者曰教授命于禮部及行省宣慰者曰學正學錄教諭山長路設

教授學正學錄各一員散府中上州設教授下州設學正縣設教諭書院設山長各一員設各省儒學提舉二員統諸路府

州縣學甲申太陰犯牽牛乙酉改淄萊路為般陽路罷江南竹木

柴薪魚牙諸稅復改各省為行尚書省六部為尚書六部庚寅法

司以諸路罪囚過多請遣官分道行刑帝曰囚非羣羊豈可遽殺

耶宜悉配隸淘金三月甲午更造至元寶鈔詔曰鈔法之行二十

餘載官吏奉法不虔以致物重鈔輕公私俱誑比者廷臣奏請謂

法弊必更古之道也朕思嘉之其造至元寶鈔頒天下中統鈔通

行如故以至元寶鈔一貫文當中統交鈔五貫文凡錢一千文為貫每鈔

一貫至五十文凡十有一等子母相權官民通用務在新者無冗舊者無廢上不虧

國下不損民凡歲賜周乏餉軍皆以中統鈔為準朕不食言故茲

詔示見典章丙申太陰犯東井乙卯遼東饑弛太子河漁禁丙辰降

重慶路定遠州為縣命都水監開汶泗水達京師汴河溢役夫修

故堤夏四月癸酉太陰犯氏甲戌犯房諸王乃顏反五月己亥移

濟南宣慰司治益都燕南按察司治大名南京按察司治南陽太

原按察司治西京壬寅戶工兩部各增尚書二員帝自將征乃顏

發上都括江南僧道馬以軍行免北京今歲絲銀經過郡邑各賑

鈔六月庚申朔百官獻馬給衛士壬戌帝至撒兒都魯之地乃顏

黨金家奴塔不歹率所部逼行在而陣遣前軍敗之壬申帝駐蹕

三

三

三

于大利幹魯脫之地獲乃顏輜重千餘秋七月癸巳乃顏敗走追
執之其黨悉平丁酉宏州匠官以犬兔毛製如西錦者以獻授匠
官知宏州戊戌太陰犯南斗辛丑犯牽牛壬寅熒惑犯輿鬼庚戌
雲南金齒渠長打奔等兄弟內附壬子太陰犯司怪癸丑日暈連
環白虹貫之罷乃顏分地所署官移北京道按察司治豪州以河
西瓜沙等州立關鄜屯田八月癸亥太白犯亢乙丑車駕還上都
置江南四省交鈔提舉司己巳謫從叛諸王軍前自効浚亦集乃
路河渠丙子填星犯壘壁陣己卯太陰犯天關辛巳犯東井甲申
太白犯房丁亥立豐贍昌國濟民三署女人國貢海人九月丁酉
熒惑犯長垣庚子太白犯天江乙巳太陰犯畢戊申咸平懿州北
京以乃顏叛民廢耕作告饑賑糧五萬石辛亥熒惑犯太微西垣
上將壬子太白犯南斗冬十月戊午朔日食壬戌太陰犯牽牛大

星丙子桑哥檢覈中書錢數矯殺叅知政事郭佑楊居寬乙酉羅

北甸士官火者阿禾及維摩合刺孫之子並內附是夜熒惑犯左

執法十一月壬辰太白犯壘壁陣月暈金土二星命桑哥為尚書

右丞相兼統制院使領功德使司事阿魯渾薩理平章政事葉李

轉右丞馬紹為左丞丙申熒惑犯太微東垣上相戊戌調新附軍

屯田合迷玉速曲之地庚子太白晝見辛丑改衛尉院為太僕寺

隸宣徽院元制牧地東越耽羅北踰火里禿麻西至晉肅南暨雲南凡十四處自上大都大都

歲遣官閱視見在數目造冊奏聞自中統四年設羣牧所官名數更至是始有定屬丙辰熒惑犯進賢十二月定告病官

限期三年以下者敘用五年以下者降一等七年以下者降二等

七年以上者不敘見典章癸亥立尚乘寺金竹寨主搔驢等以所部

百二十五寨內附丙寅太白晝見太陰犯畢丁卯減揚州歲額米

十五萬石以鹽引五十萬道易民糧免浙西魚課發河西甘肅富

民往閩粵與漢軍雜居屯植癸酉諸王薛徹都所駐之地雨土七
晝夜羊畜盡死以鈔幣綿布雜給之是歲始立行泉府司專掌海
運增萬戶府為四遂罷東平河運乘時金以糶上以賑
二十五年戊子春正月庚寅祭日于司天臺辛卯毀中統鈔板戊
戌弛遼陽漁獵禁勿捕天鵝殺鹿羔癸卯海都犯邊命諸王木伯
統兵北征乙巳太陰犯角戊申犯房辛亥省器盒局入諸路金玉
人匠總管府癸丑設江南行大司農司及淮東西兩道勸農營田
使舉察勤惰歲具有司勸課實蹟為殿最通考云御史大夫完者帖木兒奏
江南諸道行臺于紹興路開設近月壬
戌省遼東海西道按察司入北京江南湖北道按察司入荆南改
南京為汴梁路北京為武平路西京為大同路東京為遼陽路中
興為寧夏府路以江西茶運司兼權酒醋稅徵葛洪山隱士劉彥

因道梗湖南北廣東西海北江西福建諸處凡有文書北至南臺風信不便徑申內臺
奉天事情虛實宜于福建置分臺給印信俾湖南諸道文書由外臺以達內臺

深赴京已卯以江南站戶貧富不均命有司料簡合戶稅至七十
石置備驛馬一匹並免雜徭獨戶稅逾七十石願入站者聽合戶
稅不得過十戶獨戶稅無上百石其使臣供應官為支給毋累站
戶辛巳以杭州西湖為放生池命皇孫雲南王也先鐵木兒帥兵
鎮大理三月丁亥熒惑犯太微東垣上相戊子太陰犯畢庚寅改
闡遺所為監己亥太陰掩角壬寅命會同館倣古職貢制繪為圖
侯番使至詢其風俗土產去國里程籍錄以進夏四月戊午太陰
犯井庚申用桑哥言鈎考應昌和糴所其扈從諸臣種地多者依
軍站例除四頃外計畝征租癸亥渾河決發軍築堤戊辰浚怯烈
河溉口温騰兒黃土山民田廣東賊董賢舉等七人皆稱大老聚
眾剽掠吉贛南韶雄汀諸郡甲戌萬安寺成佛像窗壁皆用金為
飾增建直沽海運倉甲申命皇孫鐵穆耳行邊討乃顏餘黨削平

元史卷一百一十五 世祖本紀二

遠左諸部置東路萬戶府五月戊子諸王察合子濶濶帶叛樞密
 副使士土哈執之以來丙申兀馬兒來獻璞玉己亥遣官分道鉤
 考申統鈔本升雲南北勝施州為北勝府戊申太白犯畢孟州烏
 河川雨雹大如拳癸丑遷四川省治重慶宣慰司治成都河決汴
 梁太康通許皆被害六月辛酉定各御史任滿驗所言事大小多
 寡為升降甲戌太白犯井改西南番總管府為永寧路丁丑太陰
 犯歲星發兵千五百人詣漠北浚井秋七月甲申朔復葺興靈二
 州倉轉米備賑壬辰改會同館為四寶庫儲待所為提舉司己亥
 熒惑犯氏庚子太白犯鬼乙巳太陰掩畢保定路野蠶蠶絲可為
 帛八月丙辰熒惑犯房己未太白犯軒轅大星癸酉以河間鹽運
 司兼管順德廣平藁陽三鐵冶庚辰分萬億庫為寶源賦源綺源
 廣源四庫九月癸未朔熒惑犯天江乙未罷檀州淘金戶諸王篤

哇犯邊庚子太陰犯畢鬼國建都皆遣使來貢營五庫于禁中以
 貯幣帛癸卯熒惑犯南斗南臺御史中丞劉宣自殺庚戌集賢院
 新編本草成冬十月庚申從桑哥請置徵理司遣省院臺官十二
 人理算江淮江西福建四川甘肅安西六省錢穀給兵以衛其行
 甲子置虎賁司尋改武衛司丙寅置湖廣溪洞蠻獠四總管府統
 州縣洞百六十所用漢人為達魯花赤雜土人治之丙子敕造鐵
 羅圈甲及長甲給北征軍遣瀛國公趙彞學佛于吐番己卯免儒
 戶雜徭學田所入羨餘收貯集賢院以給多才藝者十一月丁亥
 以何榮祖叅知政事禁有分地之家私役富民為柴米戶及賦外
 雜徭己亥立桑哥輔政碑甲辰改總制院為宣政院掌釋教遇吐
 番有事則分院往鎮因唐制吐番來朝見于宣政殿故名十二月丁巳海都兵犯邊拔都
 也孫脫迎擊死之辛酉太陰犯畢甲子犯井甲戌犯亢熒惑犯壘

壁陣丙子也速不花以昔列門叛甘肅行省約諸王八八拜答罕
駙馬昌吉合兵討之皆自縛請罪獨昔列門西走追執之歸于京
師是歲置醴源倉罷安和署以光祿寺直隸都省升滄州軍營城
爲滄溟縣大司農上墾地三千五百七十頃積義糧三十一萬五
千餘石

二十六年己丑春正月丙戌京師地震發兵塞沙陀間鐵烈兒河
辛卯行泉府使沙不下上市舶司歲輸珠四百斤金三千四百兩
帝命貯之以待貧者辛丑立武衛親軍都指揮使司掌修治城隍
及京師內外工役分侍衛軍萬人隸之是夜太陰犯氏癸卯罷膠
萊海道運糧萬戶府循州賊鍾明亮寇贛南掠寧都據秀嶺與廣
東董賢舉台州楊鎮龍柳世英相應戊申徙廣州按察司治韶州
以荆南按察司所統遼遠割三路入淮西二路入江西從壽張尹

韓仲暉言開河以通運道起須城縣安山西南由壽張西北至東
昌又西北至臨清引汶水達御河二月辛亥朔置延禧崇福二司
徙江淮行省治杭州改浙西道宣慰司爲淮東道治揚州自泉州
至杭州立海站十五專運番糞貢物及商販奇貨丁卯命右丞相
伯顏知樞密院事鎮和林統有漠北諸路置知院自此始諸王合丹寇開元
己巳立左右翼屯田萬戶府統軍二千于霸州河間耕田甲戌命
鞏昌總帥汪惟和將部軍萬人北征三月庚辰朔日食詔亡宋係
官田土歸附以來被權豪影占及指熟作荒詭名避役者許自首
官從前應收子粒概行免徵仍令佃種見典章立雲南屯田以供軍
儲元初用兵遇堅城大敵必屯田守之海內既一於是內而各衛外而行省皆立屯田以資軍餉
考波洪澤甘肅瓜沙因昔人之制和林陝西四川則因地之宜而始爲之至于雲南八番海南
海北雖非屯田之所而以蠻獠腹心地又制兵屯旅控扼之由是天下無不
可屯之兵無不可耕之地而雲南屯事又與中原不同其田皆以雙計云甲午太陰犯
亢乙未新鑄渾天儀成以黃金爲飾癸卯金齒人塞完以其民二

十餘萬戶來歸夏四月戊午禁民挾弓矢犯者籍為兵省江淮屯田打捕提舉司七惟存徐邳海州揚州兩淮淮安高郵昭信安豐鎮巢蕪黃魚網石湫十二所庚午沙河決發民築堤障之甲戌置湖東江東江西湖廣福建木棉提舉司責民歲輸木棉十萬疋福建叅政魏天祐執宋江東制置使謝枋得至燕不屈死大方通鑑載枋得致天祐書云大元制世民物一新宋室通臣只欠一死其所所以不死者以九十三歲之母在耳先妣既已考終某自今無意人間事矣大元慈仁如天不妄殺一忠臣義士其所所以寧為民不為官者忠臣不事二君此天地間常道也今蒙大元五次以禮招徠上有堯舜下有巢由上有湯武下有隨光其所所以効虞人之死而不往學夷齊之死而不仕者正欲使天下後世知大元之量能使謝某不失臣節視死如歸也今蒙叅政拘管道院日勞更卒監守其憂慮亦大勞矣且問叅政容一謝某聽其為大元開民于大元何損殺一謝某成其為大宋忠臣于大元何益特恐前懷大宋後懷大元者公自無面目立于天地耳某母喪未葬只當衰絰入君門倘大元有命惟有歷寫江南官吏貪酷生靈愁苦之狀作萬言書獻之一聽進退并求速死以愧世之為臣不忠者天祐讓之曰封疆之臣當死封疆安仁之敗何不死枋得曰程嬰公孫杵臼二人皆忠于趙一存孤一死節一死于十五年之前一死于十五年之後皆不失為忠臣蓋棺論定叅政豈足以知此枋得北行在途惟茹蔬果積數月困甚至五月庚辰發武衛親軍濬河西務漕渠及口温腦燕前四日卒于驛館兒河壬辰太白犯鬼發大同宣德民築倉於昴元刺之地丙申以

與史

季陽益都淄萊三萬戶軍久戍廣東疫死者眾令二年一更賊首鍾明亮率眾降令赴闕江淮省臣逗留不遣丁酉復徙行御史臺于揚州浙西按察司于蘇州以忻都為尚書省左丞張天祐為中書省叅知政事己亥設回鶻國子學罷永盈庫以上供幣帛入太府監辛丑御河溢入會通渠漂東昌民廬改莊浪路隸安西省省流江縣入渠州青山猫蠻三十三寨內附六月戊申朔詔雲南地遠六品以下官許本省選辟復雲南按察司西番進黑豹庚申諸王乃蠻帶敗合丹兵于托吾兒河丙寅海都犯邊和林宣慰使怯伯起兵應之乃顏餘黨金家奴並入寇甲戌西南彝中下爛土洞四百一十寨四川山齊蠻民四寨相繼來降立江淮財賦總管府掌所籍宋太后貲產隸中宮秋七月戊寅朔帝親征海都辛巳安山渠成長百五十里建厰三十賜名會通河戊子太白經天辛

卯太白犯牛發和林所屯乞兒乞思等軍北征賊百官家製戰襖
乙未太陰犯歲星癸卯沙河溢鐵燈杆堤決八月辛未歲星晝見
癸酉升四川金竹寨爲府徙荆東道按察司治婺州河東山西道
按察司治太原宣慰司治大同九月戊寅歲星犯井丙戌罷濟州
泗汶漕運司乙未太陰犯畢丙申熒惑犯太微西垣止將冬十月
癸丑太陰犯牛宿距星甲寅熒惑犯右執法乙卯改八番羅甸隸
湖廣丙辰禁內外官受人饋酒食違者籍其家貲之半閏月戊寅
車駕還大都庚辰敕商販有中統料鈔者聽易至元鈔行用丙戌
西南彝生番心樓等八族內附鍾明亮復反韶雄諸賊響應江淮
省合兵討之獲賊首董賢舉丘應祥歸京師丁亥辰星犯房巳丑
太陰犯畢熒惑犯進賢丙申婺州賊葉萬五寇武義縣庚子取石
于泗濱作磬以補宮縣之樂辛丑羅斛女人二國遣使來貢十一
月丙午朔漳州賊陳機察邱大老張順等以其黨降命赴闕丁巳
改播州爲播南路升平恩鎮爲邱縣戊辰太陰犯亢十二月辛巳
括天下馬一二品官許乘馬五三品三四五品二六品以下皆一
餘悉拘入官乙酉太白犯南斗命司天臺祭熒惑丁亥封皇子濶
濶出爲寧遠王甲午以汪惟能爲征西元帥將所部軍入漠北其
先戍漠兵母令還翼詔天下梵寺所貯藏經集僧看誦仍給所費
歲爲例駕幸大聖壽萬安寺置旃檀佛像是歲紹興安西甘州大
水兩淮雨雹大都路霖雨害稼東平蝗各蠲租減糶如例伯顏遣
使告邊民饑詔賜網罟取魚自給

二十七年庚寅春正月庚戌太白犯牛癸丑太陰犯井敕從臣子
弟入國子學乙卯造祀天幄殿丙寅改儲待司爲軍儲所復立興
文署掌經籍板及江南學田丁卯熒惑犯房巳巳改西南番總管

府為永寧路降臨淮府為盱眙縣二月乙亥朔立全羅道萬戶府

戊寅太陰犯畢辛巳括河間昔寶赤戶輟耕錄云昔寶赤鷹房之執役者每歲以所養海青獲頭鵝者賞黃

金一錠頭鵝天鵝也以首得之又重過三十斤且以進御膳故曰頭

癸未泉州地震丙戌改奉先縣為房山已

丑賊首鍾明亮復降詔械致闕下庚寅太陰犯亢辛卯發虎賁更

休士赴上都修城乙未改雲南蒙憐蒙萊二甸俱為路羅羅斯貢

雨頃三月壬子熒惑犯鉤鈴已未放福建獵戶沙魚皮戶為民發

雲州民夫鑿銀洞庚申罷行司農司及各道勸農營田司增按察

司僉事二員總勸農事徙四川省仍治成都立江南營田提舉司

掌僧寺貲產置金竹府大隘等四十二砦蠻彝長官甲子楊震龍

餘眾掠浙東討賊者多俘良民敕行臺揀放夏四月癸酉朔發六

衛漢軍萬人伐木修城丙子太陰犯井壬辰熒惑守氏十餘日遣

使詣馬八兒國訪求方伎士五月戊申鍾明亮復叛寇贛州戊午

罷江西行院移省治吉別罷奉宸庫復立安和署乙丑太陰犯填

星乙巳立雲南行御史臺及銀場官庚午括天下陰陽戶口仍立

各路教官有精于藝者歲貢各一人六月壬申朔升閩鹽州為柏

興府降普樂州為閩鹽縣金州為金縣河溢太康沒民田三十二

萬餘畝免其租甲戌桑州總管黃布蓬邠州長羅光寨安郡州長

閉光過率蠻民萬餘戶內附丙子繕寫金字藏經成凡糜金三千

二百餘兩已丑熒惑犯房丁酉定宗實錄成秋七月丙午禁平地

忙安倉釀酒犯者死癸丑江淮平章沙不下言倉庫官侵盜公帑

請依宋法黥而斷其腕帝曰此回鶻法也不允戊午貴州猫蠻作

亂劫順元路免大都歲賦絲及酒醋課辛酉熒惑犯天江丙寅雲

白增未詳
河物口樓
史增仁鐘
字三侯

元史卷之三十一

平地陷黑沙木涌出壓溺死者七千二百餘人壞民居無算遣平章鐵木兒往視九月癸卯歲星犯鬼乙巳禁諸王遣僧建寺擾民諸王閣里鐵木兒與合丹戰于瓦法大破之丁未御河決高唐沒民田命有司塞之戊申鐵木兒至武平以便宜蠲租賦罷商稅弛酒禁斬為盜者轉海運米萬石賑之金竹知府搔驢招降竹古弄古魯花等三十餘寨詔立縣設長官總把叅用土人丁卯命江淮省鈎考行教坊司所總江南樂工租賦通考云和穆西京糧且價每十兩已上增二兩冬十月壬申封皇孫甘麻刺為梁王出鎮雲南丁丑江陰寧國大木民流移者四十五萬戶尚書省入告帝曰此亦何待上聞當速賑之凡出粟五十八萬三千餘石辛巳太白犯斗乙酉梁洞梁宮朝吳曲洞吳湯暖等二十族內附己丑新作太廟登歌宮縣樂罷昔寶赤歲取鷓鴣于成都十一月戊申太陰掩填星詔浙東盜賊竊發復立

三萬戶一戍沿海一戍溫處一戍紹興婺州其揚州建康鎮江三城雄跨大江置七萬戶杭州庫藏所在置四萬戶并瀕海要害處各增戰船分兵演習水戰庚戌罷雲南會川路采碧甸子辛酉太陰掩左執法壬戌太宗實錄成癸亥河決祥符義唐灣陳穎二州皆被患甲子徙河北河南道按察司治許州乙丑易水溢漂沒雄莫任丘新安田廬命有司築堤障之丁卯降南雄州為保昌縣韶州為曲江縣十二月戊寅免大都平灤保定河間歷年逋租十三萬五百餘石辛卯太陰犯亢乙未摘蒙古軍萬人戍雙城及婆娑府以防合丹兵己亥降溧陽路為縣湖廣省上宣課珠九萬五百一十五兩青田賊劉甲乙集眾萬人寇温州是歲河北十七郡蝗江西霖雨瀕河水溢各蠲賑如例發粟六萬二千石賑通州河西務流民

二十八辛卯春正月壬寅太白熒惑填星聚于奎癸卯傭民運米十萬石致上都糶賑丁巳遣貴由赤四百人北征辛酉罷江淮漕運司專事海運升安慶府爲路降無爲和州二路及六安軍爲州巢州及懷遠軍爲縣免江淮積逋糧三百一十萬六千餘石鈔千一百五十錠絲綿六千八百餘斤壬戌桑哥以罪罷二月辛未徙萬億庫金銀入禁中富寧庫癸酉改福建行省爲宣慰司隸江西詔行臺勿聽行省節度丙子罷徵理司丁丑命完澤爲尚書右丞相不忽木平章政事己卯立雲南金齒曲靖二宣慰司管軍萬戶府辛巳以桑哥沮抑臺綱數箠御史命省臺官論定其罪帝曰桑哥爲惡始終四年臺臣豈不知之知而不言當得何罪侍御史桂思敬曰奪官追俸惟上所裁遂罷臺臣之久任者癸未太陰犯左執法甲申太白犯昴乙酉立江淮湖廣江西四川行樞密院

江淮治建康湖廣治鄂州江西治贛州四川治成都丙戌改提刑

按察司爲肅政廉訪司每道仍設官八員副使以下各分臨所部

典章云不得苛細生事暗于大體違者罰同不職以何榮祖爲尚書右丞賀勝叅知政事丁亥建

周廬于宮城南分居宿衛士癸巳路桑哥輔政碑籍其家三月己

亥朔加嶽瀆四海封號詔曰朕惟名山大川國之秩祀今嶽瀆四

海皆在封宇之內民物阜康時惟神庥而封號未加無以昭答景

貺可加上東嶽齊天大生仁聖帝南嶽司天大化昭聖帝西嶽金

天大利順聖帝北嶽安天大貞元聖帝中嶽中天大寧崇聖帝江

瀆廣源順濟王河瀆靈源宏濟王淮瀆長源博濟王濟瀆清源善

濟王東海廣德靈會王南海廣利靈孚王西海廣潤靈通王北海

廣澤靈祐王仍各遣官詣祠致告以稱朕敬恭神明之意見典丁

未太陰犯御女己酉犯右執法庚戌犯太微東垣上相乙卯太白

犯五車辛酉建紫檀殿壬戌南丹州莫國麟入覲授安撫使禁江
淮富家賄充府縣卒史隱庇差賦累及貧民夏四月甲戌以地震
故免武平今歲徭役乙未歲星犯輿鬼上都饑斗米銀四兩禁宰
牝羊弛杭州西湖禽魚禁五月戊戌以廉希恕為湖廣右丞陳仲
達不顏于思王信並同知海北海南道事將兵征黎蠻立左右兩
江宣慰司都元帥府壬寅太陰犯少民辛亥罷大都燒鈔庫及江
南歲輸木棉下桑哥于獄誅其妻黨湖廣平章要朮燕南宣慰
司八吉由癸丑罷尚書省政事悉由中書甲寅太陰犯牛丁巳建
白墪二各高丈二尺以居咒師朶四的性吉等七人右丞何榮祖
進所撰至元新格帝命鈔版頒行己未以門答占復為御史大夫
行御史臺事通考云以至元新格定科差法諸差稅皆可縣正官監視人吏置局均科
出給印帖俾民通曉諸夫役皆先為富強後貧弱貧富等者先多了後少丁六
月丁卯朔立黃平元帥府改隸播州乙酉洗國王洞主市備什王

弟同來朝辛卯太陰犯畢拘汴梁逃人男女配偶成家給農具耕
種禁蒙古人往回鶻地為商秋七月丙申朔置建都金台令旁近
民煉金輸官己亥太白犯井戌申罷江南諸省買銀提舉司招集
亡宋涅手軍得八萬三千八百立萬戶千百戶領之丁巳桑哥伏誅
其弟鞏昌宣慰使答麻刺答思懼罪自殺募民耕江南曠土戶不
過五頃官授之券為永業己未降江陰路為州宜興府為縣分華
亭之上海為縣壬戌弛畿內秋耕禁八月乙丑朔平陽地震壞民
舍萬八百二十六區丙寅太白犯輿鬼己巳罷江西行泉府司大
都甲匠總管府廣州人匠提舉司丙子太陰犯牽牛癸未歲星犯
軒轅大星戊子太白犯軒轅大星及歲星遣使詣雲南捕黑虎阻
喃番邦進金書寶塔及黑獅子癸巳太陰掩熒惑命工部造飛車
九月辛丑立行宣政院治杭州庚戌太白犯右執法丙辰熒惑犯

左執法戊午太白犯熒惑辛酉歲星犯少民命尚衣局織無縫衣

通考云詔路州縣除違管花赤外長官並選用漢人佐貳官色目漢人參用冬十月乙丑朔羅斛國王上金表貢黃

金象齒丹頂鶴五色鸚鵡翠毛犀角篤縹龍腦等物癸未罷各省

行樞密院入行省丙戌太陰犯軒轅大星并御女丁亥洞蠻爛土

立定雲府升陳蒙洞及合江俱為州中書省定蠻洞歲進馬五十

及兩氈佩刀丹砂雌雄黃諸物率二歲一上帝曰從其所為勿加

過督已丑太陰犯太微東垣土相癸巳免衛輝種仙茅戶徭役十

一月甲辰太白犯房丙午熒惑犯亢丁未太陰犯畢甲寅犯歲星

乙卯新添葛蠻洞官阿汾青貴來貢立葛蠻軍民安撫司戊午金

齒國遣阿腮入覲庚申熒惑犯氏辛酉徵太子贊善劉因不起增

置望雲銀冶十二月乙丑籍探馬赤六萬戶成丁者為兵宋全太

后瀛國公母子已為僧尼有地三百六十頃詔免其租壬申立河

南江北行省治汴梁甲戌罷諸路鈎考錢穀取歷年逋負文牘置

一室非上命而竊視者加罪庚辰太陰犯御女改江淮行省為江

浙行省治杭州癸未太陰犯太微東垣土相八番洞官吳金叔等

以部民二萬有奇丙附己丑熒惑犯房庚寅犯鈎鈐改營田提舉

司為規運提點所辛卯詔釋天下囚非殺人者戶部上天下戶數

內郡一百九十九萬九千四百四十四江淮四川一千一百四十

三萬八百七十八游食者四十二萬九千一百一十八宣政院上

天下寺宇四萬二千三百一十八區僧尼二十一萬三千一百四

十八人通考云詔頒農桑雜令每村以五十家立一社擇高年曉農事者為長教督農民凡種田者立碑斂于田側書某社某人于上社長以時勸戒不幸者籍其姓名以授提點官

大書所犯于門候改過除之不改則罰其代充本社夫役又每丁課種棗二十本雜果十本土性不宜者種榆柳如數各社多種苜蓿以妨饑近水之家許鑿池養魚牧鵝鴨蒔蓮藕莖芙蓉蒲葦以助衣食荒闕之地悉以付民

每年十月令州縣正官巡視二十九年壬辰春正月甲午朔日食左右有珥上有抱氣免朝賀

已亥復置都水監以郭守敬兼領監事遣官分視黃河堤堰庚子
改八番羅甸爲普定府隸雲南罷福建銀鐵提舉司禁商賈私以
金銀航海甲辰詔江南學田歲入聽其自掌春秋釋奠外以廩師
生之無告者貢士莊田仍令核數入官丙午罷河南宣慰司以汴
梁襄陽河南南陽歸德隸河南省復割湖廣之德安漢陽信陽隸
荆湖北道蘄黃隸淮西道并准東道三宣慰司咸隸河南省其荆
湖北道舊領辰沅澧靖歸常德者直隸湖廣省戊申太陰犯歲星
及軒轅左角已酉罷四賓庫仍置會同館立織造段疋提舉司改
陳蒙爛土軍民安撫司隸八番都元帥以土人爲使二月甲子朔
金竹蠻長貢馬羶各二十七詔滅所部貢馬賜新附黑蠻衣襖遣
回命進所產丹砂雄黃之精者已巳除問刑官鞭背法太陰犯畢
庚午桑州生貓羅甸國古州等峒蠻籍所部民十一萬九千三百

餘戶來獻乙亥立總管局麗女真漢軍萬戶府己丑歲星犯軒轅
大星遣諸王之從逆者于各邊俾從軍自効三月丁未治桑哥黨
納速刺丁滅里忻都王巨濟皆伏誅命省臺定贓罪十三等枉法
者五自一貫至十貫笞四十七起至百貫以上笞一百七不枉法
者八自一貫至二十貫笞四十七起至三百貫以上笞一百七罪
入死者以聞元制笞杖俱以七爲計蓋每十減爲七也己酉以鐵哥平章政事阿里爲右丞梁

德珪叅知政事併亦奚不薛及八番羅甸二宣慰司都元帥府爲
一仍令亦奚不薛隸湖廣羅甸還隸雲南夏四月丙子太陰犯氏
已卯弛甘肅太原酒禁仍權酤辛卯設雲南諸路學校其教官以
蜀士充之五月丁未詔雪楊居寬郭佑寃給還家產改思州安撫
司爲軍民宣撫司隸湖廣罷東平路河道提舉司入都水監六月
戊辰詔聽僧食鹽不輸課壬申鐵旗城後察昔折乙烈率部曲三

千餘戶來附甲戌置司籍庫以儲物之籍入者壬午以瓊州新附洞寨置會同定安二縣已丑太白犯歲星典章云許蒙古軍人立社禁採生祭鬼及製造異樣器物閏月

辛卯朔罷福建歲造象齒鑿帶戊申熒惑犯狗國辛亥廣西上思州土官黃勝許陷忠州遣程鵬飛將兵擊之勝許敗走入交趾甲寅右江岑從毅降以其子斗榮襲鎮安路總管廣南副使賽甫下

以風聞三十餘事訐告省官帝惡其傷政體捕惡黨下吏如法秋七月庚申朔遣使檢覈竄名鷹房受糧者辛未太陰犯牛庚辰定

雲南福建兩廣州縣官聽省臺銓選具姓名上聞給授宣敕八月丁酉辰星犯右執法已亥太白犯房乙巳歲星犯右執法丙午用

郭守敬言浚通州至大都漕河役軍匠二萬人又鑿六渠灌昌平諸水戊午福建叅政魏天祐私發民夫鍊銀坐賊逮治救廉訪司

在燕南者還治真定河南者還治汴梁九月丁卯茹蕪十圍安化

光蘭州洞蠻內附即其地立定遠府設官如例癸酉廢新得州置通江縣復漢州綿竹縣徙瓜沙二州民于甘肅畫地使耕寧夏半

藝紅花詔令盡種穀麥辛巳太白犯南斗罷雲南行臺徙置西川設雲南廉訪司丁亥置烏思藏納里速古兒孫等三路宣慰司冬

十月戊子朔召福建廉訪知事張師道赴闕授翰林直學士庚寅浚浙西河道導水入海癸巳詔歲終各行省詣闕奏事令行臺同

赴面奏一歲舉刺之數丙申四川洞蠻向思聰等來朝信合納帖音國遣使入覲廣東進暹國所上金冊乙巳太陰犯井丁未犯鬼

癸丑罷懷孟竹課乙卯太陰犯氏諸王明里鐵木兒附海都叛詔伯顏討之率眾來降十一月詔父子嗣續人倫大本同宗繼紹氣

脉感通非我族類神不歆享凡有撫養諸弟從孫為子及螟蛉他姓者並行禁治老人年八十以上者准免一子徭役俾得侍養

見典

章壬戌太陰犯壘壁陣己卯犯太微東垣上相癸未命關津譏察
姦宄丙戌提省溪錦州銅人諸洞渠長楊秀朝木忽魯甸土官阿
魯等入覲十二月庚寅改封皇孫梁王甘麻刺爲晉王鎮北邊立
金齒木來府癸巳罷福建及寧國路銀冶庚子太陰犯井甲寅犯
太微西垣上將勅都水監修治保定沙塘河堤堰是歲真定河間
益都各屬州縣蟲食桑盡無蠶兩浙饑免民租一百二十五萬七
千餘

三十年癸巳春正月壬戌遣使招諭漆頭金齒蠻丙寅太陰犯畢
詔汰冗員省內外官府二百五十五所計六百六十九員丁卯罷
雲南延慶司遙授洛波卜兒二蠻長爲知州捏怯烈女真數百人
以漁自給帝曰與其勤于水曷若力于田其給牛具令屯耕以食
庚午驗洞蠻長楊總國等來朝甲戌升蔡州爲散府分和林漢軍

屯田杭海罷諸路魚鹽局而子西番一甸蠻長三人來覲各授蠻
彝軍民官丁丑太陰犯氏庚辰歲星犯左執法丞相安童卒新置
社稷壇成高五丈方廣如之社東稷西社用白石爲主飾以五方
色土稷不用土四周皆黃土壇南各植松一株北墉瘞坎壝垣悉
倣古制別爲齋廬門廡三十三楹二月己丑減江浙海運米四十
萬石免大都公賦壬辰太陰犯畢丙申却江淮福建所進鷹鷂仍
禁軍官無從禽擾民丁酉回鶻獻答納珠邀價數萬帝曰珠何爲
哉當留是錢以賙貧者發海運米十萬石給遼陽戍兵乙巳熒惑
犯天街丁未以新附洞蠻吳動熬爲潭溪軍民官庚戌太陰犯牛
辛亥發總帥汪惟和所部軍征土番陝西四川兵征西番復立雲
南行御史臺救江南豪右庇匿盜賊爲首者誅餘徙之內地癸丑
太白犯壘壁陣三月庚申以札散知樞密院事甲子海都入寇括

天下馬十萬匹己巳立行大司農司辛未太陰犯氏夏四月己亥定上海漵浦慶元廣東泉州市舶司物貨皆三十取一併温州舶

司入慶元杭州舶司入稅務

通考云凡金銀銅鐵男女並不許私販入番行省行泉兩司市舶司官每年于回帆之日皆前期詣抽解之所

待船舶至先封其塔以次抽分等又以船舶至岸隱漏物貨者多命就海中逆而開之

癸丑太白犯填星甲寅授光州光龍

等十二人邦岸王文顯等二十八人金竹馬麟等十六人大龍番

禿盧忽等五十四人承順路彭世疆等九十人安化州吳再榮等

十三人師壁散毛洞勾答什王等四人各為蠻獫官賜璽書遣歸

毀江南諸道觀聖祖天尊祠五月丙辰朔定雲洞蠻來附丙寅浙

西大水令富民募人疏決水道辛未定僧寺邸舍並收商稅丁丑

散上都工匠三千戶俾就食大都六月丙戌選河西質子軍赴皇

孫阿難答所出征己丑歲星犯左執法庚寅以雲南且當仍屬西

番宣慰司改淮西蘄黃等路隸河南江北行省丙申太陰犯斗乙

巳以皇太子寶授皇孫鐵穆耳總兵北邊召丞相伯顏還己酉

太湖秋七月己未免福建歲輸皮貨及泉州織作紵絲甲子太陰

犯建星壬申命月赤察兒知樞密院事丁丑新開通州漕河成賜

名通惠河以只兒合忽所汰乞兒吉思戶屯田合思合之地辛巳

太陰犯鬼八月丙戌括所在荒田令放良漏籍等戶屯種甲午辰

星犯太微西垣上將甲辰太陰犯畢丁未立鎮守黎蠻海北海南

屯田萬戶府戊申太陰犯鬼九月癸丑朔立海北海南博易提舉

司稅如市舶例丁卯太陰犯畢出御史臺贓罰鈔五萬錠給衛士

之貧者冬十月癸未朔皇太子祔于太廟戊子修汴梁堤己丑遣

兵部侍郎忽魯禿花等使閩藍可兒納答信合納帖音三國仍賜

信合納帖音渠長三珠虎符庚寅彗星入紫微垣抵斗魁光芒尺

許凡一月乃滅丙申熒惑犯亢己亥太陰犯天關辛丑犯井甲辰

詔赦天下庚戌造象蹄掌甲辛亥禁江南州郡乞養良家子轉相
販鬻及強將平民畧賣者十一月壬子朔立海北海南道肅政廉
訪司治雷州庚申以金齒木朶甸戶口增立下路總管府給其長
雙珠虎符乙丑太陰犯畢丁卯犯井庚午犯鬼丙子熒惑犯鉤鈴
戊寅歲星犯亢免江南都作院軍匠出征己卯召河南行省平章
伯顏入中書省平章政事十二月壬辰以張九思爲左丞乙未太
陰犯井是歲天下路一百六十九府四十三州三百九十八縣千
一百六十五宣撫司十五安撫司一寨十一鎮撫所一堡一各甸
部管軍民官七十三長官司五十一錄事司百三巡院三官府大
小二千七百三十三處真定深州靜安大水登州大興蝗易州雨
雹如雞卵各蠲賑有差通考云改江南茶法每茶商賣茶必令賣引引之外
又有茶由以給賣零茶者每由茶九斤收鈔一兩
三十一年甲午春正月壬子朔帝不豫免朝賀知樞密院伯顏至

自軍中庚午帝大漸癸酉崩于紫檀殿在位三十五年壽八十七
亥葬起輦谷夏五月戊午上尊謚曰聖德神功文武皇帝廟號世
祖國語曰薛禪皇帝

冊曰遂闢雄圖混一中外德威所指無遠弗届建號立制垂
模一代崇儒察奸旋用旋敗英明克斷用無祇悔

... 欽一升崇壽察我武用欽規英用武備用無無...
... 田曰滋潤華國野一中水漸潤計無窮武國數對立階垂...
... 則因謂曰舊軌皇帝...
... 多養壯氣谷夏正月九日...
... 自軍中來于帝大漸次西...
... 二十五年...
... 二十五年...

元史類編卷之四

仁和邵遠平戒山學 南沙席世臣鄂客氏校刊

天王二

成宗皇帝諱鐵穆耳世祖之孫太子真金第三子母曰宏吉刺氏
以至元二年九月庚子生帝二十二年太子薨二十五年世祖命
帝討叛王合丹削平遼左諸部三十年受皇太子寶撫軍北邊明
年甲午春正月世祖崩諸王大臣遣使訃軍中夏四月壬午帝至
上都左右部諸王畢會先是御史中丞崔彧得玉璽于故臣之家
監察御史楊桓辨其文曰受命于天既壽永昌上之帝母元妃羣
臣咸曰神寶之出實當宮車晏駕之後此天意屬于皇太孫也至
是手授帝甲午帝即位百官朝于大安閣詔曰朕惟太祖聖武皇
帝受天明命肇造區夏列聖相承光熙前緒迨我先皇帝體元居

正以來文物典章大備臨御三十五年薄海內外罔不臣屬宏規
 遠畧厚澤深仁有以衍皇元萬世無疆之祚我昭考早正儲位德
 盛功隆天不假年四海缺望顧惟眇質仰荷先皇殊眷往歲之夏
 親授皇太子寶付以撫軍之任今春宮車遠馭奄棄臣民乃有宗
 藩昆弟之賢戚畹官僚之舊謂祖訓不可以違神器不可以曠體
 承先帝夙昔付託之意合辭推戴情切意堅朕勉徇所請于四月
 日即皇帝位可大赦天下尚念先朝庶政悉有成規惟慎奉行罔
 敢失墜更賴宗親勲戚左右忠良各盡乃誠以輔台德按元文類作王構撰張伯淳養
崇集亦載之追尊皇考曰皇帝尊母元妃曰皇太后庚子遣攝太尉兀都
 帶為大行皇帝請諡于南郊志作甲辰日事此告天請諡之始定諸王駙馬賜與依往
 年大會例賜金一者加四為五銀一者加二為三戊申太白晝見
 已酉雲南行省以所定路府州縣來上上路二下路十一下州四

十九中縣一下縣五十授金齒土官阿魯為孟定路總管五月庚
 戌朔太白犯輿鬼壬子祭太陽太歲火土等星于司天臺紫微星
 于雲僊臺戊午上大行皇帝尊諡冊曰繼志述事非盡孝無以致
 其誠表行誅功非定諡無以稱其實肆邦彝之具舉維天道之協
 從欽惟先皇帝膺籙受圖體元立統蚤從藩邸茂著徽稱為治之
 基有常經國之畧則遠役用眾智獨斷于衷總攬萬幾如指諸掌
 內朝廷外侯牧等威迭降罔不適中先教化後刑名本末相循悉
 皆有序在御迨踰于三紀推尊合冠于百王若夫惠及困窮恩加
 降附慎終如始無非好生之心保小以仁特示包荒之量擴盛猷
 之鴻鬯沛膏澤之醇醲方其泰運漸亨戢濟多難離綱復綴混一
 四方傳檄而氛稜開渙號而方維定乾旋坤轉不足喻其機雷厲
 風飛不足比其捷至于嘉言博采惟典謨訓誥是師諸藝畢延盡

陰陽圖緯之學考音律以創字畫參古今以制禮儀振耀威靈肅
 陳兵衛白旄黃鉞時則親巡犀甲雕弧止于不用聖德弗可及已
 神功茂以尚焉蓋文之所加者深武之所服者大是用升崇吉祔
 揆卜剛辰謹奉冊寶上尊諡曰聖德神功文武皇帝廟號世祖伏
 惟睿靈俯垂昭鑒思皇多祐申錫無疆見元文類 王構撰并上世祖后尊諡
 曰昭睿順聖皇后又上皇考尊諡冊曰周武膺符首建文王之號
 晉武踐祚遂正文考之稱比擬未必盡同追崇蓋有彝典顧惟寡
 昧嗣續基圖天付有家動欲繩其祖武者若作室今曷致其孝思
 欽惟皇考皇帝元德溫恭聖功果育顯諸神而藏用膏其施而未
 光當夫預國政親軍旅之時無非審治體得民情之事弭兵日本
 廣先皇柔遠之仁立教天庠示聖代崇儒之意身衛斯文于不朽
 人被其惠而莫知誠以鋤奸去惡而為明匪徒視膳問安之為孝

乃有其德而無其位獨豐于功而裔于年感十載霜露之懷永言

維則紹一統乾坤之業有開必先思貽令名允為首議謹奉冊寶

上尊諡曰文惠明孝皇帝廟號裕宗有嚴吉享用薦徽稱伏惟神

靈歆其昭格見養蒙集 張伯淳撰四川散毛洞主覃順來貢升其洞為府己巳

改皇太后所居舊太子府為隆福宮詹事院為徽政院乙亥命札

散知樞密院事加御史大夫月兒魯太師知樞密院伯顏太傅樞

密副使月赤察兒太保戊寅立捕鹽人賞格六月庚辰朔日食庚

寅減雲南歲貢馬復以鐵木兒平章政事甘肅饑禁釀酒乙未以

加上尊諡詔天下免所在本年包銀俸鈔及內郡地稅江淮以南

夏稅之半己亥封乳母楊氏為趙國安翼夫人何氏為冀國夫人

辛丑禮宋使家鉉翁遣還家鉉翁充祈請使至燕安置河間 至是年踰八十乃賜衣遣歸甲辰詔脩世祖

實錄丙午太陰犯井秋七月己未立保定路之博野泰安州之新

秦平陽路之武鄉芮城陵川蒲縣改侍衛都指揮使為隆福宮左

右都威衛使王戊詔中外崇奉孔子按尊獻王所書通鑑博論于至元十八年有云帝信桑門之惑盡焚中國道藏關儒

道二教為外學既孔子為中賢尊桑門為正道及考元史止于是年焚燬道書而不見所謂庚孔子之實惟成宗即位即詔崇奉孔子則當時或有施行如博論所云者故因所疑而議之戊

辰罷肇州宣慰司入遼東道減八番等處所設官三百一十六員

按八番新附時稱九十萬戶設官四百二十四員及遣官覈實止十六萬五千餘戶故減其半癸酉以不忽木段真並平章政事

詔諭暹國王敢木丁來朝或有故則令其子弟及陪臣入質命太

師月兒魯將兵守北邊八月庚辰太白晝見戊子初祀社稷用堂

上樂歲以為常已丑遣范文虎監浚通惠河立新河運糧千戶所

戊申太陰犯畢太白犯軒轅九月丁巳太白經天丙寅太陰掩填

星辛未犯軒轅乙亥犯平道遣禿古鐵木爾等使閣藍冬十月辛

巳詔凡蠲免田租令佃戶應輸田主者亦如所蠲之數毋得私收

壬午太白犯左執法癸巳太陰掩填星乙未犯井金齒孟愛甸渠

長遣子來朝即其地立軍民總管府辛丑詔京畿糧儲充足歲海

運米百萬石者今減十之七帝諭省臣曰中書職務卿等皆懷怠

心又不約束吏曹使選人淹滯桑哥雖姦邪然僚屬憚其威政事

無不立決卿等其約束曹屬有不事事者笞之乙巳遣南巫里速

木答刺繼沒刺孛毡陽使者各還國初征瓜哇時當招瀕海南巫里等國遣人來附以禁商及海留京師至是弛海禁始遣還

十一月丁未朔帝朝皇太后于隆福宮上玉冊玉寶已酉太陰犯

亢壬子罷江淮湖廣江西行樞密院併入行省庚申太陰犯畢令

河西僧人依舊助役毀宣政院所刻河西藏經板甲子以何瑋參

知政事罷海北海南市舶提舉司立覆實司癸酉太白犯房詔改

明年為元貞元年十二月癸未歲星犯房丁亥犯鉤鈴壬辰太陰

犯鬼庚子犯房又犯歲星用帝師奏釋京師大辟三十人杖以下

者百人賜諸鰥寡貧民鈔二百錠曲靖激江普安等路焚官各以

方物來貢是月太傅伯顏卒按是歲節氣正月一日壬子立春二月二日癸未驚蟄三月三日癸丑清明四月四日甲申立夏五月五日甲寅芒種六月六日乙酉小暑七月七日己卯立秋八月八日乙酉白露九月九日丙辰寒露十月十日丙戌立冬十一月十一日丁巳大雪十二月十二日丁亥大寒

元貞元年乙未春正月癸丑命只兒合朗為御史大夫乙卯太陰

犯填星及畢壬戌以國忌即大聖壽萬安寺飯僧七萬詔道家復

行金籙科範乙丑以行院既罷仍賜行省長官虎符領其軍庚午

以楊炎龍為中書左丞阿老瓦丁呂天麟並參知政事壬申立北

庭及曲先塔林二都元帥府癸酉歲星犯東咸罷瓜沙二州屯田

二月丁丑翰林學士承旨留夢炎請老厚賜遣之壬午罷江南茶

稅增鈔二千錠入江西歲額典章云令有司勸茶戶種茶以時採摘仍禁放牧損壞癸未熒惑犯大

陰戊子思州田曷刺不花雲南彝卜木四川洞主查閻王金齒帶

梅混冬等來覲壬辰太陰犯平道癸卯犯歲星勅廉訪司官令省

臺同選二月乙巳朔發鈔五萬錠市馬給貧乏軍庚戌太陰犯填

星壬子來朝官斂所屬俸錢戊午罷福建徽州銀場提舉司以

東作方殷停諸不急營造壬戌地震太陰犯房丙寅增置蒙古學

正以各道廉訪司領之夏四月勅土都木都揚州從前撥賜大乾

元寺大興教寺大護國仁王寺酒店湖泊出辦錢物仍聽官收分

給毋許僧道私設人員見典章庚寅太陰犯東咸癸巳遣烏撒同知

牙那木假兵部尚馬使馬荅兒的陰庚子立衛候掌謁掌儀掌饈

諸司及官正內宰隸隆福宮癸卯設各路陰陽教授仍禁陰陽人

不得游諸王駙馬之門典章云試選陰陽教授占算三命五星周易六壬數學閏月癸丑歲星犯房

甲寅太陰犯平道乙卯犯亢丁巳掩房己未罷打捕鷹房總管府

及司籍周用薄斂等庫為皇太后建佛寺于五臺山立梭釐招討

司蘭州河清二日上下三百餘里五月庚辰詔各省存儒學提舉

司一其餘悉罷升江南諸縣為州以戶為差戶止四五萬者為下

州五萬以上者為中州下州官五員中州官六員凡為中州者二十八下州者十五又以連州戶不及額降路為州辛巳罷行大司農司加麥木丁平章軍國重事何榮祖為昭文館大學士議中書省事甲申免自今五月以前逋欠錢糧丁亥太陰犯南斗六月壬子世祖實錄成甲寅併左右兩江宣慰宣撫二司為廣西兩江道宣慰司都元帥府治靜江仍分司邕州癸亥立蒙古軍都元帥府于西川徑隸樞密院庚午立西域衛親軍都指揮使司勅凡上封事者命中書省發視然後上聞秋七月乙亥准江南地稅輸鈔丁丑太陰犯亢巳卯詔舉中外儒吏兼通者每道歲貢二人省臺立法考試中程者用之所貢不公罪舉者定職官坐贓經斷再犯者加本罪二等倉庫官吏盜所守錢糧一貫以下笞十貫杖二十貫加一等一百二十貫徒一年每三十貫加半年滿三百貫者死計

贓以至元鈔為則典章云官員因事受財枉法者不叙不枉法者殿罷三年方聽告叙再犯者終身不叙凡遇公私罪犯上司不得擅斷決甲申歲

星犯房八月巳酉太陰犯牛壬子犯壘壁陣巳巳以駙馬那懷知

樞密院事九月乙亥用帝師奏釋大辟三人杖以下四十七人巳

卯運米十萬石于權場故廩以備北塞省寧夏行省八甘肅甲午

太陰犯軒轅戊戌犯平道冬十月癸卯有事于太廟帝曰親享之

禮祖宗未嘗舉行朕將躬祀之命獻官迎導入廟奉世祖裕宗冊

寶納諸各室先附廟時以綾代玉冊至是始造成故並納之甲寅勅自今監察御史廉訪使有所

按覈州縣官與本路同鞫路官與宣慰使同鞫宣慰司官與行省

同鞫辛酉辰星犯房壬戌犯鍵閉通考云江西省臣言銀冶歲課萬一千兩而未嘗及數民不堪命自今從實辦之不為額

戊辰太白晝見太陰犯房十一月甲戌太白經天立江浙金銀洞

治轉運司乙酉太陰犯井丁亥犯鬼戊戌升江西寧都會昌二縣

為州十二月丙辰太陰犯軒轅甲子犯天江丁卯禁諸王駙馬輒

名有司官吏減海運工費鈔一貫每石計六貫五百文著為令是月立皇后伯岳吾氏初命郡縣通祀三皇如釋奠宣聖禮伏羲以勾芒氏配神農以祝融氏配黃帝以風后力牧配俞跗以下載于

醫書者十人從祀兩廡有司春秋行事以醫師主之通考云元貞間建三皇廟內有三皇并歷代名醫像東有神機堂內置銅人鍼灸圖二十有四凡五臟旁注為溪谷所會各為竅以導其源委又刻鍼灸經于石其碑之題篆則宋仁宗御書甚至元間自亦移此是歲帝

以京師米貴益廣糶法設肆三十所發米七萬石糶之後增至四十萬石每為豪強巧取乃命有司籍貧民戶數驗口給之減時值

三之一

二年丙申春正月己卯上思州叛賊黃勝許攻剽水口思光寨湖廣行省調兵擊破之勝許復入交趾壬午太陰犯輿鬼丙戌太白晝見安西王傅請立王相府帝曰去歲阿難荅已嘗面陳朕諭以世祖定制今復奏請豈欲以四川京兆悉為彼有耶賦稅軍站皆

朝廷所司今姑從汝請置王相府惟行王傅事丁亥太陰犯平道

庚寅犯鉤鈴命禿赤為御史大夫乙未回紇不刺罕獻獅豹藥物

二月己亥朔自六盤山至黃河立屯田置軍萬人辛丑立中御府

丙午禁軍將擅易侍衛軍蒙古軍以家奴代役者罷職仍令其奴

別入兵籍畀以本主資產之半軍卒擅更代及逃歸者死丁未太

陰犯井括蒙古戶漸丁充行伍孩幼稍長之下也三月壬申以不忽木為昭

文館大學士平章軍國事還太原平陽路葡萄園為民業罷四川

馬湖路所進獨本葱癸酉有言晉王甘麻刺及太師月兒魯有異

圖者樞密院鞫之無驗帝命言晉王者死言太師者謫從軍乙酉

太陰犯鉤鈴夏五月戊辰朔免兩都徭役甲戌詔民間馬牛百取

其一羊不滿百者亦取之惟色目人及數方取丁丑太陰犯平道

庚辰土番叛掠階州遣兵討之庚寅禁諸王駙馬招戶令有分地

功臣戶與民均納供需詔諸徒役者限一年放歸毋杖六月乙巳
 太白犯天關以調兵妨農免廣西今年田租丁巳太白犯填星癸
 亥太陰犯井秋七月癸酉茶鹽轉運司印鈔提舉司運糧漕運司
 官以三年為代雲南福建官吏滿任者准給驛歸壬午填星犯井
 太白犯輿鬼續資治云勅官吏受賂初既蘇伏懲審覆而有司徇情致多狡辯者加等論罪己丑命行臺御史鈞校隨
 省理問所案牘諸提調錢穀官所部有逋欠者勿遷叙八月丁酉
 朔禁舶商毋資金銀過海諸使海外者不得為商立肇州屯田萬
 戶府庚子太陰犯亢太白犯軒轅癸卯太陰犯天江乙巳立捕盜
 賞格凡告捕強盜一名者賞鈔五十貫竊盜半之應捕者又半之
 皆徵諸罪人無可徵者官給乙卯太陰犯天街太白犯上將龍輿
 路隕霜殺禾九月戊辰太白犯左執法壬申太陰掩南斗甲戌罷
 民間鹽鐵爐竈命沿海巡檢私鹽定浙東福建湖廣兩稅法秋稅

恒子孫

止輸糧夏稅則雜以木棉布絹絲綿土物丁丑太陰犯壘壁陣甲
 申雲南乞藍部長荅刺率諸蠻來降以其地為雲遠路己丑太陰
 犯軒轅河決杞封丘祥符寧陵襄邑五縣贛州賊劉六十聚眾萬
 餘建偽號江西左丞董士選討平之冬十一月丁卯蠻洞荅馬刺
 一本王遣其子進象十六丁丑太陰犯月星及天街庚辰犯井丁
 亥犯上相增明年海運糧為六十萬石調芍陂屯田軍萬人修大
 都城戊子太陰犯平道壬辰犯天江省雲南栢興府入德昌路十
 二月戊戌立徹里軍民總管府本古產里蒙字記作車里復置蒙棣剛等甸軍民
 官癸卯定諸王朝會賜與太祖位金各千兩銀七萬五千兩世祖
 位金各五百兩銀二萬五千兩餘各有差丁未太陰犯井乙卯犯
 進賢復司天臺觀星戶增置侍御史二員釋在京繫囚百人
 大德元年丁酉春正月辛卯以王慶端為中書右丞張斯立叅知

政事建五福太乙神壇時通考云建南郊二月丙申蒙揚甸長遣弟阿不刺

來獻方物即其地立通西軍民府升全州為全寧府濟寧寧陽鎮

為縣改隸州巡檢司為河曲縣戊午暹國羅斛羅羅斯各遣使來

朝已未改福建省為福建平海等處行省徙治泉州減福建歲織

段三千疋其車渠帶玉別立提舉司掌之庚申以改元赦天下詔

曰朕荷天地之洪禧承祖宗之不祚仰遵成憲庶格和平比者藥

木忽兒兀魯思不花朵兒朶懷等去逆效順率眾內附畢會宗親

釋其罪戾適星芒之乖象豈天意之儆予宜推一視之仁誕布更

新之政可改元貞三年為大德元年於戲側躬修行咸摠奉若之

誠革故從新聿底雍熙之治咨爾臣庶體朕至懷見典章三月戊辰

熒惑犯井庚午以也先鐵木兒平章政事梁德珪一名暗都刺為右丞八

都馬辛為左丞癸酉太陰掩軒轅大星甲戌詔併各省鎮守軍福建

併為五十三所江浙併為二百二十七所江西併為六十四所丁丑封諸王鐵木兒不花為鎮西武靖王丁

亥禁正月至七月捕獵庚寅五臺山佛寺成皇太后親往祈祝御

史李元禮諫止之不聽夏四月癸巳朔日食丙申勅御史臺不立

選惟監察御史首領官聽御史臺自擇各道廉訪使必選用蒙古

人或色曰世臣子孫其次叅以色目漢人各省文案行臺差官檢

覈近侍傳奉特旨令臺憲擢用者必俟奏明後任行臺御史秩滿

有效績者或入內臺或聽中書省遷調廉訪使亦如之其不稱職

者省臺擇人往代未歷有司者先授以牧民官經省臺同選者聽

御史臺自調中書省或用臺察之人亦令與御史臺同議各官府

憲司官毋得輒入體察一應擬除悉依舊制五月丙寅河決汴梁

發民夫三萬塞之戊辰追收諸位下為商者制書驛券定強盜姦

傷事主者首從悉誅不則止誅盜餘各刺配再犯者並誅癸酉

太白犯鬼積尸氣乙亥太陰犯房丁丑禁民間捕鷹鶴貴州葛
 蠻及平伐九寨平珠六洞內附各立長官司上思州賊黃勝許遣
 其子志寶來降帝曰勝許反側不足信如其悔罪自至則當復官
 其子命賜衣遣之甲午賜湖廣叅政崔良知鹽課鈔千錠旌其廉
 貧乙未太白晝見丙辰詔僧道犯姦盜重情者聽有司專決免亦
 奚不薛歲貢馬及雨藶秋七月定在外慶賀行禮以守土官為班
 首武職雖品大者不得攬越見典庚午太陰犯房辛未罷蒙古軍
 萬戶府入曲先塔林都元帥府定奉使外邦者假以會同館使副
 職銜不給制命丁亥免上都酒課三年河決杞縣蒲口命河北廉
 訪使尚文相視八月丁巳昴星出奎論諸王自今出獵悉自供億
 給衛士牧馬外郡者糧毋仰食于民九月辛酉朔昴星復犯奎丙
 寅罷括兩淮民田已丑省南丹州安撫司改立慶遠南丹溪洞軍

安撫司詔邊遠官已優升品級而託故不赴者奪其官冬十四

存恤諸郡被災之家詔曰比者各路水旱疊見損害田禾疫氣漸

染人多死亡今被災人戶應納稅糧損及五分以上者全行蠲免

雖被災例不及免者以十分為率量減三分其餘諸處普免三分

病死之家或止存老幼單弱別無得力之人者並免三年差稅貧

窮不能自存者官為養濟江南新科夏稅今年悉與蠲免已納在

官者准作來歲正賦見典辛丑減上都商稅歲額為三千錠戊午

太白經天增吏部尚書一員十一月壬戌禁權豪僧道及各位下

擅據鑛炭山場并私奪民田其獻田者加罪罷保定紫荆關鐵冶

提舉司還其戶八百為民戊辰增太廟牲用馬戊子太白經天温

州妖人陳空崖坐禪設法偽稱羅平國正治元年平陽州官捕擒

之十二月戊戌禁外郡戍卒封椿錢軍官不以時給反出已錢貸

之徵其倍息者福建平章高興言漳浦縣大梁山產水晶乞割民
百戶採之帝曰不勞民可勞民則勿取壬寅朝洞蠻內附立長官
司二甲辰太白經天丙午太陰犯軒轅欽察都指揮使床兀兒攻
破巴隣之地還擊海都軍敗走之甲寅太陰犯心閏月壬戌太陰
犯壘壁陣詔軍戶賣田者由所隸官給文券丙子太白犯建星淮
東饑弛湖泊禁仍聽正月捕獵是歲順德等路旱樂壽交河疫死
者六千五百餘人和州歷陽縣江漲漂沒民居萬八千五百家衡
州鄱縣山崩水溢並蠲租賑糧三萬餘石

二年戊戌春正月壬辰禁諸王駙馬受投獻公私土田乙巳出糧
十萬石賑北邊新附貧民罷土番碣門安撫司運司改立碣門魚
通黎雅長沙西寧遠軍民宣撫司以翰林王惲閩復王構趙與票
王之綱楊文郁王德淵集賢王頤宋渤盧摯耶律有尚李泰郝采

楊麟皆耆德舊臣清貧守職特賜鈔二千一百餘錠是月特祭太

廟用馬一牛一羊鹿野豕天鵝各七餘如舊

是為特祭之始將奠牲盤駢馬
種家古太視升詣第一座

后神諱致祈語以次列室如之禮畢則以割牲之
餘撒于兩廡星門外名曰拋數茶飯光國禮所重

二月辛酉歲星熒惑太白聚于

危乙丑立浙西都水營田司專主水利以張九思梁德珪何榮祖

並平章政事楊炎龍為右丞以歲入不敷罷中外土木之役后妃

諸王所需非有旨勿給罷建康金銀銅冶轉運司歲辦金悉責有

司辛未太陰犯左執法丙子犯心癸未禁諸王駙馬母擅祀嶽瀆

其從者毋假控鶴佩帶擾民三月丁亥朔加封東鎮沂山為元德

東安王南鎮會稽山為昭德順應王西鎮吳山為成德永靖王北

鎮盤巫閭山為貞德廣寧王歲與嶽瀆同祀夏五月辛卯罷海南

黎兵萬戶府以黎蠻屯田府事入瓊州安撫司壬辰命中書省遣

官監雲南四川海北海南廣西兩江廣東福建等處六品以下選

戊戌太陰犯心己酉立致用院六月庚申罷江南門攤稅江南在宋時行兩稅

法自阿里海牙下湖廣收科門攤每戶一貫二錢增課五萬錠宣慰張國紀復請科夏稅與門攤並徵湖湘重罪其害御史以為言帝命罷之禁諸王擅發令旨

其越例開讀者併所遣使拘執以聞壬戌太陰犯角置奉宸庫秋

七月癸巳太陰犯心汴梁河決遣尚書那懷御史劉賡塞之自蒲

口首事凡築九十六所八月壬戌太陰犯箕九月辛丑太陰犯五

車南星癸卯太陰犯五諸侯己酉犯左執法庚戌立吉顛汀三州

屯田命廣海左右江戍軍依舊制二年更代冬十月壬戌太白犯

牽牛置蒙古都萬戶府于鳳翔戊寅太陰犯角距星令御史臺稽

察樞密院案牘十一月丙申罷雲南行御史臺為陝西行臺移治

京兆置雲南肅政廉訪司己亥太陰犯輿鬼辛丑辰星犯牽牛壬

寅太陰犯右執法十二月戊午太白經天括諸路馬除牝孕携駒

者己未填星犯輿鬼乙丑太白犯歲星太陰犯熒惑庚午填星八

輿鬼太陰犯上將詔逃軍復業者免役二年給陣亡軍妻子衣履

甲戌彗出子孫星下己卯太陰犯南斗辛巳定諸稅錢三十取一

歲額之上勿增是歲甘肅沙州鼠傷稼江浙水大都檀州雨雹山

東河南淮揚燕南山北蝗各蠲租如例賑糧十五萬餘石釋在京

囚二百一十九人

三年己亥春正月癸未朔下存恤軍民詔曰朕自即位以來重念

屯戍征進軍士久服勞苦管軍官輿魯官務加休息不得妄有科

配前詔已嘗及之今樞密院奏江南平定之後軍馬別無調度所

司不知撫養致使軍前告退者多起補之間官吏因而作弊應嚴

行禁治如有違犯酌輕重降黜至于長官置吏本以為民小吏祿

食不敷以致掊取為害令中書省各添給俸米鰥寡孤獨除照常

給賑外自後每名添申統鈔一兩遇天壽節加支二兩著為令見典

章丙戌太陰犯太白己丑中書省臣以星變各引咎避位帝曰此漢人故事豈可一一倣之耶卿等但擇賢者任之自可挽回天意庚寅遣使問民疾苦除本年內郡包銀俸鈔免江南夏稅十之三增各路惠民藥局癸巳封藥木忽兒爲定遠王命哈刺哈孫爲左丞相丁酉太陰犯太微西垣上將戊戌犯右執法乙巳太白經天二月癸丑朔罷四川福建行省陝西行臺江東荆南淮西三道官慰司置四川福建宣慰司都元帥府及陝西漢中道廉訪司己巳熒惑犯五諸侯壬申封吳大夫伍員爲忠孝威惠顯聖王三月甲午命何榮桂定律令帝曰古今異宜不必相沿但取宜于今者戊戌熒惑犯輿鬼詔軍官受賊重者落職輕者降散官或決罰就職停俸期年許令自効夏四月己未太陰犯上將丙寅填星犯輿鬼太陰犯心庚午嚴捕淮浙私鹽驗所獲遷賞自通州至兩淮設巡

防捕盜司十有九所五月壬午罷江南諸路釋教總統所放諸寺佃戶五十餘萬爲民丙申太陰犯南斗海南遠古臺速龍探奔奚里諸番以虎象及杪羅木舟來貢己亥太白犯畢禁海商以人馬兵仗往諸番貿易六月癸丑罷大名路所獻黃河故道田輪租戊午以福建州縣官類多色目南人命以漢人參用禁福建民冒稱權豪佃戶規免門役庚申太陰掩房丁卯熒惑犯右執法壬申歲星晝見秋七月己卯朔太白犯井丁未太陰犯輿鬼淮揚屬縣蝗爲鶩啄食飛者以翅擊死詔禁捕鶩八月己酉朔太史奏日食不應丁巳太陰犯箕戌辰太白犯軒轅大星己巳太陰犯五車九月壬辰夜有流星色赤尾長丈餘光燭地起自河鼓没于牽牛之西有聲如雷癸巳罷括宋手號軍乙未太陰犯昴距星丁酉太白犯左執法置河東山西鐵冶提舉司冬十月壬子授皇后冊寶甲寅

復立海北海南道廉訪司丙子太陰犯房十一月庚辰置浙西平
江河渠牐堰凡七十八所乙酉太白犯房丁酉浚浙西太湖及澱
山湖十二月己酉徙鎮巢萬戶戊沅靖毗陽萬戶戊辰州均州萬
戶戊常德癸酉諭中書省貨財出納自今無券記者勿與以阿魯
渾薩理平章政事是歲命皇姪海山宗武代寧遠王濶濶出鎮漠
北賜馬二萬二千九百匹

四年庚子春正月丙申嚴京師惡徒之禁犯者黥刺拘役癸卯復
淮東漕渠二月丁未朔日食丙辰皇太后崩明日祔葬先陵戊午
太陰犯軒轅乙亥立烏撒烏蒙等郡置維摩州夏五月癸未諭平
章阿魯渾薩理曰集賢翰林乃養老之地自今諸老滿秩者升之
勿令輒去甲午太陰犯畢壁陣辛丑太白犯輿鬼太陰犯昴復置
延慶司六月丙辰加月赤察兒太師完澤太傅丁巳太白犯填星

甲子勅各省非奉命毋擅役軍帛吉兒蘇八等國來朝秋七月甲
戌朔上皇太后尊諡曰裕聖皇后升祔裕宗廟辛卯熒惑犯井封
乳母韓氏為燕冀國順育夫人石抹氏為冀國夫人八月癸卯朔
更定陰叙格正一品子為正五從五品子為從九中間正從以是
為差蒙古色目人特優一秩癸丑太陰犯井甲子辰星犯靈臺上
星閏月庚辰熒惑犯輿鬼以賀仁傑平章政事九月戊午太白犯
斗壬戌太陰犯輿鬼升英德州為路置廣東鹽課提舉司甲子太
白犯斗改中御府為中政院掌中宮財賦營造事冬十一月壬寅
朔免上都大都龍興明年絲銀附近牧地免稅糧十之二徒罪各
減一半杖以下釋之併遼陽省所轄狗站牛站為一輟耕錄云高麗以
北名別失八里譯

言連五城也罪人之流奴兒于者必經此其地極寒海亦冰自八月即合至明年四五月方解人
行其上如平地征東行省每歲委官至奴兒干給散囚糧須用站軍每車以四狗挽之狗悉諸人
性站有狗分例若尅減之必囑其主者至死乃已
十二月癸酉定江北墾荒者四年起科初制三年
起科恐貧

民
庚寅
庚寅

庚寅癸亥犯軒轅癸巳太陰犯房是歲建康平江湖北浙

東饑寧國太平旱賑粟三十四萬九千三百石

五年辛丑春正月己酉太陰犯五車壬子犯輿鬼積川氣奉安皇

妣裕聖皇后御容于護國仁王寺勅官吏犯賊及盜官錢事覺雖

遇赦免亦加降黜小吏犯賊者並罷不叙典章云禁止遊街刑法辛酉太陰犯

心罷檀景兩州採金鐵冶及福建織繡提舉司二月己卯太陰犯

輿鬼丁亥詔廉訪司官非親喪遷葬及以病在告者不得離職軍

民官或以地遠職卑已除不赴任者奪職勿叙己亥永寧路總管

雄挫曲靖路宣慰使忽林失來朝三月戊申太陰犯御女戊午馬

來忽等海島遣使來貢丁卯癸亥犯填星己巳癸亥填星相合夏

四月壬申太陰犯東井癸巳禁和林釀酒其諸王駙馬許自釀飲

民間無釀具而儲酒者勿問五月癸丑太陰犯南斗乙卯癸亥犯

右執法商州隕霜殺麥丙辰河南妖賊醜斯等伏誅雲南土官朱

隆濟反攻貴州知州張懷德死之丁卯太白犯井六月甲申歲星

犯司怪癸巳太白犯輿鬼歲星犯井秋七月戊戌朔晝晦暴風起

東北大雨雹丙午歲星犯井丁未命監察御史審覆宗正府罪囚

檢刷宣政院案牘辛亥太陰犯壘壁陣癸丑浙西積雨傷民田命

役夫二千人疏導河道庚申辰星犯太白叛王合丹之孫脫歡自

北來歸以暗伯阿忽台並知樞密院事八月諭行中書省宣慰廉

訪二司列置諸路之上本以弭盜賊脩政事糾不法撫良民也近

年于此畧而不問自今各脩乃職凡在所屬常加檢察期于政成

民安諸路鎮靜而止有不稱任者省臺錄其實跡奏示黜罰其獄

鎮海瀆名山大川風師雨師雷神各正官齋戒致祀有不敬者聽
廉訪使糾彈見典章庚辰遣官分道慮囚累年不決者具疑狀申省

嘉祥讞有星孛于東井歷紫微天市垣至九月乙丑凡四十六日而滅壬辰太陰犯軒轅御女乙未填星犯太微西垣上將冬十月丙寅朔畿內饑增明年海運糧爲百二十萬石戊寅武定路士官羣則獻方物癸未太陰犯東井改鄂州爲武昌路丁亥定軍官既受命而不時赴及差竣不卽還者准民官例違限六月選人代之被代者期年始叙辛卯夜有流星大如杯光燭地自北起近東分爲二星没于危宿十一月己亥歲星犯東井降容象橫賓路爲州升昭州爲平樂府省泌縣入唐州丁未設肆三十六所減直糶米賑京師貧民戊申太陰犯昴彘人藍賴率丹陽三十六洞來降立長信寺領大幹耳朶怯憐口諸事

燕然居士集云每新君立另設一帳房極金碧之盛名幹耳朶後君立復自作之怯憐口謂習

者取一償九然後杖之是歲海都與篤咤大舉入寇皇姪海山躬督五軍破之射篤哇中膝號遁去海都走死江湖溢東起通泰崇

明西盡真州民被災死者不可勝計賑米八萬七千餘石

六年壬寅春正月癸卯詔千百戶等自軍中先事而逃者罪死收而後逃者杖罷之没入其子女乙巳晉王甘麻刺薨庚戌江南僧

石祖進告朱清張瑄不法十事下御史臺按問帝曰朕聞江南富戶侵占民田以致貧者流離轉徙卿等嘗聞之耶臺臣言富民多

乞護持璽書依倚以欺貧民官府不能詰治宜悉追收爲便帝命速行毋越三日并諭自今僧官僧人犯罪御史臺與內外宣政院

同鞫凡寺觀續置田土及民以施入爲名者並輸租充役乙卯築渾河堤長八十里禁豪家毋侵舊河定軍官除邊遠征戍外凡遇

祖父母父母喪俱准終制蒙古色目人各從本俗有願守制者聽壬戌填星犯太微西垣上將二月庚午太陰犯昴西南彘叛遣也

速帶兒劉國傑次第討平之癸巳帝有疾釋京師重囚發通州倉粟賑貧民三月丁酉以旱溢為災詔赦天下大都平灤被災尤甚免差稅三年其餘災傷之地已經賑恤者免一年今年內郡包銀俸鈔江淮以南夏稅及諸路散辦門攤課程盡賜蠲免壬寅太陰犯輿鬼癸卯歲星犯井甲寅太陰犯鉤鈐台祭昊天上帝皇地祇五方帝于南郊遣左丞相哈刺哈孫攝事此攝祀天地之始夏四月乙丑朔太白犯東井丁卯曲赦雲南諸部蠻獫戊寅太陰犯心戊子修廬溝上流石徑山河堤庚寅太白犯輿鬼五月乙巳給貧乏漢軍地及五丁者一頃四丁者二頃三丁者三頃其孤寡者存恤六年逃散者招諭復業戊申太廟寢殿災六月癸亥朔日食太史院失推策下中書議罪填星犯太微西垣上將甲子建文宣王廟于京師

時京師未有孔廟國學寓于他所在丞相哈刺哈孫奏始建之

乙亥太陰犯斗秋七月癸巳朔熒惑填星辰

星聚于井庚子太陰犯心戊午犯熒惑辛酉以忽都不丁為中書右丞八月乙丑熒惑犯歲星己巳犯輿鬼辛巳太陰犯昴壬午太白犯軒轅九月丙午熒惑犯軒轅隆興民譌言括童男女至有殺其子者命誅為首三人癸丑太陰犯輿鬼丁巳太白犯右執法冬十月甲子徙浙東宣慰司治慶元鎮遏海道置大同路黃花嶺屯田罷軍儲所立屯儲軍民萬戶府壬午熒惑犯太微西垣上將十一月辛卯填星犯左執法乙未辰星犯房癸卯太陰犯昴己酉犯軒轅辛亥命合答知樞密院事十二月庚申朔熒惑犯填星辛酉雲南地震戊辰又震禁使臣枉道馳驛乙巳歲星犯輿鬼乙亥太陰犯輿鬼庚辰熒惑犯太微東垣上相癸未太陰犯房是歲賑浙江饒州糧二十九萬一千石給京師貧民鈔十一萬七千錠有奇初太宗正所定刑獄俱任蒙古必閣赤掌橐其中枉誤甚多至是

始令譯史立漢文卷委蒙古漢御史各一員閱視審覆然後待報
革諸衙門濫設貼書見典章

七年癸卯春正月戊戌太陰犯昴甲辰犯軒轅巳酉弛饑荒所在

山澤河泊禁乙卯誅朱清張瑄盡拘其海船軍器丁巳令樞密院

選軍士習農業者教軍前屯種二月辛未以木八剌沙阿老死下

並中書平章政事尚文為左丞朶台董士珍參知政事壬申詔樞

密院宗正府自今政事與中書共議然後奏聞遷調官員諸司不

得擅奏雖經特旨用者于例未允亦聽覆奏戊寅太陰犯心帝語

省臣曰比有以歲課增羨希求爵賞者此非培塿于民何從而出

自今除元額外勿以羨增作正數罷江南都水庸田司通考云詔和林軍六年更成仍

給鈔以周其乏三月巳丑朔定凡子孫或因貧困或信師巫說誘擅發祖父墳墓移棄尸骸貨賣塋地者與惡逆同罪見典章庚寅遣使宣撫循

行天下以郝天挺等十三人充七道使並給銀印江浙平章脫脫

遣發朱清張瑄家屬出金珠重賂之脫脫以聞帝曰朕以江南任

卿果能爾真男子事也其益恪勤乃事賜黃金五十兩壬辰以大

都比歲不登罷修建僧寺工役乙未中書平章伯顏梁德珪段貞

阿魯渾薩理右丞八都馬辛左丞月古不花叅政迷而火者張斯

立等皆以受朱清張瑄賂罷甲辰增給京朝官祿米外任官無職

田者亦驗俸量給戊申大一統志成夏四月癸亥太陰犯東井徵

陳天祥張孔孫為集賢大學士郭筠昭文館大學士皆同議中書

省事丙寅太陰犯軒轅乙亥歲星犯輿鬼太陰犯南斗劉國傑敗

宋隆濟于墨特川擒斬之甲申熒惑犯太微垣右執法丁亥歲星

犯輿鬼五月巳丑開上都大都酒禁壬辰辰星犯東井濬上都灤

河甲寅禁諸王駙馬毋輒杖州縣官吏縱獵擾民山東隕霜殺麥

閏月戊午朔日食壬戌禁犯曲阜林廟戊辰太陰犯心丞相完澤卒六月己丑發蒙古軍萬人分鎮瓜沙三州隘口仍立屯田以供軍癸卯詔凡軍官子弟年及二十者與民官子孫同保直一年方許襲職萬戶于樞密院千戶于行省百戶于本萬戶乙巳罷四川宣慰司復立行省修甘肅阿合潭曲允濠俾通漕運秋七月壬戌禁僧人以修建寺宇為名賫諸王令旨乘傳擾驛丙寅命哈刺哈孫為右丞相阿忽台為左丞相戊寅歲星犯軒轅己卯太陰犯井詔朝臣三品以下年七十者各升散官一等致仕乙酉熒惑犯房八月辛卯夜地震平陽太原尤甚村堡移徙地裂成渠人民壓死者眾摧圮宮觀千四百餘區遣使分道賑濟癸巳太白犯氏甲午熒惑犯東咸太陰犯牽牛乙巳歲星犯軒轅辛亥熒惑犯天江九月丙寅太白晝見以太原平陽地震禁諸王所部擾民仍減歲餉

馬之半辛未熒惑犯南斗罷僧官有妻者甲戌太陰犯東井乙亥

太白犯南斗都城火命樞密院增巡防兵壬午辰星犯氏冬十月

丁亥太白經天戊子以江浙年穀不登減海運四十萬石癸巳以

行省官久任多與所隸編氓聯姻害政詔百遷之命只爾合忽知

樞密院事給大都文宣王廟洒掃戶五乙未發雲南叛寇餘黨來

京師庚子改平灤為永平路升普定府為路以故知府容直妻適

姑為總管滇志云容直効順賊永平而沒其妻能宣力戎行故有是命辛丑太陰犯東井庚戌翰林國史

院進太祖太宗定宗睿宗憲宗五朝實錄辛亥增蒙古國子生百

員十一月甲寅朔改順元路隸湖廣升全寧府為路己未太白經

天辛酉雨木冰丙寅填星犯進賢戊辰太陰犯井己卯犯東咸十

二月甲申朔加封真武為元聖仁威元天上帝乙酉許貧民釀酒

丙戌太白經天熒惑犯壘壁陣詔蒙古軍居山東河南者免遠戍

甘肅丙申太陰犯東井辛丑犯明堂丁未犯天江庚戌彗星見約盈尺在室十一度入紫微垣奉使宣撫奏罷七道賊汚官吏一萬八千四百七十三人審冤獄五千一百七十六事贓罰鈔四萬五千八百六十五錠

八年甲辰春正月己未以災異故詔天下曰去歲地震平陽太原為甚一切差發稅糧白大德八年為始與免三年隆興延安上都大同懷孟衛輝彰德真定河南安西等路被災人戶與免二年大都保定河間等路亦免一年江南佃戶承種田土者私租太重以致小民困窮今普減十分之二著為例至國家財物自有常制比者諸人妄獻田土戶計山場審治增添課程無非微名貪利生事害民嗣後悉皆禁治其軍站民匠各戶往往托名僧道影蔽差徭自今有願出家者必本戶丁多差役不闕及有昆仲侍養父母許

赴原籍官司陳告勘實方准剃度違者斷罪歸俗見典章乙丑復置

遂平新蔡真陽太和沈丘潁上柘城城父邾舞陽十縣丙寅以塔

思不花為中書右丞趙仁榮叅知政事辛巳禁諸王駙馬往遼東

捕海東鶻者毋給驛癸未增築河防自滎澤至睢州凡十有八所

是月平陽地再震已修民居復壞二月丙戌增廣國子生二百員

選宿衛大臣子孫充之降莊浪路為州省隴干縣入德順州甲午

詔父子兄弟有才者許並居風憲丙申分軍屯田于薛出合出谷

甲辰世祖實錄成進金書節文一冊三月乙丑彗星始滅凡見七

十四日戊辰詔諸王駙馬分地所置達魯花赤惟用蒙古人三年

依例遷代軍官擅離所部者悉遣還翼軍人不告所部私歸者杖

之軍民逃奴有獲者即付其主誘匿者論罪仍追逃奴鈔充獲者

賞夏四月丙戌詔諸路畏吾兒合迷里自相訟者歸都護府與民

交訟者聽有司專決丁未分教國子生于上都五月癸未應作朔

日食辛酉濬吳江松江海口役租戶萬五千人免其租人十五石

設行都水監董其程復良田百餘里汝寧妖人李曹廬妄言得天

書惑眾伏誅秋九月庚申復伯顏梁德珪八都馬辛迷而火者等

官御史杜肯構中丞何通上章諫不報以阿里為中書平章政事

張祐脫歡並參知政事癸酉諸王察八兒篤哇遣使來附賜幣六

百匹潮州颶風起海溢民溺死者眾改封皇姪海山為懷寧王冬

十一月壬子詔內郡江南人凡為盜黥三次者謫戍遼陽諸色及

高麗人三次免黥謫戍湖廣盜禁藥馬者初犯謫戍再犯者死丁

卯復免天下僧道租戊辰以鐵古迭兒為御史大夫壬申增海漕

米為百七十萬石十二月庚子復立益都淘金總管府辛丑封諸

王出伯為威武西寧王通考云是年冬始定國子生蒙古色目漢人三歲各貢一人

九年乙巳春正月丁巳太陰犯天關甲子犯明堂己巳犯東咸定

考試教官法初充學錄教諭試詞賦二韻小賦并二韻經義論論

孟義明經解題各一道學正升教授試詞賦全賦一道經義各從

所業大義一道明經解題二道見典二月丁酉封諸王完澤為衛

安王藥木忽兒為威定王庚子議行郊祀禮元初代有拜天之禮皆狗用國俗郊祀未嘗舉行至是哈刺哈

孫言祭天九國之大事宜如宗廟社稷歲時遣官攝行廷議謂周禮冬至圜丘禮天夏至方澤禮地西漢元始間始合祭天地歷東漢至宋分祭合祭之說訖無定見今當循三代之典祀天南郊其方澤之禮當俟再議按周禮壇墼三成近增至四成宜去其一以合陽奇之數每成高八尺一寸以合乾之九九壇設丙巳地以就陽位其器用陶匏席用蓐藎漢唐而後多陳玉帛宜取古今制損益辛丑令御史臺翰林集賢院六部于五品以上各舉廉能識

治體者三人行省行臺宣慰廉訪司各舉五人通考云詔求山林間有德行文學識治道者免

大都上都龍興差稅內郡包銀俸鈔一年建大天壽萬寧寺詔致

仕官止一子應承蔭者並免僦直家貧者給半俸終身三月丁未

朔諭仲春已後農民力作其敕有司慎毋生事煩擾或有小罪即

與疎決勿禁繫以妨農時見典甲寅熒惑犯氏戊午歲星犯左執法以高興平章政事仍樞密副使夏四月庚辰太陰犯井乙酉大同路地震壞官民廬舍五千餘間壓死二千餘人懷仁縣地裂二所湧水盡黑漂出松栢朽木遣使賑之己丑東川路蠻官阿葵來獻方物壬辰太白犯井五月丁未大都旱遣使持香禱雨戊申徵原任陝西儒學提舉蕭與赴闕命有司給以安車戊午立衍慶司癸亥歲星掩左執法以地震改平陽為晉寧太原為冀寧並蠲今年商稅省鬱林縣入貴州六月丙子朔立皇子德壽為皇太子詔赦天下賜高年帛親年七十別無以次侍丁者許就近遷除外任官五品以下並減一資致仕官褒加一秩諸罪囚淹繫疑不能決者釋之流竄遠方之人量移內地甲午潼川江溢漂民居溺死者眾秋七月乙巳朔升太府監為太府院丙午熒惑犯氏辛亥築郊壇于麗正文明門之南丙位設郊祀署令丞太祝奉禮協律等官癸丑以黑水新城為靖安路甲寅太白經天壬戌命故皇兄荅刺麻八刺妃宏吉刺氏及兄子愛育黎拔力八達即仁宗出居懷州丁卯熒惑犯房復以段貞八都馬辛並平章政事合刺蠻子為右丞迷而火者為左丞也先伯參知政事沔陽玉沙江陳州西華河皆溢八月辛巳太陰犯東咸汰字可孫冗員掌治芻粟者增曲阜陵廟洒掃戶以尚珍署田五十頃供歲祀乙未熒惑犯天江九月丁巳熒惑犯斗冬十月丙戌太白經天復芍陂洪澤屯田及兩淮官地為豪右占據者悉令輸租己丑命兩廣以南軍與土人同戍是月帝不豫中宮秉政十一月丁未發鈔萬錠于雲南令與貝通考參用其貝非出本土者同偽鈔論通考云按雲南賦以一為庄四庄為手四手為苗四苗為橐庚戌歲星太白填

皇聚于亢癸丑歲星犯亢丙寅歲星晝見庚午祀昊天上帝于南

郊牲用馬一蒼犢一羊豕鹿各九其文舞曰崇德武舞曰定功考通

云新建郊壇其迎送神曰天成之曲初獻奠玉幣曰欽成之曲酌獻曰明成之曲登降曰隆成之曲亞終酌獻曰和成之曲奉饌徹豆曰寧成之曲以哈刺哈孫阿

忽台鐵古迭兒為三獻官省祖宗配位壬申太白經天十二月丙

子太白犯西咸地震庚寅熒惑犯壘壁陣皇太子德壽薨己亥辰

星犯建星是歲河間益都般陽諸屬隕霜殺桑二百四十餘萬本

十年丙午春正月壬寅朔高麗王王昫遣使來朝自世祖末年高麗朝正使不時至是適會焉

甲辰訪莊聖順聖裕聖三皇后儀範以備紀錄庚戌濬真揚等州

漕河令鹽商每引輸鈔二貫為傭工費丁巳太白犯建星戊午罷

江南白雲宗都僧錄司汰其民歸州縣僧歸各寺田悉輸租時有白

攝所統江南為僧之有髮者壬戌發河南民十萬築河防禁近侍毋輒驛召外郡官

丁卯營國子學于文宣王廟西閏月癸酉太白犯牽牛己丑犯壘

壁陣甲午以鐵哥閣里阿散並平章政事張闔杜思敬月吉不花

並為中書左丞劉源參知政事二月丙辰封孛羅為鎮寧王戊午

太陰犯氏三月戊寅歲星犯亢崆古王遣使來貢夏四月庚子朔

詔凡匿鷹犬者沒家貲之半來獻者給以賞辛酉填星犯亢壬戌

曲靖羅雄州渠長阿邦龍少結諸蠻為寇平章也速帶兒捕斬之

甲子倭商有慶等抵慶元貿易以金鎧甲為獻五月詔江南平定

之後悉為吾民比聞營利之徒以人為市因而強畧良人及借乞

養過房名色公然販鬻奸偽非一朕甚憫之自後南北往來販人

客旅並行禁止經過關津盤詰得實強畧者以強盜例科斷和誘

者次之至軍中所得子女出征軍官同管民官從實分揀如係良

民速令完聚果係賊屬聽本管萬戶千戶出與印照如敢擅掠平

民律同強盜其有欲將驅口轉行貨賣者須赴所在官司給到公

據違者俱各斷罪見典癸未定西番僧往還者給以舟軍毋令馳

二

驛乙酉以塔魯忽台塔刺海並知樞密院事六月癸丑太陰犯羅

堰上星己未歲星犯亢壬戌復立淮西道廉訪司秋七月庚辰太

陰犯牽牛辛巳釋諸路罪囚常赦所不原者不與八月壬寅歲星

犯氏熒惑犯太微西垣上將開成路地大震壞王宮及官民廬舍

歷死故秦王妃也里完等五千餘人丁巳文宣王廟成行釋奠禮

用太牢登歌樂製法服三襲命翰林院定樂名樂章通考云命江浙行

器以未舊樂工施德仲審較應律運至京師秋八月用于廟祀先聖先翰林撰樂章命樂工習

之降送神曰疑安之曲初獻盥洗升殿降殿望座皆同安之曲奠幣曰明安之曲奉俎自豐安之

曲酌獻曰成安之曲亞終獻曰文安之曲徹九月己巳熒惑犯太微垣右執法壬

豆曰娛安之曲蓋舊曲也第取而詳定之耳午犯左執法冬十月申辰太白犯斗青山叛蠻紅犴獠等來附辛

亥太陰犯畢甲寅犯井十一月辛未歲星犯房壬申太陰犯虛甲

戌熒惑犯亢戊子犯氏辛卯太陰犯熒惑十二月壬寅太白晝見

乙巳歲星犯東咸帝有疾禁天下屠宰四十二日丙辰遣宣政院

使沙的禱于太廟戊午太陰犯氏是歲晉寧冀寧地震不止大同

暴風雨沙道州江溢山裂平江海嘯壞民居出鈔萬三千六百錠

糧八萬七千餘石賑之

十一年丁未春正月丙辰應作寅朔帝大漸免朝賀癸酉崩于玉德

殿年四十二乙亥葬起輦谷是年九月乙丑加上尊諡曰欽明廣

孝皇帝廟號成宗國語曰完澤篤皇帝

冊曰蒙業以治垂拱用成中年奮武啟釁南征末嬰寢疾盡

柄迺萌賴斯賢輔鎮側弭傾

元史類編卷之四終

元史類編卷之五

天王三

仁和邵遠平戒山學南沙席世臣鄧客氏校刊

武宗皇帝諱海山世祖皇太子真金第二子答剌麻八剌之長子
 成宗兄子也母宏吉刺氏答剌麻八剌子二長即帝次愛育黎拔
 力八達即仁宗帝以至元十八年七月十九日生成宗大德三年
 以寧遠王濶濶出總兵北邊怠於備禦命帝即軍中代之四年八
 月與叛王海都戰敗之于濶別列之地五年八月又與戰于迭怯
 里古及合刺合塔之野師失利帝親出督戰大破之援諸王駙馬
 軍以出明日復戰陣少卻海都乘之帝揮戈力戰突出敵陣後海
 都不得志旋走死八年十月封帝懷寧王賜金印置王傅官割瑞
 州六萬五千戶為食邑歲給五戶絲直鈔二千六百錠幣帛各千

匹十年七月自脫忽思圈之地踰按台山追叛王幹羅思獲其妻
孛輜重執叛王也孫禿阿及駙馬伯顏等軍于也里的失之地受
諸王禿滿明里帖木兒阿魯灰等降海都子察八兒逃于篤哇部
盡俘獲其家屬營帳冬駐按台山降王禿曲滅復叛與戰敗之北
邊悉平成宗晚年立子德壽爲皇太子皇后伯岳吾氏一作伯岳真氏忌帝
兄弟乃出帝母弟愛育黎拔力八達與帝母元妃宏吉刺氏居懷
州無何德壽卒成宗寢疾無子后恐帝立修前怨召安西王阿難
答及諸王明里帖木兒入朝陰屬意安西十一年正月成宗崩丞
相阿忽台平章賽典赤八都馬辛伯顏與明里帖木兒謀奉后垂
簾聽政援立安西王潛遣師斷帝歸路母令入時帝居北邊適遣
康里脫脫入京計事丞相哈刺哈孫急令還報且恐帝遠內難將
作先遣使迎愛育黎拔力八達于懷州暫監國至則定計誅阿忽

台八都馬辛賽典赤伯顏等并執阿難答明里帖木兒歸上都遣
使迎帝三月帝自按台山至和林諸王勲戚畢會皆曰今阿難答
等煽惑中宮陰蓄異志恐變生不測乃合辭勸進帝謝曰吾母吾
弟在大都俟宗親畢會再議會帝母元妃惑于日者言欲帝讓位
于其弟帝聞之謂康里脫脫曰我捍禦邊陲勤勞者十年且倫序
居長術數之言茫然難信設我所爲上合天心下副民望則雖一
日之短亦足垂名萬年何可以陰陽家言而遽乖祖宗之法哉此
殆用事之臣擅權專殺懼罪故爲是奸謀動搖大本耳汝疾往察
事機歸報我于是親帥大軍由西道諸王按灰由中道床兀兒由
東道各以勁旅萬人從脫脫馳至大都入道帝言帝母愕然曰修
短之說出自術家今宗王大臣議已定太子不速來何爲復遣脫
脫往促帝行至旺兀察都之地帝輿中望見之趨使同載脫脫具

白母妃言且道安西謀變太弟監國始末帝大感悟五月乙丑至上都愛育黎拔力八達侍母元妃來會左右部諸王畢至乃廢成后出居東安州尋與阿難答明里帖木兒並賜死甲申帝卽位于上都詔曰昔我太祖以武功定天下世祖以文德洽海內列聖相承丕衍無疆之祚朕自先朝肅將天威撫軍朔方殆將十載親御甲冑力戰却敵者屢矣方諸藩內附邊事以寧遽聞宮車晏駕廼有宗室諸王貴戚元勳相與定策於和林咸以朕爲世祖曾孫之嫡裕宗正派之傳以功以賢宜膺大寶朕謙讓未遑至于再三間者姦臣乘隙謀爲不軌賴祖宗之靈母弟愛育黎拔力八達稟命太后恭行天罰內難旣平神器不可久虛宗祧不可乏祀合辭勸進誠意益堅朕勉徇輿情於五月日卽皇帝位任大守重若涉淵冰屬嗣服之云初其與民以更始可大赦天下免上都大都龍興

差稅三年江南諸路民糧十分免三雲南八番諸甸差發全免各軍站工匠鹽場鐵冶等戶合納稅糧槩免三分被災山場湖泊課程權且停罷鐵冶許諸人煽辦蠲積逋恤鰥寡免儒戶差役命中書省續議舉貢法是日追尊考曰皇帝尊母元妃爲皇太后壬辰加知樞密院事朶兒朶海太傅右丞相哈刺哈孫太保並錄軍國重事命塔刺海爲左丞相阿沙不花明里不花並平章政事劉正爲左丞遙授欽察也先帖木兒並參知政事以塔思不花爲御史大夫牀兀兒知樞密院事特授乞台普濟平章政事抄兒赤塔海並右丞阿里左丞康里脫脫御史大夫六月癸巳朔立母弟愛育黎拔力八達爲皇太子冊曰祖宗聖緒恭承丕顯之謨兄弟懿親宜正元良之號立天下之大本示天下以至公咨爾母弟愛育黎拔力八達德器淵深英姿玉粹武奮清宮之偉績文參定策之殊

勲豈特華萼交輝之情式相好矣其在鳧鷖守成之治須汝贊之
 故於連枝同氣之間付以監國撫軍之任茲上承於母意蓋允出
 於朕心特立爾為皇太子授以玉冊金寶維寵命之薦膺尚謙恭
 而自牧益盡寧親之孝惟勤事上之忠以敦九族內睦之風以衍
 億祀無疆之慶明日以建儲詔天下曰朕承列聖之貽謀協宗王
 之翊戴必謹親賢之托共成繼述之功母弟愛育黎拔力八達性
 稟溫文行全孝敬夙著忠勤之節素明治理之方載惟靖亂之殊
 勲式副元良之渥命乃遵裕皇居東宮舊制於六月朔旦授以皇
 太子金寶俾領中書之務仍兼宥密之司匪特敦兄弟友愛之情
 實以衍宗社隆昌之祚咨爾多方體朕至意俱見典章甲午建行宮于
 旺兀察都立宮闕為中都丁酉詔諸王朝會賜與悉如大德所增
 之數己亥以都指揮使馬謀沙角猷屢勝遙授平章政事癸卯復

置詹事院及皇太子家令府正延慶三司典寶典膳二署甲辰以
 慙刺合兒鐵木兒不花並知樞密院事丙午太陰犯南斗杓星戊
 申特授李蘭奚床兀兒並平章政事怯里木丁為中書右丞丙辰
 敕銓調軍官聽樞密院公議餘人勿得冒請軍官父子兄弟許其
 相襲革外任官所帶相銜己未改封寧遠王濶濶出為寧王秋七
 月癸亥朔封諸王禿剌為越王甲子遣大臣以即位告謝南郊及
 太廟社稷此即位告謝之始通考云遣御史大夫即南郊告謝天地主用栢
 素質黑書又命大樂署編運皇地祇酌獻曲及舞節翰林撰樂章丙寅以阿
 保功授明里大司徒封其妻梅仙順國夫人遣使詣西域取佛鉢
 舍利令天下僧誦藏經為三宮祈福己巳太陰犯亢置宮師府設
 太子師傅保賓客諭德贊善庶子洗馬率更令丞司經令丞中允
 文學校書正字等官癸酉罷和林宣慰司仍置行省左遷哈刺哈
 孫為和林左丞相命月赤察兒為和林右丞相進爵淇陽王丁丑

封諸王八不沙為齊王朶列納為濟王迭里哥兒不花為北寧王加平章政事脫虎脫太尉命塔刺海為右丞相塔思不花為左丞相教化法忽魯丁別不花並平章中書省事庚辰以只兒合郎為御史大夫辛巳加封孔子尊號制曰先孔子而聖者非孔子無以明後孔子而聖者非孔子無以法所謂儀範百王師表萬世者也朕纂承丕緒敬仰休風循往古之良規舉追封之盛典加號大成至聖文宣王遣使闕里祀以太牢於戲父子之親君臣之義永惟聖教之尊天地之大日月之明奚磬名言之妙尚資神化助我皇元見典敕中書省庶政非公議者勿奏壬午熒惑犯南斗給和林省鈔二千錠歲收息以充公用仍以網罟賜貧民以郝天挺孛羅答失並為中書左丞敕樞密院御史臺宣政院許得自選官他司悉從中書銓注近臣不得輒奏富家願出粟賑貸者授以官庚寅

置延福司八月甲午停內降旨授官乙未以烏伯都刺參知政事

甲辰出納蘭不刺所儲糧萬石賑旁近民已酉增置詹事院參議

斷事官辛亥中書右丞孛羅鐵木兒以國字譯孝經進帝曰此孔

子之微言自王公達庶民皆當由是而行其命中書省刻板摹印

諸王以下皆賜冀寧路地震九月甲子帝至大都名臣奏議云武宗初即位上都即巡狩三不刺

之地翰林學士王文用奏曰先帝新棄天下陛下巡狩不以時無以慰民望宜早還京師且臣聞人君猶北辰然居其所而眾星拱之不在勤遠畧也帝悟即日還大都壬申上

皇考尊諡冊曰顯親所以為子追遠所以厚民矧必百世祀而位

弗隆為天子父而養弗逮是宜稱秩以達純誠欽惟皇考淵穆有

容神明莫測文孫文子鍾至愛于兩宮宜君宜王膺具瞻于四海

當璧之祥未卜棄蹤之跡已遙興言欲報之恩昊天罔極對越有

成之命夙夜惟寅昭哉元德之升聖矣生知之異衍莫衍于昌後

嗣而有天下孝莫孝于配前烈而茂本支念茲繼體之初益切中

心之慕謹奉玉冊玉寶上尊諡曰昭聖衍孝皇帝廟號順宗伏惟
明明降鑒序于祖宗攸躋攸寧永錫昌祚見元文類
程鉅夫撰上大行皇帝尊

諡冊曰臣聞稱天以誅表名實之至公法日而名庶形容之可擬
維帝王之有諡蓋今古之彝章欽惟大行皇帝稟上聖之資撫重

熙之運當裕考龍升之後承世皇燕翼之謀武威肅鎮于遐荒文
德誕敷于華夏業業謹盈成之戒愉愉盡孝敬之誠罷勤遠之兵

邊釁弭而苗頑格遣直指之使皇澤宣而民瘼除九族行敦睦之
風萬國洽隆平之治爰酌奉常之典用昭告祔之文謹奉玉冊玉

寶上尊諡曰欽文廣孝皇帝廟號成宗伏惟睿靈在天孚鑿逮下
茂膺典冊錫羨邦家見元文類
張士觀撰又上成宗后失憐答里宏吉烈氏尊

諡附成宗室定祔廟之次太祖室居中睿宗西第一室世祖西第
一室裕宗西第三室順宗東第一室成宗東第二室時哈剌哈孫言順
宗為成宗同母兄

其神土宜見先
弟後帝從其議

癸酉太白犯右執法甲戌改太常寺為太常禮儀院上

乘寺為衛尉院置皇子位典牧監典幄署典樂司丙子奪諸王公
王駙馬及諸人賜田還官并停一切賜予丁丑定省臣官數依舊

制為十二員右丞相塔剌海左丞相塔思不花平章牀兀兒乞台
普濟如故以阿沙不花塔失海牙平章政事孛羅答失劉正為右

丞郝天挺也先鐵木兒為左丞于璋烏伯都刺參知政事其班朝
諸司冗員並從察汰乙卯太白犯左執法甲申議立尚書省分理

財用命脫虎脫教化法忽魯丁任省事俾自舉官屬臺臣言至元
中阿合馬桑哥相繼立尚書省事敗併入中書頃為綜理財用又

復立之勢必增置有司濫設官吏無益帝曰卿言良是但此三臣
者願任其事姑聽其行典章云江浙飢禁
荆湘淮右母遺糴冬十月乙未升典寶署為監

典瑞利用二監為院乙巳太白犯亢甲寅太陰犯明堂丙辰以買

奴知樞密院事敕行省平章總督軍馬得佩虎符其左丞等所佩者悉追納十一月癸亥封諸王牙忽都為楚王丙寅帝朝皇太后

于隆福宮上玉冊玉寶丁卯太白犯房乙亥禁軍站鷹坊控鶴等

戶毋冒占氓田荷免徭役丙子太陰犯東斗乙酉犯亢庚寅賜太

師月赤察兒江南田時賜田悉奪還官帝以月赤察兒積有勲勞非餘人比故加特賜詔皇太后軍民人匠

等戶賦役並隸徽政院辛卯辰星犯歲星十二月壬辰朔敕金虎

符及金銀符非由中書省勿給舊制金銀符典瑞院掌之中書省給之事畢則仍歸典瑞院後出入多不由中書下至商人結托近

待奏請濫給以致有出無歸自後除官及奉使應給者必由中書命留守司以來歲正月十五日起燈山于

大明殿後延春閣前丁巳以歲歉命宣政院省佛事罷工役庚申

以改元赦天下詔曰仰惟祖宗應天撫運肇啟疆宇華夏一統罔

不率從逮朕嗣服丕圖繼膺景命遵承詒訓恪守洪規永思創業

之艱未知攸濟重念萬幾之統在予一人故自即位以來溥從寬

大量能授官俾勤乃職夙夜以永康兆民為急務間者歲比不登

流民未復官吏並緣侵漁上下有乖和氣是以責任股肱耳目大

臣思所以盡瘁贊勳嘉猷朝夕入告朕命惟允庶事克諧樂與率

士之民共享治安之效邇寧遠肅顧不遑與可改大德十二年為

至大元年誕布惟新之令式孚永固之休於戲建元立極既正始

於王春經世裕民尚仰承於台輔庶幾中外同底和平是歲江浙

饑民艱漕粟令湖廣江西各輸五十萬石並由海道達京師杭州

一郡歲釀酒糜米麥二十八萬石至是有禁

至大元年戊申春正月辛酉朔曲赦御史臺見繫犯賊官吏止徵

贓罷職癸亥發六衛軍萬八千五百人供旺忽察都建宮工役甲

子授阿沙不花右丞相行御史大夫事丙寅罷行都水監辛未帝

欲以中衛親軍隸皇太子辭曰世祖立五衛以應五方去一不可

乃摘各翼漢軍萬人別立一衛爲東宮衛兵立衛率府甲戌禁進海東青鶻者托言驛騎不敷擅括民馬戊子改徽政院人匠總管府爲繕珍司升中尚監爲院尚舍監爲寺己丑幽王出伯進玉六百餘勛賜金銀鈔厚答之罷河西采玉夫遣使巡行諸道共議弭盜方畧或匿盜不聞或期會不至或踰期不獲者官吏連坐二月癸巳改鷹坊爲仁虞院以右丞相脫脫等爲院使丙申立尚服院設尚冠尚衣尚輦尚沐尚輦尚飾六奉御隸之更立甄用監隸徽政院驥用資武二庫隸府正司壬寅改詹事院使爲詹事副詹事爲少詹事院判爲詹事丞三月乙丑太陰犯井以和林北來貧民八十六萬八千戶仰食于官非久計分賑鈔二百萬錠罷其廩給就令屯田丁卯爲皇太后建興聖宮復立白雲宗攝所戊寅以脫脫木兒平章政事己卯命翰林國史院纂修順宗成宗實錄封阿

沙不花康國公三寶奴渤國公教化魏國公曲出應國公加鐵木迭兒也兒吉尼並右丞相遣米楫等使蘇魯國夏五月丙寅降英德路爲州丙子禁白蓮社毀其祠還其人隸民籍甲申立大同廣武康里三侍衛親軍都指揮司六月己丑加三寶奴錄軍國重事曲出太子太保脫脫太尉大慈都平章軍國重事丁酉隴西寧遠縣地震烏撒烏蒙三日之中地大震者六封藥木忽兒爲定王乃蠻帶爲壽王加宦者李邦寧大司徒遙授左丞相仍領太醫院事秋七月庚申有流星起自勾陳南行圓若車輪微有銳經貫索而滅敕以金銀歲入數少自今毋問何人以金銀奏請及託人轉奏者皆抵罪壬戌禁鷹房于大同龍興諸地縱獵擾民築呼鷹臺於

朔州澤中

鴻雪錄云南海子本元之飛放泊元制大都八百里以內東至灤州南至河間西至中山北至宣德府捕兔有禁以天鵝鳩鴉仙鶴鴉鴉私賣者卽以其家婦子給

捕獲之人有于禁地圍獵爲奴婢首出者斷奴婢爲良民收住鷹鷂向就近官司送納喂以新羊肉無則易以鷄自正月一日至七月二十日禁不打捕者爲令 旺忽察都

行宮成立中都留守虎賁二司辛未立御香局建香殿壬申太白
犯左執法癸未樞密院言世祖時設院官六員成宗時增至十三
員今署事多至三十二員非制敕罷塔思帶等十一人乙酉以參
虎人徹兒怯思爲監察御史八月以命相詔天下曰中書政本也
軍國之務小大由之朕自卽位以來厲精求治爰立輔相以總中
書期年于茲大効未著豈選用之未當與何萬幾之猶繁而羣生
之寡遂也今特命左丞相塔思不花爲中書右丞相太保乞台普
濟爲中書左丞相統百官平庶政便者舉行弊者革去一新條理
大小機務並聽中書省區處諸王貴戚不得阻撓近侍官屬及內
外諸司事不由中書議者毋隔越聞奏外任官非奉朝命毋擅離
職赴都營求私事各省水旱饑荒已嘗遣使分賑其至大元年差
發夏稅並行蠲免大江以北百姓供億繁勞包銀俸鈔輸納實爲

偏重自大德十一年爲始悉予除豁諸站赤消乏逃亡者應速命
補管站頭且有私自典買站戶親屬男女者勒令完聚償不追償
見典戊申立中都萬億庫置寧夏河渠司九月丙辰中書省言夏
秋之間鞏昌地震歸德暴風泰安濟寧真定大水江浙饑疫癘大
作臣等不才願退位以避賢路帝曰舊害事有由來非爾所致爾
等但當慎其所行壬戌泉州大賈進沉檀異木可構宮室者敕江
浙省驛致京庚辰諸王禿滿進所藏太宗玉璽進封陽翟王癸未
太陰犯熒惑遣使諭薛迷思干部冬十月癸巳蒲縣陵縣地震甲
午以阿沙不花知樞密院事罷大都權酷辛丑太白犯南斗癸卯
發湖廣米十萬石貯揚州江西海漕米五萬石貯朱汪利津三倉
濟山東饑甲辰加鐵木兒不花錄軍國重事禿忽魯也速脫孛花
並知樞密院事以西僧敎瓦班爲翰林承旨改護國仁王寺昭應

規運總管府為會福院十一月庚申太白晝見增官吏俸以至元
 鈔給之停其祿米歲省米四十萬石吏員以九十月出身如舊制
 詔免被災田租凡佃戶止輸田主十分之四丁卯中書省言銓選
 錢穀他司乞毋干預帝曰已降制書令諸人勿干中書之政他日
 或有乘朕遺忘持內降文記及傳旨至中書者其執之以來朕將
 加罪已巳命脫脫為左丞相也兒吉尼為御史大夫大慈都為太
 子詹事以國用不給汰宣徽太府利用等院遣使覈天下屯田凡
 一百二十餘所令同行省宣慰官親履其地具籍以聞癸未皇太
 后造寺五臺山摘軍六千五百人供役閏月丙申罷江南進沙糖
 遼陽進雕豹止富民輸粟授官例乙巳詔虎符國之信器驛券使
 臣所需凡西域賈人名求珍異請給者槩行追收丁未罷順德廣
 平鐵冶提舉司立汴梁之項城中都之開寧縣救河西僧戶準先

朝定制從軍輸稅一與民同甲寅故丞相哈剌哈孫卒典章云救民間厚葬有用金銀

賈玉器玩者以不孝治罪十二月庚申封和郎撒為隴王降龍興為源州升蔚州

為蔚昌府省河東宣慰司以大同路隸中都留守司冀寧晉寧二
 路直隸中書省甲戌賜御史臺及監察御史宴服命有司贖饑民

所鬻子女召吳澄為國子監丞是歲月赤察兒進攻叛王子察八

兒諸部相率來降漠北平江浙饑賑米五十三萬五千石鈔十五

萬四千錠麵四萬筋又流民百三十三萬九百五十戶賑米五十

三萬六千石鈔十九萬七千錠鹽折直為引五千令行省行臺遣

官臨視益都水民饑采草根以食免今歲差徭仍以本路稅課及

發朱江利津兩倉粟賑之

二年己酉春正月辛卯皇太子諸王百官上帝尊號冊曰昔我世

祖既平炎趙質之於書幅員廣長振古無倫覆燾之下八紘萬國

莫敢不庭何獨一王西北岸然憑道阻修方命正朔德綏之而不
摯威董之而不讐夫豈不能聲罪致罰深入其地終以聖人親其
宗親包荒有年成宗繼序憤久驚頑天鑒昭明於裕皇孫獨異陛
下授以信寶撫軍漠北是固以張足付神器之本時未及冠乘命
卽行其視萬里莽闐寒冽之鄉不遠不難如堂適庭至則獎厲諸
軍修明法紀簡拔果毅均苦分勞解衣煖寒推食飫饑洗沔沔
士氣日作睿算伐謀待寇歲至奪人以先身踐戎行霆馳電擊大
北其羣虛已不矜日慎一日始終十年不狃屢勝狂狡不懲悉銳
來加當以選鋒用間出奇盡襲輜重彷徨無歸度不能軍耄倪纍
纍降口百萬致茲救寧平四十年未靖之梗成兩祖宗未究之志
天下之人聞其風聲思覩天光者顛顛翹翹九圍一心握是乾符
歸正宸極弛武事之夙習洽新化以文治立愛自親曾未旬浹上

尊太后問安以時下建儲宮庶政是先又舉列聖未遑之典欽崇
元祀玉瓚黃流薦禩太室還蹕龍輿徘徊太祖龍旂九旒勸金于
斯肇基帝業爲城中都又以孔子垂範百王將二千年而顯諡未
稱加大成於至聖文宣王上立勞於軍與凡庭臣悉大賚之間歲
不登旣賑旣恤虞施未博民罹罪罟再肆大宥至德難名赫赫巍
巍惟天爲大掛一漏萬井觀如斯求可盡臣下歸美報上者惟是
徽稱謹奉玉冊玉寶上尊號曰統天繼聖欽文英武大章孝皇帝
欽惟陛下立心天地立極生民茂對鴻名于億萬年見牧菴文集乙未越
王禿剌有罪賜死乙巳追奪自大德六年至至大元年内降璽書
不由中書直下翰林院頒給有干田土戶口銓選獄訟害民妨政
者凡六千三百餘道二月大赦詔曰朕荷三靈之隆眷承列聖之
丕基永言置器之難恒切履冰之慎迺者皇太子率中外臣庶僉

謂撫軍十載遐裔悉平當宁九重成規具舉若稽舊典合進徽稱
 豈朕躬所克當惟祖武之顯式已于正月七日御大明殿受尊號
 越五日躬詣太室恭謝訖爰念卽位以來恒以賑災恤民為務而
 恩澤猶未溥博流離猶未安集豈有司奉之不至與今特命中書
 省遴選內外官僚專以撫治為事簡汰沉員擢節浮費一新政理
 斯稱朕意於戲薦鴻名而嚴寶冊既俯徇於輿情肆大賚以濟黎
 元其博加於實惠尚賴宗親近輔羣辟庶司勉効忠勤同躋康又
 諭大司農司總挈天下農政設學校以養人材積義糧以備凶歲
 滋養栽植興舉水利賞勤罰惰期于敦本抑末管民官依時勸課
 廉訪使年終考其殿最類申大司農司以定黜陟務崇實效毋事
 虛文俱見典章癸亥罷行泉府院以市舶歸行省己巳太陰犯亢辛未
 犯氏壬申定各衛董屯田官三年一易三月己丑封諸王也不干

為襄寧王辛卯罷杭州白雲宗攝所立湖廣頭陀禪錄司以和林
 屯糧去秋收至十萬石賞其官吏軍士有差戊戌太陰犯氏己亥
 熒惑犯歲星夏四月辛酉立興聖宮江淮財賦總管府癸亥摘漢
 軍五千給田十萬頃於直沽沿海屯種立鎮守海口屯儲親軍都
 指揮司壬午創中都皇城角樓五月丁酉以陰陽家言權停各寺
 及亭苑鷹坊工役甲辰敕自今乘輿北幸以丞相一人留守京師
 著為令六月癸亥遣官督捕蝗典章云蝗不食豆苗勸民多種豌豆或取臙
 雪煮馬骨放水冷浴諸種子生苗蝗亦不食禁
 諸賜田者馳驛徵租庚午選大都隸儒籍者四十戶充文廟樂工
 甲戌以宿衛士多漢人南人投充避役濫請衣糧敕遵舊制止存
 蒙古色目之有闕闕者餘並革去乙亥宣政院奏免僧道也里可
 溫答失蠻租稅帝曰田有租商有稅乃祖宗成法一體奏免非制
 依舊徵之秋七月癸未河決歸德封丘壬辰松潘疊宕威茂等處

安撫司管內西番禿魯卜降胡漢民四種雜處遣官往蛇谷隴迷
 招降其八部得萬七千戶改設宣撫司治茂州徙松州軍鎮其地
 乙未復置龍南安遠二縣隸贛州己亥樂實請更鈔法圖新鈔式
 以進且與保八謀立尚書省帝命與乞台普濟塔思不花脫虎脫
 集議保八言政事得失皆前中書省臣所為今欲舉正彼懼有累
 孰願行者若立尚書省必使舊事從中書新政從尚書力薦乞台
 普濟脫虎脫等任其事塔思不花言此大事遠爾更張乞與老臣
 更議帝不從八月癸酉復立尚書省以乞台普濟為右丞相脫虎
 脫為左丞相三寶奴樂實平章政事保八為右丞忙哥鐵木兒為
 左丞王巖郝彬參知政事立皇太子右衛率府志作延祐年間事今依本紀載此詔修
 甘肅城城中多積金粟以給諸王軍馬復立瓜沙州屯田己卯三
 寶奴言中書省尚有逋欠錢糧應追理者宜存斷事官十人餘皆

併入尚書省至尚書省既立更新庶政用官六十四員其中有品
 秩未相當或從未歷仕者乞弗拘例帝皆從之且救天下敢有阻
 撓尚書省事者罪勿追九月庚辰朔頒尚書省條畫於天下曰三
 載考績三考黜陟幽明此古者責成悠久之道今路州司縣親民
 正官定以九年為滿歲考治功以示黜陟有撫字盡心百姓安阜
 鈔法流通政事卓越者不次旌擢其不盡職而有私犯者懲以重
 罪至風教所行有關人心世道令所表率敦勸以復淳古如有
 子證父奴訐主及妻妾弟姪干名犯義者一切究治其學校之設
 所以明人倫養賢才為政之要莫先于此諸正官當躬親勉勵各
 得其才以備選舉凡在學儒生課講不輟者與免雜泛差役官府
 大小公事已立有限程民間詞訟尤當用心平允比來往往背公
 徇私變亂是非逗遛不決以致民怨莫伸今後各務依理處斷毋

得淹延歲月官僚執見不同者許各出所見申聞上司詳勘違者
監察御史廉訪使糾治見典改各行中書省為行尚書省頒行至
大銀鈔詔曰昔我世祖既登大寶始造中統交鈔以便民用歲久
法墮亦既更張即造至元寶鈔逮今又復二十三年物重鈔輕不
能無弊迺循舊典改造至大銀鈔頒行天下至大銀鈔一兩準至
元鈔五貫白銀一兩黃金一錢隨路立平準行用庫買賣金銀倒
換昏鈔或民間絲綿布帛赴庫回易驗時估給價諸路府州縣設
立常平倉以權物價豐年廣收粟麥米穀值青黃不接之時減價
出糶以遏沸湧金銀私相買賣及海舶興販金銀銅錢綿絲布帛
下海者並禁之中統交鈔詔書到日限一百日內盡數赴庫倒換
茶鹽酒醋商稅諸色課程如收至大銀鈔以一當五頒行至大銀
鈔自一二兩至一釐定為一十三等以便民用元鈔法至是凡三變大抵至元
鈔五倍於中統至大鈔又五倍

於至元未及期年仁宗即位即罷銀鈔而中統至元二鈔終元之世蓋常行焉壬午江南行臺劾平章教化詭言家貧

冒受賜物折鈔二萬錠且其人素無一善可稱命奪魏國公爵癸
未從尚書省言省部諸務皆聽便宜處置大事或須上請得旨即
行累朝格例前後不一吏得輕重任情自太祖以來所頒政令九
十餘條刪除繁冗編為定制癸巳以大都城南建佛寺立行工部
令丞相脫虎脫兼領以冀寧大同保定真定當五臺山建寺所須
直取於民免今年田租已亥罷中統鈔以至大銀鈔為母至元鈔
為子仍撥至元鈔本百萬錠以給國用立資國院于大都泉貨監
于諸省設提舉司十九于產銅之地鑄錢曰至大通寶者每一文
準銀鈔一釐曰大元通寶者每一文準至大錢十文以歷代銅錢
與至大錢相參通用綱目云初行鈔時雖皆以鐵為文而廢錢弗鑄
今始行錢法其當五當三折二並以舊數用之從尚書省言
三宮內降之旨仍舊準行儻於大事有害則令復奏中書政務盡

歸尚書省聽其任人惟宣敕散官仍委中書海外占八國來貢白
 面象伽藍木遣使分往不憐八孫八昔占八諸國甲辰立度支院
 掌芻粟奪江南賜田千二百三十頃得租五十萬石充官用禁貴
 戚家養豹冬十月庚戌朔大赦詔曰朕自臨御以來下詔萬方其
 所以撫安元元者亦已至矣而前歲江浙饑疫今年蝗旱相仍民
 或盡死幸生者流離道路雖嘗遣使分道賑濟恐未能徧夫既罹
 是天刑輕觸憲網者必衆有司槩以重法繩之朕實憫焉其自十
 月日昧爽以前中外罪囚大辟以下已未發覺並從釋免流民轉
 徙無常有司加意存恤遺骸暴露者官為收瘞親民官不得取借
 部下錢債違者計贓論罪見典章命皇太子兼尚書令丙辰從樂實
 言質江南富民子為軍有歲收糧五萬石以上者每石輸二升於
 官半備凶年半養衛士辛酉弛酒禁立酒課提舉司癸亥以布望

牙敦為御史大夫乙丑皇太后有疾釋天下重囚壬申太陰犯左
 執法加知樞密院事丙忽魯左丞相丁丑命阿散為尚書左丞相
 伯都平章政事忽都丁為右丞鐵里脫歡賈鈞並中書叅知政
 事戊寅御史臺言常平倉太以益民然歲比不登立之必反害民
 至大銀鈔初行品目繁碎民猶未曉又兼行銅錢慮有相妨民間
 拘銅器甚急弗便又歲凶乏食不宜遽弛酒禁不報發御史臺贓
 鈔萬錠賑山東饑改昔寶赤八刺合孫總管府為奉時院十一月
 庚辰朔以散朮帶為平章政事商議樞密院事己亥太陰犯右執
 法庚子犯上相發至大鈔二千錠于江浙河南江西湖廣和糴得
 糧百萬石丙午諸王孛蘭奚以私怨殺人當死帝曰國族也杖之
 流北鄙從軍丁未擇衛士子弟充國子學生十二月乙卯帝親製
 太廟加上太祖聖武皇帝尊諡曰法天啟運光獻皇后曰翼聖

作至元二 睿宗景襄皇帝曰仁聖莊聖皇后曰顯懿執事者人升散

階一等賜太廟禮樂戶鈔帛有差通考云始製先農樂章以太常等樂樂祀之武昌婦劉氏訴

三寶奴奪其所進亡宋玉璽夜光珠下省臺雜問得喬瑜証捏狀

帝命斬喬瑜杖劉氏庚申太陰犯參壬戌陽曲縣地震定內外官

三品以上者許請諡若勲威大臣特旨賜諡者不在此例通考云至元初頒農

宗雜令是年准西廉訪苗好謙獻種時之法其說分農民為三等上戶地一十畝中戶地五畝下

三年庚戌春正月癸未汰中書省官吏自客省使而下一百八十

一員聽尚書省遷叙通考作三百員乙酉徵李孟入見謂宰臣曰此皇祖妣

命為朕賓師者特授平章政事同知樞密院事丁亥白虹貫日已

丑以紐隣參議尚書省事辛卯立皇后宏吉刺氏遣脫虎脫攝太

尉持節授玉冊玉寶癸巳立中瑞司掌皇后寶司禮監管巫覡甲

午太陰犯右執法乙未制諸色課程自大德十一年較定舊額新

增總為正額折至元鈔作數以至大三年為始恢辦餘止十分為

率增及三分以上為下酬五分以上為中酬七分以上為上酬九

分者為最不及三分者為殿稅課官萬錠之上設正同副提舉各

一員千錠之上設提領大使副使各二員五百錠以上半之百錠

以上不設提領丙申復立廣平順德路鐵冶都提舉司湖廣乖西

帶蠻阿馬等入寇乙巳省樞密院官存知樞密院七員同知院事

二員副使二員僉事二員同僉院事一員增御史大夫中丞侍御

史治書侍御史各二員省通政院官六員止存十二員二月辛亥

癸惑犯月星己未浚會通河增大都警巡院分治四隅壬戌太陰

犯左執法丁卯從尚書省言以至元鈔輸萬億庫銷毀其板止以

至大鈔與錢相權通行壬申以樂實為尚書左丞相駙馬都尉封

齊國公乙亥太白犯月星三月己卯朔定收支數目各以零就整

候办件 止將有 按字 按字 紀者 候办 舊制 候办 名

至元鈔以釐爲止至大銀鈔以毫爲止斛以合爲止權以分爲止
 度以寸爲止其絲忽微塵抄撮圭粒等數並行削去以省繁文見典
 章庚寅太陰犯氏壬辰立興聖宮章慶司以江浙財賦府及瑞州
 營民司並隸焉丙申太陰犯南斗丁未太白犯井夏四月巳酉四
 川容米洞官田墨糾衆爲亂遣永順安撫使梓材往招之戊辰太
 白晝見改大承華普慶寺總管府爲崇祥監丙子增國子生爲三
 百員封諸王完者爲衛王六月丁未朔以幹赤爲中書左丞忽都
 不丁爲右丞巳酉立上都中都及雲州銀冶提舉司庚戌立規運
 都總管領大崇恩福元寺錢糧乙卯太陰犯氏丁巳諭脫虎脫三
 寶奴總治百司庶務並從尚書省奏行壬申遣使諸道慮囚秋七
 月戊寅太白犯右執法巳卯犯上相封皇伯晉王長女寶答失憐
 爲韓國長公主庚寅給親民長吏考功印歷令監治官歲終驗其

政績書而上之廉訪司御史臺尚書禮部考核以定黜陟巳亥禁
 權要商販挾聖旨懿旨令旨阻礙官河民船八月丁未以忽刺出
 釐日並爲御史大夫甲寅白虹貫日九月巳卯平伐蠻長不老丁
 遣使來降卽其地立安撫司辛巳太陰犯建星辛卯犯天廩壬辰
 司徒劉夔乘驛至江南省親二年不歸詔削籍庚子帝諭尚書省
 曰去歲中書省奏諸司官遵大德十年定制濫者汰之今員冗如
 故有不以聞而徑之任者有不奏而擅令之任者並逮捕之朕不
 輕釋冬十月甲辰朔太白經天丙午太白犯左執法定今歲冬至
 祀圜丘尊太祖配來歲夏至祀方丘尊世祖配朝日夕月于春秋
 二仲舉行其太廟祠祭故用瓦尊者以銀代之戊申帝朝興聖宮
 上皇太后尊號曰儀天興聖慈仁昭懿壽元皇太后癸丑熒惑犯
 亢甲寅諭中外民戶託名諸王妃主規避徭役者俾充驛卒及築

城夫郡縣官失察者罷職丁巳詔減宮人膳尚書省言宣徽院廩
給日增儲待不給帝曰比見後宮飲饌與朕無異有是理耶其使
且徽使覈實減之辛酉以皇太后受尊號赦天下大都上都中都
較他郡供給煩擾與免至大三年秋稅其餘至大二年以前民欠
錢糧悉從蠲免內外不急之役截日停罷民間雜差先儘游食之
徒次從工買末技其力田之家勿奪農時官民田土各有所屬諸
人勿得陳獻民官公罪許罰贖杖徒以下並原宥從三寶奴言省
部官自今晨集暮退怠者不俟奏聞便宜加罪其到任一再月卽
辭病者杖罷不敘發鈔二百錠規運取息以供尚書省膳丁卯封
諸王木八刺子買住韓爲宛王雲南省丞相鐵木迭兒擅離職赴
都有旨詰問以皇太后故貸免令復職以丞相帖古迭兒爲陝西
行臺御史大夫十一月甲戌朔太白犯亢辛巳封三寶奴楚國公

加脫虎脫太師錄軍國重事封義國公壬午改大崇恩福元寺規
運總管府爲隆禧院丁亥太陰犯畢戊子以益都寧海諸處連歲
饑罷鷹坊圍獵容米洞田墨來降授黃沙寨千戶城中都丙申有
事于南郊以太祖皇帝配享昊天上帝五方帝日月星辰從祀

云令大樂署製配位及親祀
曲譜舞節翰林院撰樂章

已亥尚書省以武衛都指揮使鄭阿兒思蘭段

叔仁等圖不軌誣服並棄市十二月甲辰朔立崇輝署隸宣政院
戊申冀寧路地震是歲襄陽陝州大水山崩壞官廨民居二萬一
千八百間死者三千四百餘人計口賑糧兩月死者給以槨

四年辛亥春正月癸酉朔帝不豫大赦庚辰崩于玉德殿壽三十
一壬午葬起輦谷夏五月上尊諡曰仁惠宣孝皇帝廟號武宗國
語曲律皇帝閏七月丙午祔于太廟

冊曰北藩入嗣三宮協和慨然創治爵濫賞阿貳省亂政令

教繁訛有為何裨變政已多

請由韓皇帝聞十月丙午帝大風

一壬午庚辰帝聞十月丙午帝大風

四甲午庚辰帝聞十月丙午帝大風

十八百問或答三千四百餘人指口頰

又申真寧祖世靈景靈殿刻版大水山崩

亦不詳圖不博臨別而棄古十二民甲

亦不詳圖不博臨別而棄古十二民甲

亦不詳圖不博臨別而棄古十二民甲

亦不詳圖不博臨別而棄古十二民甲

亦不詳圖不博臨別而棄古十二民甲

元史類編卷之六

仁和邵遠平飛山學南沙席世臣郭客氏校刊

天王四

仁宗皇帝諱愛育黎拔力八達武宗母弟也至元二十二年三月

丙子生于儒州通考云是夜太史奏文昌明文運將興大德九年冬十月成宗有疾中宮秉

政命帝同母元妃出居懷州所過供帳華侈悉令撤去飭扈從母

擾民民大感悅十一年春正月成宗崩時武宗為懷寧王總兵北

邊左丞相阿忽台等潛謀推成后伯岳吾氏稱制且欲立安西王

阿難答議未決右丞相哈剌孫知其謀恐內難作急遣使迎帝

帝從李孟言即日奉母元妃發懷州至衛輝抵漳河值大風雪田

叟有以孟粥進者近侍卻不受帝曰昔漢光武為寇兵所逼嘗食

豆粥麥飯大丈夫不歷辛苦庸知稼穡艱難即取食之賜叟帛行

次邯鄲諭守令曰吾慮衛士不法胥吏科斂為民困命王傳沿途
 巡察二月辛亥至大都與母元妃入哭盡哀仍出居舊邸朝夕入
 奠時哈刺哈孫稱疾守宮門夜遣人啟曰懷寧王遠不能猝至恐
 變生不測當先事而發三月丙寅帝率衛士入內陽召阿難答計
 事至則執之且責阿忽台等變亂祖宗家法鞠問辭伏及其黨八
 都馬辛賽典赤伯顏等皆伏誅諸王濶濶出牙忽都進曰今罪人
 斯得太子實世祖之孫宜早正天位帝曰王何出此言彼惡人潛
 結宮壺構亂邦家故誅之以彰國法豈欲覬望神器耶懷寧王吾
 兄也正位為宜乃遣使迎武宗于北邊五月乙丑帝與母元妃會
 武宗于上都甲申武宗即位尊元妃為皇太后六月癸巳朔立帝
 為皇太子以安西平江吉州三路為分地約以次傳已子先是帝
 在懷州深見吏弊欲痛剷除之及僥為太子雅重儒學遣使旁贊

經籍裝潢成帙識以玉刻印章時有進大學行義者命詹事王約
 等節而譯之帝曰治天下此一書足矣命與圖象孝經列女傳並
 刊行以賜臣下至大二年立尚書省詔太子兼尚書令詹事院啟
 金州獻瑟瑟洞請遣使采之帝曰所寶惟賢瑟瑟何用焉若此者
 後勿復聞通考作皇慶元年事有近侍言賈人售美珠者帝曰吾服御不喜飾
 珠璣以生民膏血不可輕耗也汝等當以恭儉愛人相規詎可以
 奢靡蠹財相導言者慚而退淮東宣慰使撒都獻玉觀音七寶帽
 頂及寶帶卻之戒諭如初四年春正月庚辰武宗崩帝入臨壬午
 即罷尚書省以丞相脫虎脫樂實平章三寶奴右丞保八參政王
 巽等變亂舊章流毒百姓命右丞相塔思不花知樞密院事鐵木
 兒不花等參鞠並棄市其黨孛羅鐵木兒濶里吉思烏馬兒忙哥
 帖木兒等杖流海南戊子罷城中都以司徒蕭珍督城工害民奪

其符印還中都所占民田召世祖朝諸老臣平章程鵬飛董士選少傅李謙少保張閭史作驪今從通考右丞陳天祥尚文劉正左丞郝天挺

中丞董士珍太子賓客蕭懌參政劉敏中王思廉韓從益侍御趙君信廉訪使程鉅夫乘傳詣闕同議庶政乙未禁百官役軍人造

作及守護私第丁酉名鐵木迭兒為右丞相完澤李孟並平章政事敕中書凡傳旨非親奉者勿行戊戌以塔思不花為御史大夫

諭曰凡大臣不法卿等劾奏毋避己亥改行尚書省為行中書省庚子停各處營繕罷廣武康里衛萬戶等官辛丑以塔失鐵木兒

知樞密院事壬寅禁鷹坊馳逐擾民經世大典序錄云國制自御位及諸王皆戶俾致鮮食以薦宗廟供天厨齒革羽毛以備用而立制加詳地有禁取有時違者罪之冬春之交天子或親幸近郊縱鷹隼搏擊以為遊豫之度日飛放府以穀不熟民困日朕不飛放且敕諸

王普寶赤皆不聽出二月定諸職子孫承廕試一經一史能通大義者免當保直不通者發還習學蒙古色目人願試者聽仍干應得品級量進

一階致仕官有子承廕者准不次銓注俾得祿養其親見典乙巳改延慶司為都功德司罷運江南所印佛經禁宣政院違制度僧

戊申命和林江浙行省依前設左丞相餘省惟置平章二員盡罷遙授職事辛亥禁諸王駙馬權豪擅據山場聽民樵採左遷康里

脫脫為江浙左丞相甲子太陰犯填星命李孟領國子監學諭曰學校人材所自出卿宜數詣國學課試諸生勉其德業以白雲宗

總攝所統江南為僧之有髮者不養父母避役損民勒還元籍罷各處僧官凡僧人訴訟悉歸有司省福建繡匠河南漁課兩提舉

司及江南行通政行宣政二院丁卯敕西僧非奉璽書驛券及無西番宣慰司文牒者勿輒至宋師戒黃河津吏驗問禁止復改仁

虞院為鷹坊總管府庚午定廣西靜江融州軍民官三載無過者民官減一資軍官升一階著為令三月庚辰召前樞密副使吳元

珪左丞烏伯都刺至京師同諸老臣議事丙戌太陰犯太微東垣
 上相罷五臺行軍部庚寅帝即位時皇太后用陰陽家言欲帝即位隆福宮詔
 曰惟昔先帝事皇太后撫朕眇躬孝友天至由朕得託順考遺體
 重以母弟之嫡加有削平內難之功踐阼曾未踰月授以皇太子
 寶領中書令樞密院使百揆幾務聽朕裁決于今五年先帝奄棄
 天下勲戚元老咸謂大寶之承既有成命非與前聖賓天而始徵
 集宗親議所宜立比當稽周漢晉唐故事即正宸極朕以國恤方
 新誠有未忍是用經時今則上奉皇太后勉進之命下徇諸王勸
 戴之勤于三月日即皇帝位凡尚書省誤國之臣先已伏誅同惡
 之徒亦皆放逐百司庶政悉歸中書從新拯治可大赦天下凡路
 府州縣名山大川聖帝明主忠臣烈士載在祀典者有司開具事
 蹟次第加封開國以來効節功臣所封食邑有司立祠致祭諸衙

門及近侍人員毋隔越中書奏事諸上書陳言者量加旌擢風聞
 不許入告內外百司有清慎公勤政績昭著五事備具者聽監察
 御史廉訪使察舉其廢公營私貪污敗檢諸人陳告得實依律斷
 罪枉法贓滿者應授宣敕槩行追奪吏人犯贓終身不叙誣告者
 抵罪禁獻地土山場密冶及中寶之人以絕僥倖商稅課程向有
 定制尚書併增為額又立增酬殿年之令苟非朕剝吾民彼將焉
 取今後恢辦一遵舊制於戲凡我有官君子皆古所謂治天職食
 天祿者宜一心力欽乃攸同毋替朕命見典章辛卯禁民間製銷金
 織金及成造金箔丁酉命月赤察兒依前太師加鐵哥太傅曲出
 太保敕至大中百司改升品級悉復至元舊制己亥寧夏地震帝
 諭省臣曰卿等哀集中統至元以來條章擇曉法律老臣斟酌重
 輕折衷歸一頒行天下俾有司有所遵守則抵罪者庶無冤抑又

不字字傳
不解何以
有此舉

諭太府監曰財用足則可以養萬民給軍旅自今一緡之微不言
于朕毋輒與人以烏伯都刺為右丞李士英為左丞察罕參知政
事牀兀兒脫火赤鐵木兒不花也速也先鐵木兒月魯鐵木兒並
知樞密院事封鐵木兒不花為宣寧王賜大都高年身遣宦者李
邦寧釋奠于孔子方就位大風起殿上燭盡滅燭臺底鐵鐫拔地
尺許夏四月壬寅定四宿衛士歲賜鈔二十四萬二百五錠汰漢
人高麗南人冒入者各還元籍丁未以張閭為江浙平章戒之曰
以汝先朝舊人故命汝往民為邦本無民何以為國汝其上體朕
心下愛斯民癸丑定路府州縣官俱三年為滿甲寅太陰犯亢熒
惑犯壘壁陣丁巳罷中政院辛酉救國子監師儒之職果才而賢
勿限資格雖布衣亦用癸亥罷中都留守司復置龍興路總管府
丁卯罷至大錢鈔詔曰我世祖皇帝參酌古今立中統至元鈔法

天下流行公私蒙利五十年于茲矣比者尚書省不究利病輒意
變更既創至大銀鈔又鑄大元至大銅錢鈔以倍數太多輕重失
宜錢以鼓鑄弗給新舊恣用曾未再葺其弊滋甚爰咨廷議允協
輿言皆願變通以復舊制其罷資國院及各處泉貨監提舉司成
造銅器聽民自便尚書省已發鈔本及至大銅錢截日封貯民間
行使者准赴行用庫倒換命中書省賑濟甘肅過川軍廢僧道也
里可溫答失蠻頭陀諸司罷通政院以所掌站赤歸兵部帝御便
殿李孟進曰陛下御極物價頓減方知聖人神化之速帝蹙然曰
卿能盡力贊襄使兆民苟安庶幾天心克享至于秋成尚未敢必
今朕踐阼曾未踰月寧有物價頓減之理朕託卿甚重茲言非所
賴也孟愧謝五月壬申以宦者鐵昔里為利用監卿封乳母夫楊
德榮雲國公丙子敕脩武宗實錄及累朝皇后功臣傳俾百司悉

上事蹟庚辰改長信院為寺置祥和署掌伶人癸未太陰犯氏戊子羅鬼蠻來獻方物六月癸卯敕宣政院凡西番軍務必移文樞密院同議乙巳命侍臣咨訪內外才堪佐國者悉以名聞丙午授內侍楊光祖譚振宗關居仁並宏文館學士定翰林國史院官承旨五員學士侍讀侍講直學士各二員丁未太陰犯太微東垣上相庚戌犯氏大同路民家產犢類麒麟車載以獻左右皆為瑞帝曰五穀豐熟百姓安業乃為瑞也卻之敕諸司白事令殿中侍御史侍側丙寅拘收泉府司元給諸商符命己巳衛王阿木哥入見帝諭省臣曰朕與阿木哥同父而異母朕不撫育彼將誰賴其賜鈔二萬錠他勿援例帝覽貞觀政要諭侍臣曰此書有益于國家其翻譯刊行俾蒙古人誦習之秋七月辛未朔甘州地震癸巳太陰掩畢丁酉犯鬼距星己亥置經正監掌蒙古軍牧地帝諭省臣

曰朕前戒近侍毋輒以文記傳旨中書今政有犯者不待奏聞直執付法曹究治詔御史臺選老成更事者為監察御史閏月辛丑命祭酒劉賡詣曲阜以太牢祀孔子甲辰立隆鎮衛于居庸關已酉吐番寇禮店文州己未增國子生額為三百人并增陪堂生二

十人通一經者以次補伴讀通考云復立國子學試貢法蒙古人授官六品色目人正七品漢人從七品試蒙古生之法從寬色目生稍加

密漢人則全用科場之制定軍官年七十致仕子弟年二十以上聽承襲有託疾

引年令幼弱子弟襲職者除名不叙丙寅太陰犯軒轅黑水白水等蠻十二萬戶來降復立通政院于上都領蒙古諸驛禁醫人非

選試者毋輒行醫藥九月己亥朔禁民彈射飛鳥殺馬牛羊當乳者庚戌命樞密院大閱各省軍馬壬子改元詔曰朕賴天地祖宗

之靈纂承聖緒永惟治古之隆羣生成遂國以乂寧朕夙興夜寐不敢怠遑任賢使能興滯補闕庶其臻茲歛時五福用敷錫厥庶

民朕之志也踰年改元厥有常典其以至大五年為皇慶元年故
 茲詔示癸丑月食乙卯太陰犯畢遣都水監往杭州取所造龍船
 省臣諫止之冬十月戊辰朔繪武宗御容奉安大崇恩福元寺月
 四上祭辛卯罷諸王斷事官置羣牧監掌興聖宮畜牧尚牧所掌
 太官羊立汴梁平江田賦提舉司掌大承華普慶寺貲產丙申太
 白犯壘壁陣十一月戊戌立乖西府隸播州以土官阿馬知府事
 辛亥以諸王結黨誣八不沙為不軌詔寫卜里牙敦于河南因忽
 乃于揚州納里于湖廣太那于江西班出兀那于雲南甲寅太陰
 犯輿鬼己未以合散平章政事張珪為樞密副使十二月癸酉封
 宣政會福院使暗普為秦國公庚辰太白經天甲申太陰犯太微
 西垣上將詔令歲不登春蒐勿令民供億遣官監視焚至大鈔乙
 未中書省言祖宗立選法憑黜陟以示激勸今官未及考或無故

吏代或躡等進階僭授國公丞相等職諸司已裁而權置者有之
 今春以來內降旨除官者千餘人其中欺偽豈能悉知壞亂選法
 莫此為甚帝曰自今凡內降旨一切勿行是歲增京師米肆十所
 日平糶糧八百石浙西水免漕糧四之一令江西湖廣補運京師

通考云遣官至江浙議以嘉興松江秋糧并江淮兩
 浙財賦府歲辦糧全充海漕凡到京者三百萬有餘

皇慶元年壬子春正月庚戌封駙馬醜漢為安遠王出總北軍癸
 丑太陰犯太微東垣上相改封濟王朶列納為吳王壬戌進翰林
 國史院秩從一品帝曰翰林集賢儒臣朕自選用省臣毋得擬奏
 人言御史臺任重朕謂國史院尤重御史臺是一時公論國史院
 實萬世公論當選中外方正博洽之士居之二月丁卯朔徙大都
 路學周宣王石鼓于國子監辛未改安西為奉元路吉州為吉安
 路和林為和寧路龍興為興和路以和林行省為嶺北行省壬午

天陰犯亢三月丙酉朔熒惑犯東井罷諸王大臣私第營繕己亥
制以生身爲天壽節壬寅太陰犯東井丙未起塔失海牙爲御史
大夫置內正司及丑臺寺濟民局庚申汰控鶴軍還本籍甲子封
諸王塔思不花爲恩平壬夏四月丙子太白晝見壬午熒惑犯輿
鬼癸未犯積屍氣封知樞密院木剌忽爲廣平王救僧人田除世
祖所賜者餘悉輸租庚寅太白經天天崇恩福光寺成置隆禧院
五月丙申朔以春散綱目作阿散爲左丞相張闊察罕並平章政事壬寅
禁諸王農時出獵丁未建涼殿于縉山縣行宮六月乙丑朔日食
丁卯天雨毛己巳太陰犯天關丁亥詔罷封贈之典時禮部集議封贈等
儀以非世祖所行故
罷秋七月丙午升大司農司秩從一品帝曰農桑衣食之本汝等
舉諸知農事者用之戊午太陰犯東井九月丁卯以阿卜海牙許
師敬同參知政事戊辰太白犯軒轅辛未太陰犯填星壬午辰星

犯右執法置少府監隸大都留守司乙酉太白犯右執法敕左右
勿僥倖乞加官九月丁巳太陰犯亢冬十月雲南右丞算只兒威
有罪國師請釋之帝曰僧人宜誦佛書官事豈當與耶斥弗聽敕
回鶻合的仍舊祈福其訴訟歸有司丁亥太陰犯赤道戊子犯亢
順宗成宗武宗實錄成十一月己亥太陰犯壘壁陣丙辰封駙馬
脫脫木兒爲岐王雲南不農蠻渠長岑福來朝十二月癸亥平章
李孟致仕以張珪代之甲子熒惑填星辰星聚于斗甲申鷹坊總
管請往河南湖廣括取珍禽帝以擾民不許戊子太陰犯熒惑遣
官祈雪己丑宗王女班氏乘傳取江南田租命拘還驛券是月諸
王春丹叛

二年癸丑春正月甲午命禿忽魯爲右丞相伯忽爲御史大夫封
乞台普濟爲安吉王戊申太陰犯三公己未置遼陽甘肅四川雲

南儒學提舉司二月壬戌改典內院為中政院丁丑日赤如赭免
 徵益都饑民所貸官糧二十萬石以各寺修佛事日用羊萬頭敕
 遵制易以蔬食辛巳詔錢糧造作訴訟等事悉歸所司以清中書
 之務丁亥回鶻以寶玉鬻于官帝曰朕思此物何足為寶唯善人
 為寶善人用則百姓安誠國家所宜寶也下應入三月元文無今補之三月庚子熒
 惑犯壘壁陣丙午立皇后宏吉刺氏丁未有星孛于東井自去秋
 至今不雨大都隕霜雨沙丞相禿忽魯以災變引咎帝曰事豈關
 汝其勿復言丙辰帝以亢旱遣官分祀諸神于宮中焚香默禱
 甘雨大注夏四月壬午置中瑞司甲申詔選賢士脩國史乙酉御
 史臺言富人夤緣特旨濫授官爵徽政宣徽用人多罪廢之流內
 侍託為貧乏互奏恩賞西僧作佛事累釋重囚外任官身犯刑章
 輒營內旨免罪諸王駙馬寺觀土田每歲徵租民間擾害尤甚帝

命悉革其弊以烏伯都刺平章政事八剌脫因為右丞阿卜海牙
 為左丞禿魯魯花鐵木兒參知政事六月己未朔京師地震丙寅復
 震命許思敬綱領國子學以監察御史檢察監學官考其殿最已
 卯定邊方遷調官優加一等復起李孟為翰林學士承旨甲申建
 崇文閣于國子監以宋儒周敦頤程顥程頤張載邵雍司馬光朱
 熹張栻呂祖謙及許衡從祀孔子廟庭河決陳亳等州秋七月己
 丑朔歲星犯東井辛卯太白晝見癸巳以作佛事釋囚徒二十九
 人甲午置權茶批驗所并茶由局官乙未太白晝見庚子立長秋
 寺掌武宗皇后宮政壬寅京師地震丙辰太白晝見丁巳太白經
 天大方通鑑云江浙省臣以新安儒士程復心所著四書集註章圖象釋來上詔擢用之辭不出改淮西三路隸河南省八月戊
 午朔太白晝見崇明州海溢壬戌歲星犯東井庚午以薛居敬參
 知政事壬午太陰犯輿鬼九月癸巳以完澤知樞密院事封御史

大夫脫歡為安定王戊申建銀山寺于鎮江勿徙寺旁瑩冢京師
大旱疫帝問弭災之道翰林學士程鉅夫舉湯禱桑林事以對帝
曰此實朕之責也赤子何罪冬十月己卯封布荅茂里為安德王
癸未復置蒙陰縣隸莒州十一月元本亦無月分甲辰始行科舉詔曰惟我
祖宗以神武定天下世祖皇帝設官分職徵用儒雅崇學校為育
材之地議科舉為取士之方規模宏遠朕以眇躬獲承丕祚繼志
述事祖訓是式若稽三代以來取士各有科目要其本末舉人宜
以德行為首試藝則以經術為先詞章次之浮華過實朕所不取
爰命中書參酌古今定其條制期以皇慶三年八月天下郡縣與
其賢者能者充貢有司次年二月會試京師中選者朕將親策焉
典章云蒙古色目人與漢人南人各命題蒙古色目人願試漢人南人科目中選者加一等注授
鄉試處所在行省者十一日河南陝西遼陽四川甘肅雲南嶺北在東江浙江西湖廣直慰司者
二日河東山東直隸省部路分
首四日真定東平大都上都十一月辛酉西域人可里馬丁上所編萬年

歷海都篤哇屬戶內附敕所在給衣糧是歲保定真定河間民流
亡不止命有司給糧兩月仍免今歲田租

延祐元年甲寅春正月丁亥以劉正平章政事商議中書省事高

昉參知政事此用漢人預政之始前此漢人不
得官中書高者止翰林學士承旨庚子敕各省平章專意訪求

遺逸苟得其人先以名聞而後致之丁未改元赦天下詔曰惟天

惟祖宗眷祐有國朕自即位于今四年比者陰陽失調星芒示儆

豈朕躬修德之未至耶抑官吏未選而政令之或乖耶思回天以

名和氣側身修行實切深衷庸勅攸司務其乃職爰布惟新之令

誕敷濟眾之仁可改皇慶三年為延祐元年於戲以實應天爰聿

新于庶政用孚有眾同保合于太和咨爾多方體予至意見典二

月戊辰免上都大都差稅二年癸酉熒惑犯東井甲戌以趙世延

參知政事綱領國子學壬午禿忽魯罷合散進右丞相監修國史

高昉改集賢學士三月壬辰太陰掩熒惑己亥白暈亘天連環貫
 日暹國遣使入貢癸卯改南劍路曰延平劍浦縣曰南平丙午封
 阿魯禿為趙王禁奸民宮其子為闈宦謀避徭役癸丑晉寧民侯
 氏昆弟五人並坐法當死帝嘆曰彼一家不幸而有是事其擇情
 輕者一人杖之俾養父母母絕其祀閏月辛酉太陰犯輿鬼罷咒
 僧月給俸遣人視大都至上都駐蹕之地有侵民田者計畝給直
 丙寅太陰犯太微東垣上相省瀆陽含光二縣入英德州夏四月
 甲申朔大寧路震太常官請立北郊帝謙遜未遑議遂輟丁酉命
 鐵木迭兒錄軍國重事監修國史復立回鶻國子監以其文字便於附
 功會數自元至元
二十六年始置回回學命公卿及富民子弟皆入
 學肄習亦名亦思替非文字至是乃復立之 帝以資治通鑑載前代興亡治亂
 命集賢院擇其博學老成者譯寫以進五月戊午辰星犯輿鬼丁卯禁
 諸王支屬擅取分地租賦敕嶺北行省痊陣沒遺骸六月戊子敕

宦者勿得畀文階封卜憐吉帶為河南王

輟錄云河南王卜憐吉帶為木
 省丞相時一日採吏田榮甫抱贖

請府請印王留田侍宴命取印至前田誤觸墜地印朱泚王衣王色不少動歡飲竟夕又一日發
 行郊天氣且暄王易京帽左右捧筵待風吹墮石上擊碎御賜王頂王笑曰是有數也令母懼發

軍增墾河南芍陂屯田乙未熒惑犯右執法秋九月己巳命鐵木
 迭兒為右丞相合散仍左丞相罷陝西諸道行御史臺冬十月乙

未定吏人轉官以從七品為止在選者降等注授坐贓者黜其面

弛下番市舶禁令江浙省給牒以往歸則征稅如制丙申括淮民

所佃閑田置沙瓜二州屯儲萬戶府庚戌辰星犯東咸勅軍官應

襲者試以武事而後任十一月乙卯置保安軍于麻陽縣以禦徭

蠻戊辰以蕭拜住為中書右丞禿忽魯答失蠻並知樞密院事續

治云命樞密院教練士
 卒官吏服闋者先補 遣平章張閻經理江浙江西河南民田限四十日

以所有田自實于官撤民舍發塚墓虛張頃畝樞密副使吳元珪

入見極言其弊帝命仍遵舊制十二月壬午禁諸王權勢之人增

價鬻鹽壬辰定官民車服等第惟蒙古及怯薛諸色人不禁亦不
 許服龍鳳文甲午太陰犯輿鬼庚子浚揚州淮安運河復起李孟
 平章政事以齊履謙為國子司業癸卯太陰犯房甲辰犯天江是
 歲地震冀寧汴梁及武安涉縣壞官民廬舍死者三百四十八發
 廩糶賑如例典章云定慶賀表箋履裏諸物馳驛赴都餘皆就便附進其元禁
 字樣大繁除御名廟諱及凶惡等字外至林祥極化字樣舉不違
 二年乙卯春正月乙卯歲星犯輿鬼己未太白晝見癸亥太陰犯
 軒轅丁卯犯進賢霖雨壞渾河隄沒民田發卒補之禁民煉鐵乙
 亥遣使巡行天下分十二道問民疾苦黜陟官吏二月己卯朔會
 試進士以中選舉人分二榜揭于省門之左右定例鄉試舉人取三百名
 會試取一百名總計鄉試
 所取數會試三分內取一以
 二月一日三日五日為試期戊子太白晝見癸巳太白經天庚子洞壙吳于
 道寇辰沉丙午太白經天三月乙卯廷試進士蒙古色目人為右
 榜漢人南人為左榜賜護都沓兒張起巖等五十六人及第出身

有差自是每三歲一試

通考云用趙孟頫元明善議貢試之法凡蒙古由科舉出身者
 授從六品色目漢人遞降一級歲貢八人土三人充部令吏下

四人為各
 路教授

丙辰太陰色赤如赭庚午加上皇太后尊號曰全德泰寧

福慶皇太后夏四月戊寅朔日食辛巳賜進士恩榮宴于翰林院
 庚子太陰犯壘壁陣辛丑賜下第舉人年七十以上者從七流官
 致仕六十以上者為府州教授餘並山長學正後勿為例定諸王
 功臣分地以流官為達魯花赤各位所辟為副達魯花赤乙巳立
 規運提點所及廣貯庫並隸壽福院五月戊申朔復立陝西行御
 史臺統漢中隴北四川雲南四道為西臺其江南行臺統建康湖
 東浙西海右湖北湖南廣西廣東海北閩海十道為南臺淮東淮
 西山南三道向撥同山東東西進河東山西道燕南河北道河北
 河南道山北遼東道隸內臺定為二十二道各設廉訪司辛酉太
 陰犯天江乙丑秦州成紀縣北山南移至西河川明日再移平地

向橫同
 苦字
 多誤

突出土阜高者三丈陷沒民居遣官驗視賑恤庚子太白晝見
 加宦者續元暉招文館大學士乙亥日亦如楮六月甲申太白晝
 見太陰犯平道河夾鄭州辛丑以濟寧益都旱減宿衛士芻粟癸
 卯太白犯東井丙午辰星犯輿鬼秋七月甲寅升陳州商水鎮為
 南充縣改只哈赤八刺哈孫總管府為尚供府乙卯給阿速戶貧
 乏者農具于連怯烈地屯田八月丙戌贛州蔡五九作亂陷江州
 寧化縣以趙世延為御史中丞命省臣自平章以下送之入臺庚
 子升遼陽之泰州為泰寧路增國子生百員歲貢件讀四員立積
 分法月試上等者為一分中等準半分積至八分者充高等歲終
 試貢壬寅詔江浙行省印農桑輯要萬部頒降有司九月丁未張
 閻以括田逼死民人下吏部鞫問詔免江浙江西河南自實田租
 一年減汴梁路虛增糧二十二萬石己酉太陰犯房辛酉太白犯

左執法蔡五九衆潰伏誅冬十月丙子朔客星見太微垣丁丑封
 脫火赤為威寧郡王以郭貫參知政事鐵木兒脫知樞密院事乙
 未授白雲宗主沈明仁榮祿大夫佩司空印加鐵木迭兒太師十
 一月丙午客星變為彗犯紫微垣歷軫至壁十五宿明年二月庚
 寅乃滅辛未以星變赦天下甲戌封武宗子和世琜為周王即明宗
 出鎮雲南丞相合散等以星變乞罷帝曰此朕之愆豈卿等所致
 其復乃職苟政有過差勿憚于改凡可以安百姓者當悉言之庶
 上下交修天變可弭也是歲江南湖廣道奉使溫迪罕言廉訪司
 公田多取民租詔復舊制時公田為民害而荆湖尤甚部內實無田隨民所輸租
取之戶無大小皆出公田租雖水旱不免故以為言
 三年丙辰春三月辛亥加將作院使呂天麟大司徒改直沽為海
 津鎮甲寅命蕭拜住護送和世琜之雲南置周王常侍府官屬壬
 申禁各省春時畋獵夏四月癸酉朔立殊祥院升印經提舉司為

刺合兒並知樞密院事趙孟頫為翰林學士承旨五月庚申以伯

鐵木兒蕭拜住同平章政事阿卜海牙轉右丞郭貫為左丞不花

乞增並叅知政事庚午置遼陽金銀鐵冶提舉司六月乙亥封孟

軻父為邾國公母為邾國宣獻夫人孟軻考孟詵春秋釋奠先聖以顏曾思孟配

于思沂國述聖公封牀元兒句容郡王丙子融負柳州獠蠻叛丁丑敢

大辟臨刑敢有橫加割割者以重罪論凡鞫囚非強盜毋加酷刑

河決汴梁秋七月乙卯封玉龍鐵木兒保恩王丙寅以燕鐵木兒

知樞密院事郭貫為集賢大學士王毅為中書左丞置織佛像工

匠提調所九月庚戌升縉山為龍慶州以帝生是縣故城癸丑太白晝見已

未冀寧晉寧路地震丙寅太白經天冬十月辛未復以高昉參知

政事壬申調四川雲南軍五千人于烏蒙屯田壬午河南路地震

甲申太白犯斗庚寅敕五臺靈鷲寺置鐵冶提舉司丁酉禁民有

父在者不得私貸人錢十一月壬寅遣御史監治嶺北省鈎校錢

終古周
王便立
太子仁
宗河以
於武宗
手於地
下

觀省

四年丁巳春正月大赦詔曰仰惟太祖聖訓有曰應天順人惟以

至誠久安長治宜遵正道重念列聖繼承不祚顧予非德懼弗克

荷比者和世球年屬幼弱聽信憮人欲圖不軌搆亂邦家已為陝

西

西行省行臺管軍官等將叛賊阿思架教化徹畢哥思等斬首以
徇其同謀協從者若盡加誅朕心有所不忍宜推浩蕩之恩開以
自新之心可大赦天下倘有懼罪逃匿賊中或潛藏民間及肅聚
山谷者詔旨到日限一百日內許令自首與免本罪限外不首復
罪如初於戲赦過宥罪惟期反側之安發政施仁聿底隆平之治
咨爾有衆體朕至懷輒典庚子帝謂省臣曰中書比奏百姓之食
宜加賑恤朕思民饑若此豈政有過差以致然與向詔百司務遵
世祖成憲爾等宜勉力奉行輔朕不逮務期省刑薄賦庶使百姓
可遂其生乙卯諸王脫脫駐雲南擾害軍民以按灰代之壬戌冀
寧路地震閏月丙戌以立皇太子詔夫不自朕荷上天之鴻禧纂
列聖之不緒比承皇太后慈訓若稽世祖成憲重念國本宜早建
儲親王大臣僉言允同皇子碩德八剌位居嫡長天錫仁孝可以

主神器奉宗祧乙丁延祐三年十二月日授以金寶立爲皇太子
因茲盛舉庸布新恩於戲萬國以貞允屬元良之重四方其訓永
垂燕翼之基凡爾多方各宜知悉輒典辛卯封別鐵木兒爲汾陽
王諸王孛羅爲冀王加太常禮儀院使拜住大司徒特授近侍完
者不花翰林侍讀學士同修國史三月丁卯朔升靖州爲路乙酉
太陰犯箕夏四月不雨時帝在御久猶居東宮嘗夜坐謂侍臣曰
雨暘不時奈何蕭拜住曰宰相之過也帝曰卿不在中書耶拜住
惶謝頃之帝露香默禱于天夜分大雨左右以雨衣進帝曰朕爲
民祈雨何避爲戊申荅合孫寇邊吳王朶列納敗之于和懷乙丑
翰林學士劉賡進所譯大學衍義帝曰是書議論甚嘉令頒賜朝
臣帝通達儒術兼悟釋典嘗曰明心見性佛教爲深修身治國儒
道爲切又曰儒者可尚以能維持三綱五常之道也五月戊寅改

太子衛率府爲中翊府壬午黃州真州建寧等處流民羣聚剽掠
救傷人及盜者如律餘並給糧遣歸己丑以赤因鐵木兒阿卜海
牙並平章政事乞塏爲右丞相已酉以烏伯都刺王毅復平章政
事丙辰定諸王駙馬功臣分地仍舊得自辟達魯花赤秋七月乙
亥中書平章李孟罷己丑成紀縣山崩土石潰徙壞田廬辛卯冀
寧地震帝諭省臣曰比聞蒙古諸部困乏往往鬻子女于民爲婢
僕其命有司贖之還各部立宗仁衛總之帝出見衛士有敝衣者
駐馬問之對曰戍守邊陲十五年以故貧耳帝曰此輩久勞于外
留守官未嘗以聞非朕親見何由而知自今有類此者必言于朕
命賜之錢帛八月丙申熒惑犯輿鬼壬子太陰犯昴庚申合散奏

事畢帝問曰卿等日所行者何事對曰第奉行詔旨而已帝曰卿
等何嘗奉行朕旨雖祖宗遺訓朝廷法令皆不遵守夫法者所以
辨上下定民志自古未有法不立而天下治者使入君制法宰相
能守法則民知所畏避綱紀可正風俗可厚其或法弛民慢怨言
並興欲求治安豈可得哉合散遂言故事丞相必用蒙古勳族臣
本西域人不厭人望敢辭帝命宣徽使伯荅沙爲右丞相合散仍
左丞相九月庚午太陰犯斗嶺北地震三日大都南城產嘉禾一
莖十一穗冬十月甲午朔遣王桂致祭陝西嶽瀆賑秦州被災民
戊午海外婆羅公民船漂至温州敕江浙省資遣還國十一月己
卯省汧源縣入隴州壬辰諭諸宿衛入直各居班次非有旨不得
上殿闌入禁中者坐罪輟耕錄云有云都赤乃宿衛之至親近者分三日一次入直大
臣許從二人他官一人門者譏其出入十二月丁酉復置廣州採

珠都提舉司

輟耕錄云廣東采珠之人懸繩于腰沈入海中良久得珠撼其繩船上人挈出之葬于蛟龍之腹者不少有司名曰烏盤凡仁宗登極特旨放免至是復行

乙巳遣官即興和路及淨州發廩賑北方流民壬子以禿滿迭兒

知樞密院事是歲復置詹事院及家令府延慶司典寶監改怯憐

口總管府為繕用司衛王阿木哥以罪貶高麗

五年戊午春正月甲戌懿州地震乙酉敕諸王位下民在大都者

與平民均役丁亥以買住為大司農爵魯國公二月癸巳朔日食

和寧路地震封諸王禿滿鐵木兒為武平王丁未建鹿頂殿于文

德殿後甲寅置寧昌府敕上都諸寺商貨並輸稅三月戊辰改靜

安路為德寧路縣為德寧縣勅書金字藏經共糜金三千九百兩

夏四月庚戌免懷孟河南南陽民所輸陝西鹽課時解州鹽池為水壞命懷孟等處食陝西紅鹽

後以地遠改食滄鹽而重輸課陝西至是始免轉海漕糧十萬石于遼陽以賑貧民甲寅以千盧

史作奴今從志史弼並平章政事故儼參知政事五月辛酉朔以亦列赤為

中書右丞本紀作丞相按下文及年表刪去遣王毅祭星于司天臺三晝夜壬申御史

言比年名爵冒濫太尉司徒國公接跡于朝禮部鑄三公印二十

有六此輩無功家國乞賜裁罷詔以門閥勲業素著者存留一二

餘並革去己卯德慶路地震六月辛卯從御史臺言罷張闡等經

理民田虛增糧數止如舊輸稅癸巳加典瑞院使幹赤集賢大學

士大司徒秋七月己未朔諸王不里牙敦之叛諸王也舍失列吉

及衛士朶帶伯都坐持兩端詔流也舍江西失列吉湖廣朶帶衡

州伯都潭州戊子省翁源縣入曲江加封楚三閭大夫屈原忠節

清烈公九月癸亥大司農買住進司農丞苗好謙所撰裁桑圖說

帝曰農桑衣食之本此圖甚善命刊印散之民間松雪齋集云上御嘉禧殿覽所進農桑圖問作

詩者何人對曰翰林承旨趙孟頫作圖者何人對曰諸色人匠提舉楊叔謙上嘉賞久之人賜文綺一段丁卯以亦列赤平章政事高昉為右丞換住為左丞燕只干參知政事壬午敕軍官犯罪聽樞密

院議擬行省毋擅決遣丁亥復立行宣政院于杭州置大永福寺
 都總管府改中翊府為羽林親軍都指揮司統軍萬人隸東宮冬
 十一月壬戌增置大都南北兩兵馬指揮使色目漢人各二員丁
 卯追奪建康富民王訓等白身濫受宣敕丙子詔唐陸淳著春秋
 纂例辨疑微旨三書有益後學命江西行省錢梓以廣其傳癸未
 定江西茶課以二十五萬錠為額初世祖時置權茶都轉運司于江州總江准茶
 稅等改江西其課自二萬四千錠漸增至十九
 萬錠至是從江西茶副法忽魯丁吉立減引增課法歲額二十五萬錠後復
 增至二十八萬九千餘錠錫場山谷之產不能充其半皆派取民間歲以為常建毀于大永福
 寺奉安順宗御容十二月壬辰特授集賢大學士脫列大司徒辛
 亥置重慶路江津巴縣屯田省成都歲漕米萬二千石是歲秦州
 秦安縣鞏昌隴西寧遠三縣皆山崩
 六年己未春正月丁卯定邊遠軍官致仕還家者許給驛如民官
 例戊寅太陰犯心己卯廣東南恩州獍賊龍即庚等為寇帝御嘉

禧殿謂大宗正員閻曰人命所繫至重其詳閱獄辭事無大小必
 謀諸同僚疑不能決者與省臺官集議然後以聞又顧謂侍臣曰
 卿等以朕居位為安邪朕惟太祖創業艱難世祖混一疆宇兢業
 守成恒懼不能當天心繩祖武使萬方樂得其所朕念慮在茲卿
 等固不知也二月丁亥朔日食改釋奠于中丁祀社稷于中戊典

云釋奠用大成樂令各路府選習古
 樂師教肄生徒不得仍用俳優歌曲

丁酉雲南閣里愛俄永昌蒲蠻阿八刺等

並為完戊戌改陝西轉運鹽司為河東陝西都轉運司直隸省部
 己亥太陰犯靈臺三月辛酉命禿禿合為御史大夫帝曰此任至
 重以卿勲舊之裔故特授汝當思乃祖乃父忠勤王室仍以古名
 臣為法否則將墜汝家聲矣己巳太陰犯明堂敕諸王駙馬宗姻
 諸事依舊制領於內八府官勿徑移文中書元制有內八府官掌諸王朝覲
 等事其貴似侍中其近似門下
 故亦號宰相然特寵之以名耳較耕錄云內八府宰相入員秩二品而不降授宣命特中書照會
 之任而已寄位于翰林之埽墜墻隣官門外院官會集處也所職視草制若詔赦之文則非其掌

院之公事亦不得與例以國戚勳貴子弟充之癸酉太陰犯日星甲戌犯心改懷孟路為懷慶封

諸王月魯鐵木兒為恩王夏四月壬辰定主官病故子姪兄弟皆

准承襲無則從本俗許以妻承夫職丙申令京官各運糧輸上都

賑蒙古饑民庚子復起鐵木迭兒為太子太師御史申丞趙世延

論其不法數十事帝以太后故不聽左遷世延為四川行省平章

典章云凡父母喪未經大葬者兄弟不得先分貲異居過繼同宗子與庶生子同分財產五月辛酉太陰犯靈臺丁卯犯房

丙子犯壘壁陣六月戊子改繕珍司為徽儀司并莊浪巡檢司為

縣已亥歲星犯東咸辛丑置河南田賦總管府隸內史府戊申置

勇敢署以角觝者隸之秋七月壬戌太陰犯心來安土官岑世興

叛據唐興州降詔招諭之甲戌皇姊夫長公主祥哥刺吉作佛事

釋全寧府重囚二十七人帝怒命按問全寧守臣阿從不法仍追

所釋囚還獄給朔方蒙古民駝馬牛羊俾牧養蕃息以自贍丙子

太白犯太微垣右執法八月甲申以欽察張思明並參知政事乙

酉熒惑犯輿鬼閏月丙辰辰星犯太微垣右執法癸亥熒惑犯軒

轅甲子太陰犯壘壁陣乙亥太白犯東咸九月戊戌省永興縣入

奉聖州置雲南縣隸雲南州以故昌州寶山縣置寶昌州隸興和

路敕諸司有受命不之官及避繁劇託故去職者奪其宣敕癸卯

浚鎮江練湖冬十月乙卯白雲宗總攝沈明仁強奪民田二萬頃

誑誘愚俗十萬人帝稔知其奸下所司嚴鞫辛酉以鐵木兒不花

為御史大夫癸亥熒惑犯太微垣左執法乙丑太陰犯昴戊辰犯

東井庚午太白晝見辛未太陰犯軒轅十一月辛卯熒惑犯進賢

庚子禁民匿蒙古軍亡奴帝諭臺臣曰有國者以民為本比聞百

姓疾苦啣冤者眾其令監察御史廉訪使審察以聞十二月壬戌

命皇太子參決國政追封宋儒周惇頤為道國公通考云封濂溪為丙

元史類編 卷之六
寅太陰犯軒轅壬申犯心以虞集爲翰林待制帝謂左右曰凡在
儒臣悉皆優用特虞伯生未顯擢耳癸酉夜風雪甚寒帝謂侍臣
曰朕與卿等居暖室宗戚昆弟遠戍邊陲曷勝其苦歲賜財帛可
不徧及耶敕上都大都冬夏設食于路以食饑者是歲伏羌縣山
崩揚州火燬官民廨舍二萬三千三百餘區
七年庚申春正月辛巳朔日食帝齋居損膳輟朝賀辛卯白雲宗
沈明仁擅度僧四千八百餘人獲鈔四萬餘錠旣辭伏復遣其徒
沈崇勝潛赴京師行賄事覺詔逮赴江浙併治其罪乙未太陰犯
明堂上星己亥帝不豫辛丑崩于光天宮壽三十六癸卯葬起輦
谷五月乙未加上尊諡曰聖文欽孝皇帝廟號仁宗國語曰普顏
篤皇帝八月丙辰祔于太廟

冊曰立極電掃稗政悉除設科輟獵屏言利徒澹然無欲十

年罔渝是惟令主信史用書

宋史 卷之六 太祖 太祖 太祖

太祖 太祖 太祖 太祖

太祖 太祖 太祖 太祖

太祖 太祖 太祖 太祖

太祖 太祖 太祖 太祖

太祖 太祖 太祖 太祖



太祖 太祖 太祖 太祖

